







# পি-ডাবলিউ-ডি

শ্রীজলধর চট্টোপাধ্যায়

নাট্যভারতীতে অভিনীত  
শুভ-উদ্বোধন—মহালয়া ১৩৪৭

চলতি নাটক-মন্ডেল এভেনিউ  
১৪৩, কর্ণওয়ালিস স্ট্রীট, কলিকাতা, ৬

চতুর্থ সংস্করণ

## দুই টাকা চারি আনা

---

গ্রন্থকারের পক্ষে শ্রীঅসীমকুমার চট্টোপাধ্যায় ১৪৩, কর্ণওয়ালিস স্ট্রিট,  
কলিকাতা হইতে প্রকাশিত। লক্ষ্মী সরস্বতী প্রেস ২০২,  
কর্ণওয়ালিস স্ট্রিট, কলিকাতা হইতে শ্রীরামকৃষ্ণ পান  
কর্তৃক মুদ্রিত।

সুহৃদ—

দুর্গাদাস বন্দ্যোপাধ্যায়

আমার পি-ডাব্লিউ-ডি মহাশয়ের

কল্পকমলে-

গুণমুগ্ধ

জলধর চট্টোপাধ্যায়



‘পি-ডাব্লিউ-ডি’ পরিচালনা করেছেন—জনপ্রিয়-নট হুর্গাদাস ব্যাট্যাপাধ্যায়। তাঁহাকে সহায়্য করেছেন—রতীন বন্দ্যোপাধ্যায় ও সত্যেন্দ্র সিংহ। বিশেষভাবে রতীনবাবুর আন্তরিক চেষ্টা ও যত্ন অভিনয়-সাফল্যের দিকে অনেকখানি সাহায্য করেছে।

প্রথমে শুনেছিলাম—স্বাস্থ্যের কারণে নির্মলেন্দুবাবু আমার নাটকে রঙ্গাবতরণ করবেন না। তারপর তিনিও একটি ছোট ভূমিকায় অবতীর্ণ হ’য়ে নাটকখানির গোরব-বৃদ্ধি করেছেন! কিন্তু জহরবাবু হঠাৎ নাট্যভারতী পরিত্যাগ কয়্য একজন শক্তিমান নটের অভাব বোধ করেছি আমি।

জনপ্রিয়া নটী রাণীবালা ভগ্নস্বাস্থ্য পুনরুদ্ধার ক’রে নূতন চরিত্রা-ভিনয়ে অবতীর্ণ হলেন—এই নাটকে। আমি তাঁর স্বাস্থ্য-কামনা করি।

নাগুবাবু যে দৃশ্যপট কল্পনা করেছেন, তা’ অপূর্ব। তাঁর কৃতিত্বের পরিচয় আমার পূর্ববর্তী অনেক নাটকেই পেয়েছি। গানে সুরযোজনা করেছেন—তরুণ শিল্পী শ্রীমান উমাপতি শীল—তাঁর উজ্জল ভবিষ্যতের আভাষ দিয়েছেন। তন্ত্রধার কালিবাবুর শ্রম অমাহুষিক। তাঁর কাছে কৃতজ্ঞতা-স্বীকার করতে আমি বাধ্য।

নাট্যভারতীর নট-নটীগণ সকলেই আপ্রাণ চেষ্টা ও যত্ন করেছেন এই নাটকখানিকে নিখুঁতভাবে রূপদান করতে। ব্যক্তিগত ভাবে আমি তাঁদের সকলের কাছেই আমার অন্তরিক কৃতজ্ঞতা জ্ঞাপন করছি।

**জলধর চট্টোপাধ্যায়**





# নট-নটী

শ্রামণী

অঞ্জাল

মালতী

মাধবী

সেবিকাগণ

খেদির মা

সোমেন

সনৎ

রায়বাহাদুর

বিরূপাক্ষ

গজেন্দ্র

দ্বিজবর

গোবর্দ্ধন

সেন সাহেব

সুধাংশু

বিপিন

বিলাস

বিহারী

ভিখারী

চাকরাণী

বিলাতফেরত, সেবিকাসঙ্ঘের সেক্রেটারী

প্রফেসর পরে সদানন্দ স্বামী

সনাতের পিতা, চা-বাগানের মালিক

রায়বাহাদুরের বিশ্বাসী কর্মচারী

ধনী ব্যবসায়ী

বৃদ্ধ ব্রাহ্মণ

সোমেনের চাকর

পকেটমার ভবঘুরে

শ্রামণীর দাদা

শ্রামণীর পাণিপ্রার্থী

গায়ক

—/—

প্রথম অভিনয় রজনীতে  
কে কোন্ অংশ গ্রহণ করেছেন  
পুরুষ

রায়বাহাদুর	শ্রীনির্মলেন্দু লাহিড়ী
সেন সাহেব	দুর্গাদাস বন্দ্যোপাধ্যায়
সৌমেন	রতীন বন্দ্যোপাধ্যায়
সনৎ	শ্রীসন্তোষ সিংহ
গজেন্দ্র	শ্রীবিজয়কান্তিক দাস
বিরূপাক্ষ	শ্রীতুলসী চক্রবর্তী
ষিজবর	শ্রীকুমারকৃষ্ণ মিত্র
সুধাংশু	শ্রীমিহির ভট্টাচার্য্য
ভিখারী	শ্রীতারাপদ ভট্টাচার্য্য
বিহারী	শ্রীশান্তি ভট্টাচার্য্য
বিপিন	শ্রীউমাপদ দাস
বিলাস	শ্রীপ্রভাস বঙ্গ
পানওয়ারা	শ্রীষতীন দাস
গোবর্দ্ধন	শ্রীগিরীশ দে
ভৃত্য	শ্রীবটকৃষ্ণ দে
পথিক	শ্রীঅনিল বিশ্বাস
লোকেশ্বর	শ্রীগণেশ মজুমদার ও অনিল রাহা

স্ত্রী

আবহ-সঙ্গীত	শ্রীমতী রাজলক্ষ্মী ( বড় )
শ্রামলী	শ্রীমতী রাণীবাল্য
অঞ্জলি	শ্রীমতী সুহাসিনী
মালতী	শ্রীমতী নির্মলা ( যুথিকা )
মাধবী	শ্রীমতী নন্দরাণী
খেদির মা	শ্রীমতী রাজলক্ষ্মী ( পচি )

## সংগঠনকারিগণ

নাট্যকার

পরিচালক

স্বর-সংযোজক

মঞ্চশিল্পী

বাঁশী

বেহালা

চেলে

ট্রাম্পেট

হারমোনিয়াম

পিয়ানো

তবলা

স্মারক

সহকারী

আলোকসম্পাতকারী

মঞ্চাধ্যক্ষ

সহকারী

বেশকারী

ব্যাংক গ্রাউণ্ড মিউজিক

মেকআপ্

প্রচারক

শ্রীজলধর চট্টোপাধ্যায়

দুর্গাদাস বন্দ্যোপাধ্যায়

শ্রীউমাপতি শীল

শ্রীমণীন্দ্রনাথ দাস ( নাহুবাবু )

শ্রীধীরেন্দ্রনাথ বন্দ্যোপাধ্যায়

শ্রীকমল বন্দ্যোপাধ্যায়

শ্রীবসন্তকুমার গুপ্ত

শ্রীজীতেন্দ্র চক্রবর্তী

শ্রীঘণ্টেশ্বর প্রামাণিক

শ্রীকালীপদ বন্দ্যোপাধ্যায় ( ২নং )

শ্রীকুমারকৃষ্ণ মিত্র

শ্রীকালীপদ বন্দ্যোপাধ্যায় ( ১নং )

শ্রীশান্তি ভট্টাচার্য

শ্রীপ্রফুল্লচন্দ্র ঘোষ

শ্রীশঙ্কর ভট্টাচার্য

শ্রীতুলাল দাস

শ্রীপাঁচকড়ি দত্ত

শ্রীপূর্ণ দে ( এঃ )

শ্রীঅমল্য নন্দী

শ্রীনৃপেন রায়

শ্রীগোবিন্দ দাস

শ্রীরাজকৃষ্ণ মহাপাত্র

নাট্যভারতী যন্ত্রীসজ্জা

সেথ বেচু

শ্রীবিজয় মুখোপাধ্যায়

## আবহ-সঙ্গীত

( সুরবি—ধীরেন্দ্রনাথ মুখোপাধ্যায় )

অন্ধকার—অন্ধকার !

তোমার বুকেই আলোর অহঙ্কার !

বিপুল ব্যথার বেদীর পরে

স্বথের নওলকিশোর পরে—

চোখের জলের স্ফটিক অলঙ্কার

মন-ভুলানো সোণার কমল

পাকের মাঝেই তার বাহার,

কান্নাহাসির কড়ি-কোমল

বাজায় মনের স্বরবাহার !

মানবিরহের আঙিনাতে

ভালোবাসা বাসর পাতে

ছঃখে-স্বখে জীবন চমৎকার !

# পি-ডাব্লিউ-ডি

প্রথম অঙ্ক

প্রথম দৃশ্য

স্থান—দ্বিতলের একটি কক্ষ

কাল—সন্ধ্যা

দৃশ্য—‘সেবিকাসভে’র অগ্নিস। টেবিল চেয়ার ওভূতি সাজানো। টেবিলে ফোন ও কলিংবেল। দেওয়ালে ক্যালেন্ডার, Florence Nightingale এর ছবি।

সেবিকাসভের সেক্রেটারী সৌমেন চুপুট টানিতেছিলেন। একটি বালিকা পার্শ্ব দাঁড়াইয়াছিল। তাহার চোখ দিয়া জল গড়াইতেছিল।

সৌমেন। শোনো অঞ্জলি, বিবাহ একটা convention ছাড়া আর কিছুই নয়। ভালবাসা তো weakness! সত্যিই যদি এ জগতে কিছু করতে চাও—ওসব weaknessগুলো ত্যাগ করো।

অঞ্জলি। বারো বছর বয়সে বিধবা হয়েছিলাম—কে যে আমাকে বিয়ে করেছিল তা' ঠিক জানি না—তবু—আমি....

সৌমেন। আঃ থামো, কাজ করতে দাও—

অঞ্জলি। কিন্তু সৌমেনদা আমার উপায় কি? আমার বুকের ভেতর জলে যায়—যখনি ভাবি—আমি পতিতা!

সৌমেন। ( বিস্মিত ভাবে ) পতিতা? What do you mean?

অঞ্জলি। আমি শিবপূজা করতাম—দেবদেবীকে বিশ্বাস করতাম—নিশ্চিন্ত মনে মায়ের কোলে ঘুমিয়ে থাকতাম। কিন্তু আজ—( কাঁদিল ) কেন তুমি আমাকে এখানে নিয়ে এলে? এখন আমার উপায় কি?

সৌমেন। তোমাকে এখানে নিয়ে এসেছি, তোমার মার অহুরোধে। বিধবা তুমি। এ-ছাড়া সম্ভাবে জীবনযাপন করার আর কি উপায় আছে তোমার? সেবাস্বামী কি ভাল লাগছে না অঞ্জলি?

অঞ্জলি। না।

সৌমেন। তা' হলে তুমি কি করতে চাও?

অঞ্জলি। শ্রামলীদি বল্ছিল....

সৌমেন। কি বল্ছিল, বলো? বুঝেছি বিয়ের কথা?...Nonsense! বিয়ে, বিয়ে, বিয়ে। বিয়ে ছাড়া জীবনযাপনের জীবনে যেন আর কোনো কাম্যই নেই! শোনো অঞ্জলি, এখানে যদি থাকতে চাও—বিয়ের কথা মুখে আনতে পারবে না। We are brothers and sisters!

কোনে রিং করিল

Hallo, yes, সেবিকাসজ্জ। কে আপনি? Oh I see—হ্যাঁ,  
হ্যাঁ, very well পাঠাচ্ছি—

অঞ্জলির দিকে চাহিয়া

একটা call আছে, এখুনি যেতে হবে—যাবে?

অঞ্জলি। না।

সোমেন। টাইফয়েড্ কেস্। পেসেন্ট্—একটা পাঁচ বছরের ছোটো  
ছেলে—যাওনা?

অঞ্জলি। না, আমি যাবোনা।

সোমেন। ছি, ছি, অঞ্জলি—তুমি বড্ড বাড়াবাড়ি করছ। তোমার শিব  
পূজোর চেয়ে এই আর্ন্তের সেবা অনেক বড় কাজ। ওই ছবিটা কার  
জানো? ওঁর নাম Florence Nightingale—সেবায়ত্নই ছিল ওঁর  
জীবনের একমাত্র অবলম্বন। তাই উনি আজ চিরস্মরণীয়!।

অঞ্জলি। যে নিজেকেই আর্ন্ত, সে কি কখনো আর্ন্তের সেবা করিতে পারে  
সোমেনদা?

প্রস্থান

সোমেন। Idiot! ( বিরক্তভাবে কলিং বেল টিপিলেন )

গোবর্দ্ধনের প্রবেশ

মালতীকে ডেকে আন।

গোবর্দ্ধনের প্রস্থান

ফোনে রিং করিল

Hallo—কে? বিরূপাক্ষ? রায় বাহাদুর কেমন আছেন? ভাল  
নেই? আচ্ছা—তুমি নিজেই একবার এসো না—আচ্ছা, আচ্ছা....



মালতীর প্রবেশ

এই যে মালতী, যাও তৈরি হয়ে এসো। এখন তোমাকে  
যেতে হবে...

মালতী। কোথায়?

সোমেন। এনং সরকার বাই লেন।

মালতী। ভাড়া দিন্—

সোমেন মাণিবাগ হইতে একটা দোয়ানী বাহির করিয়া

টেবিলে ফেলিয়া দিল

মালতী। দেয়ানীটা ওভাবে টেবিলের ওপর ফেলে না-দিয়ে, হাতে হাতে

দিলে আপনার জাত যেতো না সোমেনবাবু!

সোমেন। তার মানে?

মালতী। তার মানে—শ্রামলীকে দিতে হ'লে হাতে-হাতেই দিতেন....

দোয়ানী লইয়া প্রস্থান.

সোমেন। Nonsense!

অঞ্জলির প্রবেশ

অঞ্জলি। রাগ করো না, সোমেনদা! মালতীদি সত্যি কথাই বলেছে।

সোমেন। সত্যি কথাই বলেছে?

অঞ্জলি। ইয়া, শ্রামলীকে তুমি ভালোবাসো।

সোমেন। বেরিয়ে যাও এখান থেকে ..

শ্রামলীর প্রবেশ

এসো শ্রামলী ! বসো । বিরূপাক্ষ ফোন করেছিল ।

শ্রামলী । করবেই জানি । কিন্তু অঞ্জলি কঁাদছে কেন সোমেনবাবু ?

সোমেন । শিবপূজা করতে পারছে না বলে । তাই নয় কি অঞ্জলি ?

শ্রামলী । বেচারা ! আপনি ওকে বিয়ে করুন সোমেনবাবু । সত্যিই ও আপনাকে ভালবাসে....

হাসিল

অঞ্জলির প্রস্থান

সোমেন । হেসো না, শ্রামলী ! She is an idiot ! আমি আজই ওকে দেশে পাঠাবো । যাক সে কথা । বুড়ো রায়বাহাদুর আর ক'দিন বাঁচবে বলা তো ?

শ্রামলী । তা' কি করে বলবো ?

সোমেন । Payment কিন্তু ভারি regular. বিলের আগেই চেক পাঠায় ।

শ্রামলী । তা' তো পাঠায় । কিন্তু আমি যে আর পেরে উঠছিনে । শিওরে বসে সারাটি রাত জাগতে হবে—কাজ তো কেবল গীতাপাঠ আর কেওনগান । চোখের সামনে থেকে উঠে এক মুহূর্তও এদিক-ওদিক যাবার উপায় নেই—অমনি 'মা-শ্রামলী', 'মা-শ্রামলী'—আমি যেন তার সাতজন্মের মা । এমন হাসি পায়....

সোমেন । তাই নাকি ?

শ্রামলী। হ্যাঁ। অঞ্জলিকে পাঠিয়ে দিন্ না ?

সৌমেন। সে যাবে না।

শ্রামলী। তা'হলে আমিও যাব না।

সৌমেন। ছেলেমানুষী করো না। শোন। ওই রায়বাহাদুরের ছেলের সঙ্গেই তোমার বিয়ের কথা হয়েছিল....

শ্রামলী। তাই নাকি ? উনিই কি সেই....

সৌমেন। হ্যাঁ, উনিই সেই রায়বাহাদুর—চা-বাগানের মালিক। ওঁর অধীনেই তোমার বাবা চাকরী করতেন—জলপাইগুড়িতে।

শ্রামলী। ওঁর ছেলেই কি—

সৌমেন। হ্যাঁ সন্ন্যাসী হয়ে গেছে....

বিরূপাক্ষের প্রবেশ

বিরূপাক্ষ। এই যে শ্রামলীদিদি ! বুড়ো কত্তা যে তোমার জন্তে কাঁদছেন ! শীগগীর চলো...

সৌমেন। শোন বিরূপাক্ষ। শ্রামলী আজ দু' মাস ধ'রে রাত জাগছে। ওর শরীরটা বড্ড খারাপ হ'য়ে পড়েছে—তুমি আর কাউকে নিয়ে যাও।

বিরূপাক্ষ। না, না, তা হবে না দিদিমণি, তোমাকেই যেতে হবে। এই নিন্—সৌমেনবাবু, আড়াইশো টাকা'র চেক—আর এক-মাসের advance !

সৌমেন। ( হাসিয়া ) বুঝেছ শ্রামলী

বিরূপাক্ষ। কিছু বোঝোনি তোমরা।

শ্রামলী। একটু বুঝিয়ে দাও তো বিরূপাক্ষদা, ব্যাপারটা কি ? আমাকেই কেন চান তিনি ?

বিরূপাক্ষ। বুড়ো স্বপ্ন দেখেছে তুমিই নাকি ছিলে তার পূর্বজন্মের মা। সৌমেন। তাই নাকি—হা হা হা....

বিরূপাক্ষ। হেসো না সৌমেনবাবু ! তোমরা তো সব নাস্তিক, জন্মান্তর মানো না। কিন্তু বুড়ো মানে।

সৌমেন। তা'হলে যাও শ্রামলী ! ছেলে যখন কাঁদছে, তখন তো মাকে যেতেই হবে—উপায় কি ?

শ্রামলী। আচ্ছা বিরূপাক্ষদা ! বুড়োর একমাত্র ছেলে নাকি সন্ন্যাসী হয়ে গেছে ?

বিরূপাক্ষ। হ্যাঁ। তিনি ছিলেন—এই সৌমেনবাবুরই পরম বন্ধু....

শ্রামলী। তাই নাকি ? কই, সৌমেনবাবু তো সে কথা আমাকে বলেন নি কখনো ?

সৌমেন ! প্রয়োজন হয় নি....

বিরূপাক্ষ। শোনো দিদিমণি, এম-এ পাশ করে দুই বন্ধুতে গেলেন মাকিন মুলুকে। একজন ফিরে এলেন—গেকুয়া পরে সাধু সেজে—আর একজন নেকটাই এঁটে সাহেব সেজে। একজন গঙ্গার ওপারে গিয়ে ধ্যানস্থ হ'য়ে বসে আছেন—আর একজন এপারে 'রাসলীলা' করে দিন কাটাচ্ছেন—

সৌমেন ! ( বিরক্ত হইল ) রাসলীলা ?

বিরূপাক্ষ। ( হাসিয়া ) এ সেবিকাসজ্জের নাম 'রাসলীলা' ছাড়া আর কি বলবো সৌমেন বাবু ?

সৌমেন। বুঝতে পেরেছি বিরূপাক্ষ! রাঘবাহাহুরের মনে আমার  
সম্বন্ধে একটা খারাপ ধারণার সৃষ্টি করেছে তুমি? তুমি কি মনে  
করো আমি—একটা বদমাইন্স?

বিরূপাক্ষ। হয়ত, তা' নাও হ'তে পারেন। কিন্তু সৌমেনবাবু, আমাদের  
পাপ-মম। এতগুলো মেয়ে মানুষ নিয়ে যিনি কারবার করেন, তিনি  
যে ঋণশৃঙ্খ-মুনি তা'তো মনে হয় না—

সৌমেন। Nonsense!

শ্রামণী। বিরূপাক্ষদা, তুমি এখন যাও—আমি খুব শীগ্গীরই আসছি।

বিরূপাক্ষ প্রস্থানোত্ত

সৌমেন। শোনো বিরূপাক্ষ! তোমাকে একটা কথা বলে দি। তুমি  
যা ভেবেছ—আমি ঠিক তা' নই। তোমাদের ঋণশৃঙ্খের মনে নারী-  
সম্বন্ধে কোন চেতনাই ছিল না! আমি সে-বিষয়ে সচেতন, কিন্তু  
সংযমী। আমার কৃতিত্ব তাঁর চেয়েও বেশী।

বিরূপাক্ষ। তা' হবে....

সৌমেন। বিশ্বাস করতে পার না। না?

বিরূপাক্ষ। আমার বিশ্বাস বা অবিশ্বাসে তোমার কি আসে যায়?  
আমি একে মুখ্য—তা'তে আবার পাপ-মম। আমার কথায় রাগ  
ক'রোনা সৌমেনবাবু! আমি এখন আসি দিদিমণি—তুমি আর  
দেরি ক'রোনা, কিন্তু....

প্রস্থান

শ্রামলী। (হাসিয়া) বিরূপাক্ষদা ভারি সরল মানুষ !

সৌমেন। হ্যাঁ, সরল মানুষ ! শয়তান্—

শ্রামলী। কেন মিছেমিছি চটছেন ওর উপর ? আপনার সম্বন্ধে তো

সবারই ধরাণা ওইরূপ—

সৌমেন। ‘সবারই’ মানে ?

শ্রামলী। বার্মা থেকে আমার দাদা কি লিখেছে জানেন ?

সৌমেন। কি ?

শ্রামলী। আপনার বাইরের সাইনবোর্ডটা ‘সেবাস্থ্য’র হলেও—

ল্যাম্পটা’ই হচ্ছে আপনার ব্যবসা !

সৌমেন। তোমার দাদা সুধাংশু—একথা লিখতে পারে। কারণ,

তুমি এই সেবিকাস্থ্যে যোগদান করেছ—তার অনভিমতে। সে

আমার উপর অত্যন্ত বিরক্ত হয়ে উঠেছে !

শ্রামলী। আচ্ছা, আপনি অঞ্জলিকে বিয়ে করুন না....

সৌমেন। কেন বলো তো ?

শ্রামলী। সে মনে করে সে পতিতা !

সৌমেন। যেহেতু সে কুসংস্কারাচ্ছন্ন !

শ্রামলী। উপায় কি ?

সৌমেন। আমি তাকে এখান থেকে দূর ক’রে তাড়িয়ে দেব। ওরূপ

কুৎসিত মনোভাব নিয়ে কোন মেয়েই এ সেবিকাস্থ্যে থাকতে

পারবেনা। We are brothers and sisters !

শ্রামলী। (হাসিয়া) তা’হলে এ সেবিকাস্থ্য কি চলবে শুধু আপনাকে

আর আমাকে নিয়ে ?

সৌমেন। না, না, শ্রামলী, আমরা তৈরি করবো, শত শত মেয়ে তৈরি করবো। প্রত্যেক মেয়েকে বুঝিয়ে দেব—তার মূল্য কি! পুরুষের অধীনতা স্বীকার করার মানেনই হচ্ছে নারীর মূল্যহীন হ'য়ে যাওয়া। শ্রামলী। আপনার উদ্দেশ্য যতই বড় হোক—আদর্শটা খুব ছোট বলেই মনে হয়।

সৌমেন। কুনংস্কারের অক্টোপাশ বন্ধন থেকে ছাড়িয়ে নিয়ে—একটা জাতির এই মুক্তির আদর্শটা যদি খুব ছোট বলেই মনে হয়—তা' হলে বুঝবো—ছোট-বড় সম্বন্ধে তোমাদের কোন ধারণাই নেই। শ্রামলী। পুরুষের অধীনতা অস্বীকার করার সঙ্গে সঙ্গে মেয়েরা কি একটা উচ্চ-আদর্শকে হারিয়ে ফেলবে না? সতীত্ব ও পাতিত্বভ্যেতার আদর্শ যে খুব বড়ো—তা'কি আপনি অস্বীকার করেন?

সৌমেন। যে আদর্শের স্বেচ্ছা নিয়ে স্ত্রীবিধাবাদী পুরুষেরা মেয়েদের মনুষ্যত্বের দাবীকেও অস্বীকার করতে পেরেছে—তাকে আমি কখনো বড় বলতে পারবো না। অমানুষ মেয়েদের সম্মান কি কখনো মানুষ নামের যোগ্য হ'তে পারে? তাই তো আজ আমরা এত অকর্মণ্য—এত অপদার্থ—এই বইখানা পড়ো....

শ্রামলী। কি বই?

সৌমেন। "Women in Soviet Russia".

শ্রামলী। পড়েছি—তবু আমার অনুরোধ—অঞ্জলিকে আপনি বিয়ে করুন। সে আপনাকে অত্যন্ত ভালবাসে—বেচারি দিন দিন শুকিয়ে যাচ্ছে—কৈদে কৈদে বুক ভাসাচ্ছে....

সৌমেন। Nonsense!

সেন সাহেবের প্রবেশ

তুমি এখন এসো শ্রামলী। বুড়ো রায়বাহাদুরের সেবা-শুশ্রূষার যেন কোন ক্রটি না হয়। ব্যাঙ্কে তার বহু টাকা আছে। সেই টাকা লক্ষ্য করেই—আমি কাজ শুরু করেছি। তার ছেলে সনতের সঙ্গেও correspondence করছি—সারা বাংলাদেশে আমি এই সেবিকাসঙ্ঘের শাখা-প্রশাখা খুলবো—A net-work of Female Emancipation—throughout Bengal!

শ্রামলী। তাঁর ছেলে তো সন্ন্যাসী!

সৌমেন। হ্যাঁ, সন্ন্যাসী হলেও সে তার পৈত্রিক টাকাপয়সার উত্তরাধিকারী। তুমি এখন এসো—অল্প সময়ে বুঝিয়ে দেব, আমার উদ্দেশ্য কি....

চিন্তিতভাবে শ্রামলীর প্রস্থান

সেনসাহেব। দশটা টাকা দিন্....

সৌমেন। চিঠিখানা দিয়ে এসেছ?

সেন সাহেব। হ্যাঁ।

সৌমেন। কোন উত্তর দিয়েছে সে?

সেন সাহেব। না।

বাঁশী বাজাইতে লাগিল

সৌমেন। আঃ, থামো। যা জিজ্ঞেস করছি, তার উত্তর দাও—

সেন সাহেব। কি বলুন?



সৌমেন । চিঠিখানা পড়ে সে কি কোনো কথাই বললো না ?  
সেন সাহেব । আজ্ঞে না । সম্মানসীরা তো আপনাদের মত বেশী কথা  
কয়না ।

সৌমেন । তা'হলে কি, তার বাবার সঙ্গে একবার দেখা করবেনা সে ?  
সেন সাহেব । তা' আমি কি করে বলবো ? মাইরি—এখন আর কিছু  
ভালো লাগছেনা । সারাদিন একটুও মদ খাইনি—দশটা টাকা দিন  
—চলে যাই...

সৌমেন টাকা দিল

( লইয়া ) Good night....

প্রস্থান

সৌমেন । অঞ্জলি !

অঞ্জলির প্রবেশ

আজই তুমি দেশে যাও....

অঞ্জলি । না, আমি যাবোনা ।

সৌমেন । কেন যাবেনা ?

অঞ্জলি । কেন যাবো ?

সৌমেন । শিবপূজা করতে....

অঞ্জলি । আমার এই ছেঁড়া-বেলপাতায় তো আর শিবপূজা হবেনা,  
সৌমেনদা !

সৌমেন । শোনো অঞ্জলি, তুমি অত্যন্ত অশিক্ষিতা । আমার উদ্দেশ্য ও

কার্য্য বুঝবার মত বুদ্ধি তোমার নেই—এ সেবাস্বার্থের মর্যাদাও  
তুমি বুঝবেনা! এখানে থেকে কি করবে?

অঞ্জলি। তোমার পদসেবা করবো?

সৌমেন। Nonsense! আজ ছ'মাস তুমি এখানে আছ—কখনো কি  
দেখেছ কোনো মেয়ে আমাকে স্পর্শ করেছে? ইস্পাতের মতই  
কঠিন মানুষ আমি—তা' বোধ হয় জানোনা?

অঞ্জলি। জানি। আমার কাছে। শ্রামলীর কাছে নয়। কিন্তু আমি

তোমাকে শ্রামলীর চেয়েও বেশী ভালবাসি—

সৌমেন। Shut up! দেশে তুমি ফিরে যাবে কিনা বলো।

অঞ্জলি। না।

সৌমেন। যাবেনা?

অঞ্জলি। না সৌমেনদা, আমি যেতে পারবোনা—

কাঁদিল

ফোনে রিং করিল

সৌমেন। Hallo! কে? সনৎ? আমার চিঠির জবাব দিলি না  
কেন? যাচ্ছি...বেশ, বুড়ো বোধ হয় আর বাঁচবেনা।  
হ্যাঁ, হ্যাঁ, দুটো একটা নয়—দশ লক্ষ টাকা হা হা হা—তা হবে  
বৈকি—কিন্তু ভাই! Don't be so cocksure, good night!

ফোন রাখিল

সৌমেন। শোনো অঞ্জলি! এ সেবিকাসঙ্ঘ একটা বিয়ের বাসর নয়।

It is a mission—এর একটা উদ্দেশ্য আছে—লক্ষ্য আছে।

এখানে থাকতে হলে বিয়ে কথটি মুখে আনতে পারবেন। We are brothers and sisters !

অঞ্জলি। কিন্তু আমার মনে আজ নে আকাঙ্ক্ষা কে জাগিয়ে দিয়েছে জানো ?

সৌমেন। কে ?

অঞ্জলি। তুমি ! কেন তুমি আমার চেয়েও শ্রামলীকে বেশী ভালোবাসো সৌমেন ! Nonsense ! Get out—I am tired of your bickerings.

প্রস্থান

## দ্বিতীয় দৃশ্য

স্থান—রায়বাহাছরের বাড়ী

কাল—রাত্রি

দৃশ্য—একটি সুসজ্জিত কক্ষের এক পার্শ্বে একটি শয্যা, অপর পার্শ্বে টেবিল চেয়ার প্রভৃতি সাজানো—এক কোণে একটি টেবিল হারমনিয়ম—ঘরের আলোটা একটু ডিম্। হারমনিয়ম বাজাইয়া শ্রামলী গাহিতেছিল—

গান

ওগো আনন্দ-রসধন-শ্রাম !

দেখি চরণে চরণ তব বঙ্কিম ঠাম ।

ঝিনি, ঝিনি, ঝিনি ঝিনি—নুগরের নিক্কণি

মোহন মুরলী করে অতি সুমধুর ধ্বনী—

কটি তটে পৌতবাসে, শ্রামস্থ অভিলাষে  
 মূৰ্ছিত চিত কোটি-কাম ।  
 তনু-মন-বিমোহন—হে শ্রাম-নিরঞ্জন !  
 জ্ঞানাজ্ঞান গুণধাম ।  
 এ হৃদি যমুনাকূলে, এসো শ্রাম হলে, হলে,  
 কাঁদিয়ে মানসী-রাধা বিরহ বিটপীমূলে  
 এসো স্নন্দর নটবর—রূপমনোহর—  
 এসো চির নয়নাভিরাম ।

শয্যায় শায়িত রায়বাহাদুর গান শুনিতেছিলেন । গানান্তে উঠিয়া বসিলেন  
 রায়বাহুর । থাক্ আর গান গাইতে হবেনা মা, তুমি এদিকে এসো—

শ্রামলী কাছে আসিয়া শয্যাপার্শ্বে বসিল

বিরূপাক্ষের প্রবেশ

বিরূপাক্ষ ! আমার সামূনের ওই জান্‌লাটা খুলে দাও তো—বাইরে  
 লেকের উপর জোছনার আলো—কী স্নন্দর দেখাচ্ছে । এদিকে  
 এসো বিরূপাক্ষ—দেখতো এই ফটোখানা কার ?

বালিশের নীচু হইতে একটা ফটো মিলেন

বিরূপাক্ষ । এ'তো এই দিদিমণির ফটো !

শ্রামলী । আমার ?

বিরূপাক্ষ । হ্যাঁ তোমার...

শ্রামলী লইয়া দেখিল

রায়বাহাদুর। তোমার নয়—আমার মার। পঁচিশ বছর আগে—  
আমার যে মায়ের মৃত্যু হয়েছে—ওই ফটোখানা তার ছোটবেলার।  
ঠিক তোমার মত—না ?

বিরূপাক্ষ। ই্যা বাবু, ঠিক যেন দিদিমণির মুখখানি....

রায়বাহাদুর। আমার মার মৃত্যুর তিন চার বছর পরে—ইঠাৎ একাদিন  
তোমাকে আমি দেখেছিলাম শ্রামলী ! তোমার বাবার কোলে।  
তোমাকে দেখেই আমার মার মুখখানা মনে পড়েছিল। তারপর  
আজ এই ষোল বছর পরে—তোমাকে এখানে চিনে নিতে একটুও  
কষ্ট হয়নি আমার।

শ্রামলী। আমি আজ দু'মাসের উপর আপনার এখান থেকে—কিন্তু,  
একথা এতদিন আমাকে—বলেননি কেন ?

বিরূপাক্ষের প্রস্থান

রায়বাহাদুর। তোমার উপর বড় ঘৃণা হয়েছিল মা ! কেন তুমি ওই  
সেবিকাসঙ্গে থাকো ? সৌমেন যে একটা লম্পট তা' কি তুমি  
জানো না ?

শ্রামলী। না, না, সৌমেনবাবু খুব ভালো লোক—আমাদের সবাইকে  
ছোট বোনের মত মেহ করেন।

রায়বাহাদুর। শোনো মা ! তোমার বাবাকে আমি প্রতিশ্রুতি দিয়ে-  
ছিলাম—আমার সনতের সঙ্গেই তোমার বিয়ে দেব—গা সাজিয়ে  
ঘরে আনবো। কিন্তু অদৃষ্টের কি পরিহাস—সনৎ আজ সন্ন্যাসী—  
তুমি আজ সেবিকাসঙ্গে !

শ্রামলী। রাত অনেক হয়ে গেছে—আপনি একটু ঘুমতে চেষ্টা করুন।  
 রায়বাহাদুর। না, আজ আর ঘুমবো না। শোনো মা! মানুষ যা  
 কামনা করে, তা' সবই আমি পেয়েছিলাম। কিন্তু সুখী হ'তে  
 পারিনি। সারা জীবন যমের সঙ্গে যুদ্ধ করেছি—ছেলে-মেয়ে, বৌ  
 কাউকে বাঁচিয়ে রাখতে পারিনি। একটি মাত্র ছেলে ছিল—  
 সেও সব্যাসী হ'য়ে গেছে। আজ আর আমার কেউ নেই...

শ্রামলী। সনৎবাবু এখন কোথায়?

রায়বাহাদুর। সে তো আর সনৎবাবু নয় মা! সদানন্দ স্বামী। যাক্  
 সে কথা—তোমার এক দাদা ছিল, না?

শ্রামলী। আজ্ঞে হাঁ।

রায়বাহাদুর। কি নামটা ছিল তার?

শ্রামলী। সুধাংশু।

রায়বাহাদুর। হ্যাঁ, হ্যাঁ, সুধাংশু—সে এখন কোথায়?

শ্রামলী। বর্ষায়।

রায়বাহাদুর। মা-বাপ্ কেউ তো আর বেঁচে নেই?

শ্রামলী। আজ্ঞে না।

রায়বাহাদুর। হুঁ। তাই, ওই লম্পট সোমেনের সঙ্গে এত মেলামেশার  
 সুযোগ পেয়েছ?

শ্রামলী। কেন আপনি বার বার সোমেনবাবুকে লম্পট বলছেন?  
 আমি জানি—তিনি খুব চরিত্রবান লোক।

রায়বাহাদুর। দেখো মা, আমি তোমার ছেলে হলেও—'বুড়ো  
 ছেলে'। এই সংসারটা তুমি কেবল দেখতে স্বপ্ন করেছ—আমার

দেখাশোনা শেষ হ'য়ে গেছে। সৌমেন যতই চরিত্রবান হোক—  
তুমি আর সেই সেবিকাসঙ্গে ফিরে যেতে পারবে না, এখানেই  
থাকবে।

শ্রামলী। কেন বলুন তো।

রায়বাহাদুর। তুমি যে আমার মা। আমি রায়বাহাদুর। ব্যাঙ্কে  
আমার আছে প্রায় দশ লক্ষ টাকা। আমার মা কেন থাকবে  
সেই সেবিকাসঙ্গে? দিন আমার ফুরিয়ে এসেছে মা—তাই  
আমার যা-কিছু সবই...তোমার নামে ট্রান্সফার করেছি। এই  
নাও দলিল!

শ্রামলী। (দলিল দেখিয়া) একি করেছেন আপনি? আপনার ছেলে—  
রায়বাহাদুর। হ্যাঁ, আমার ছেলে একদিন নিশ্চয়ই ফিরে আসবে—  
তা' আমি জানি। কিন্তু তার এই 'গ্ৰায্য পাওনা' আমি কার কাছে  
রেখে যাবো মা? হয়তো, তার সঙ্গে আমার আর দেখাই হবে না....

কাঁদিলেন

শ্রামলী। না, না, আপনি কাঁদবেন না। আপনার ছেলে যতদিন  
ফিরে না আসেন, ততদিন আমি এখানেই থাকবো—কিন্তু এ  
দলিলটা তো তাঁর নামেই করা উচিত ছিল।

রায়বাহাদুর। তুমি কি বুঝতে পারছ না মা, সে আজ সদানন্দ  
স্বামী! তার জীবনের লক্ষ্য, আর আমার জীবনের লক্ষ্য তো  
এক নয়? পঞ্চাশ বছর ধ'রে শরীরের রক্ত জল ক'রে যে নয় লক্ষ  
পঁচাত্তর হাজার টাকা, আজ আমি ব্যাঙ্কে জমিয়েছি—তা' সে এক  
দিনেই উড়িয়ে দিতে পারে—যাকে-তাকে দান করে। টাকা-

পয়সা উড়িয়ে দিতে একটা মদের মাতালের যত সময় লাগে  
একটা দানের মাতালের তো, তাও লাগে না মা ?

শ্রামলী। তিনি বুঝি খুব দাতা।

রায়বাহাদুর। হ্যাঁ, মা, দাতাকর্ণ ! পথের ভিখারীকে বাড়ীতে ডেকে  
এনে—খাওয়াতো, জামা-কাপড় আর টাকা-পয়সা দিত, আমি  
কোনো আপত্তি করতাম না। হঠাৎ একদিন সেন-সাহেব নাম  
ক'রে একটা মাতালকে দিয়েছিল—দশটা টাকা। তা' দেখে আমি  
খুব বকেছিলাম—সেই দিনই অভিমান করে বাড়ী থেকে চলে  
গেল, আর ফিরে এলো না।

শ্রামলী। চূপ করুন, আপনার চোখ দিয়ে জল পড়ছে...

রায়বাহাদুর। আর কতই বা পড়বে মা ? অনেক পড়েছে। আমার  
যদি আর একটা ছেলে বা মেয়ে থাকতো—তাহলে—হয়তো আমি  
সহ করতে পারতাম। কিন্তু সনৎ আমার সে দুঃখ বুঝে না।

শ্রামলী। আমি একবার তাঁর সঙ্গে দেখা করবো...

রায়বাহাদুর। না, না, এখন নয়—আমার মৃত্যুর পরে এখন সে  
জীবাত্মার কথা বলে, পরমাত্ত্বার কথা বলে—এ রক্তমাংসের  
মানুষের কথা একেবারেই ভুলে গেছে।

শ্রামলী। তবু আমি একবার যাবো তাঁর কাছে। কেন আপনি এ-সব  
আমার নামে ট্রান্সকার করবেন ?

রায়বাহাদুর। তুমি যে আমার মা....

শ্রামলী। না, না, আপনি আমাকে এতখানি বিশ্বাস করবেন না।

রায়বাহাদুর। কেন করবো না মা ? পাঁচশো টাকা ব্যয় ক'রে—আজ



হু'মাস আমি তোমাকে আমার কাছে রেখেছি—তোমাকে চিন্তে কি আমার আর কিছু বাকি আছে ? তুমিই সেই মেয়ে—যে আমার সনৎকে ফিরিয়ে আনতে পারবে ।

শ্রামলী । কিন্তু আমি যদি—

রায়বাহাদুর । বলো—বলো—তুমি যদি না পার ? নাইবা পারবে ? তাতে আর আমার ক্ষতিবৃদ্ধি কি ? তুমিই যে আমার এ বাড়ীতে আলো জালবে—এ ধারণা নিয়ে তো আমি যাচ্ছি ?

ব্যস্তভাবে বিরূপাক্ষের প্রবেশ

বিরূপাক্ষ । বাবু বাবু, সনৎ এসেছে ।

রায়বাহাদুর । সনৎ ? এসেছে ? কই ? সনৎ ! সনৎ ।

সনতের প্রবেশ

সনৎ । বাবা !

রায়বাহাদুর সনৎকে বক্ষে জড়াইয়। ধরিলেন—সনতের বাহ পাশেই

তাহার হার্টফেল করিল

সনৎ । একি, বাবা ! বাবা !

শ্রামলী পাল্‌স দেখিল

সনৎ বিন্মিতভাবে শ্রামলীর মুখের দিকে চাহিয়া রহিল

শ্রামলী । শুইয়ে দিন, heart fail করেছে....

বিরূপাক্ষ । বাবু ! বাবু !

পদতলে পড়িয়া কাঁদিতে লাগিল

সনৎ। আমি এসেই বাবাকে মেরে ফেললাম ?

শ্রামলী। এসে মারেননি—না এসেই মেরেছেন। ওঁর মৃত্যু হয়েছে  
 তিলে তিলে—বহুদিন ধরে।

সনৎ। আপনি কে ?

শ্রামলী। একটা সামান্য নাস', কিন্তু উপস্থিত এই বাড়ীর মালিক—  
 এই দেখুন....

দলিলটা হাতে দিল

সনৎ উহা দেখিতে দেখিতে তীক্ষ্ণদৃষ্টিতে দু'একবার

শ্রামলীর দিকে চাহিলেন

শ্রামলী। ( বিরূপাক্ষের হাত ধরিয়া ) বিরূপাক্ষদা ওঠো, কেঁদে আর  
 লাভ কি ? এখন আমাদের অনেক কর্তব্য আছে।

দলিলখানা শ্রামলীর হাতে দিয়া সনৎ চলিয়া যাইতেছিল

আপনি—কোথায় যাচ্ছেন স্বামীজী ?

সনৎ। আশ্রমে।

শ্রামলী। সে কি ? আপনার বাবার মুখাণ্ডি করবে কে ?

সনৎ। আমি সন্ন্যাসী ! ওসব সামাজিক সংস্কারের বাধ্য আমি নই।

শ্রামলী। তাহ'লে এখানে কেন এসেছিলেন—বলুন তো ? এই নয়  
 লক্ষ পঁচাত্তর হাজারের লোভে বুঝি ? বাঃ চমৎকার সন্ন্যাসী !

সনৎ। হাঁ, এই যত্নকালে এসে—সত্যিই আমি একটা বিজ্ঞপের পাত্র  
 হয়ে পড়েছি। আপনার কথার কোন প্রতিবাদ খুঁজে পাচ্ছি নে।  
 কিন্তু একথাটা নিশ্চয় জানবেন—আমি নির্লোভ ! হঠাৎ এসেছিলাম

আমার এক বন্ধুর অম্বুরোধে। টাকাটার কি ব্যবস্থা হচ্ছে—শুধু সেই খবরটুকু জানতে—

শ্যামলী। কে আপনার বন্ধু? সৌমেনবাবু?

সনৎ। আজ্ঞে হ্যাঁ। আপনি তাকে চেনেন?

শ্যামলী। (হাসিয়া) খুব চিনি।

বিরূপাক্ষ। (হঠাৎ উত্তেজিতভাবে) তুই বেরিয়ে যা' এখান থেকে—  
বেরিয়ে যা! তুইই তো আমার বাবুকে মেরে ফেলেছিস—  
আমি তোকে—

আক্রমণ করিতে উজ্জত হইল

শ্যামলী। আঃ ছেলেমানুষী করো না—বিরূপাক্ষনা! দশটা টাকা নিয়ে এখনি বাজারে যাও—ফুল নিয়ে এসো—দুটো কেতনের দল বায়না ক'রে এসো। দাঁড়িয়ে রইলে কেন? যাও—

বিরূপাক্ষের প্রস্থান

আচ্ছা স্বামীজী! সন্ন্যাসীরা কি এতই নির্মম যে বাপের মৃত্যুতে তাঁদের চোখে একফোঁটা জল গড়ায় না?

সনৎ। জাতস্ত হি ক্রবো মৃত্যু—ক্রবং জন্ম মৃতস্ত চ।

তস্মাৎ অপরিহার্যার্থে—ধীরস্তত্র ন মুহতি!

শ্যামলী। তবু আপনাকে ও গেকুয়া বসন এখন ছাড়তে হবে...এই নিন্—ঘাটের কর্তব্য সেরে—গলায় একটা ধড়া নিয়ে বাড়ীতে ফিরে আসুন। তারপর—যথারীতি শ্রাদ্ধাদি সেরে, আবার আশ্রমে ফিরে যাবেন—কেউ বাধা দেবে না।

সোমেনের প্রবেশ

সোমেন। এই যে সনৎ ! রায়বাহাদুর নাকি মারা গেছেন ?

সনৎ। হ্যাঁ—

সোমেন। মৃত্যুর আগে তুমি এসেছিলে?...কি হে, কথা বলছেন না যে ?

শ্যামলী। ( হাসিয়া ) হ্যাঁ এসেছিলেন। কিন্তু তা'তে কোনো সুবিধে হয়নি সোমেনবাবু ! ওদিকে ব্যাঙ্ক ফেল !

সোমেন। ব্যাঙ্ক ফেল্ মানে ?

শ্যামলী। উনি কিছুই পাননি—সবই transferred to Miss Shyamali—এই দেখুন...

দলিলটা হাতে দিল

সোমেন বিস্মিতভাবে দলিলখানা পড়িতে লাগিল,

শ্যামলী মুহু মুহু হাসিতেছিল

## তৃতীয় দৃশ্য

স্থান—সেবিকাসঙ্ঘের আপীস্

কাল—পূর্বাহ্ন

দৃশ্য—একটি স্থলকায় ভদ্রলোক চেয়ারে বসিয়াছিলেন। তাহার নাম—গজেন্দ্র ঘোষ—গোবর্দ্ধন তাহার সম্মুখে ভীতভাবে দণ্ডায়মান।

গজেন্দ্র। আঃ বলো না, তোমাদের বাবু কোথায় ?

গোবর্দ্ধন। আজ্ঞে, বাইরে গেছেন একটু। চা দেব ?

গজেন্দ্র । না ।

গোবর্দ্ধন । বিড়ি-সিগারেট ?

গজেন্দ্র । না ।

সোমেনের প্রবেশ

সোমেন । কে আপনি ? কাকে চান ?

গজেন্দ্র । আমার নাম শ্রীগজেন্দ্র ঘোষ ।

সোমেন । ও, আপনি বুঝি আমাদের মালতী দেবীর স্বামী ?

গজেন্দ্র । আজে হ্যাঁ ।

সোমেন । ( গোবর্দ্ধনের প্রতি ) বা মালতীকে ডেকে আন ।

গোবর্দ্ধনের প্রস্থান

আচ্ছা, ঘোষ মশাই ! কতদিন আগে মালতী দেবীর সঙ্গে বিয়ে  
হয়েছিল আপনার ?

গজেন্দ্র । তা' প্রায় বারো বছর হবে ।

সোমেন । হুঁ । কিন্তু আপনার স্ত্রী এত দিন ছিলেন কোথায় ?

গজেন্দ্র । বাপের বাড়ীতে ।

সোমেন । কেন ?

গজেন্দ্র । সে অনেক কথা ।

সোমেন । কথাগুলো বলুন না শুনি ।

গজেন্দ্র । আমার ছিল দুই সংসার—প্রথম মালতী, দ্বিতীয় মনোরমা ।

দুই সতীনে বনিবনাও হতো না । মনোরমা ছোট কিনা, তাই তাকে  
নিষেই এতদিন সংসারধর্ম করেছে—ছেলেমেয়েও হয়েছে সাতটি ।

হঠাৎ সেদিন তাঁর সাজানো সংসার ফেলে রেখে, মনোরমা স্বর্গে  
গেলেন—এখন আমার উপায় কি বলুন ?

সৌমেন । আবার একটা বিয়ে করুন না ?

গজেন্দ্র । তা' কি আর হয় সেক্রেটারীবাবু ! বয়স আমার এখন  
পঞ্চাশ । বিশেষ কথা হচ্ছে—মালতী তো জীবিত আছেন । কেনই  
বা আমি আর একটা বিয়ে করবো ?

সৌমেন । তা তো বটেই । আচ্ছা গজেন্দ্রবাবু আপনি যেমন খোস্-  
খেয়ালে দ্বিতীয় পক্ষ গ্রহণ করেছিলেন—মালতীও যদি তাই করে  
থাকেন ? বারো বছর তো তার কোনো খোঁজখবর রাখেন না ?  
গজেন্দ্র । ছিছিছি—আপনি কি বলছেন সেক্রেটারীবাবু, হিন্দুর মেয়ে  
তিনি, পাতিব্রত্যই যে তাঁর ধর্ম ।

সৌমেন । আজ্ঞে হ্যাঁ, তা তো বটেই—আর আপনার ধর্ম পৌনঃ  
পুনিক বিবাহ ।

মালতীর প্রবেশ

ওকি, মুখ ফিরিয়ে দাঁড়িয়ে রইলে কেন ? পদতলে উপুড় হয়ে  
পড়ো—পতি-পরমগুরু যে ! স্বামী-স্ত্রী সম্বন্ধটা তো এক জন্মের  
নয়—জন্ম-জন্মান্তরের ।

গজেন্দ্র । নিশ্চয়ই ।

মালতী । তুমি বেরিয়ে যাও এখান থেকে । এখানে এসে মুখ দেখাতে  
লজ্জা করছে না তোমার ?

গজেন্দ্র । রাগ কোরো না মালতী ! ভেবে দেখো, আজ আমি

কী বিপন্ন ! সাতটা ছেলে-মেয়ে দিনরাত ‘মা’ ‘মা’ বলে কাঁদছে।  
তোমার কি প্রাণ নেই ? আমার সংসারে তো খাওয়া-পরার  
কোনো অভাব নেই—কেন তুমি এখানে পড়ে থাকবে।

মালতী। একমুঠো ভাতের জন্তে যখন পথে দাঁড়িয়ে ভিক্ষে করেছি,  
তখন তো একবারও এসে বলো নি একথা ? আজ তোমার ছেলে  
মেয়ে কাঁদছে ? তোমার মুখ-দেখলেও পাপ হয়...

প্রস্থান

গজেন্দ্র। দেখুন সেক্রেটারীবাবু ! আপনি একটু বলে-কয়ে যদি....  
সৌমেন। রাজী করাবো ? কেন, কি দরকার ? তার চেয়ে, আপনি  
একটা কাজ করুন ...

গজেন্দ্র। কি ?

সৌমেন। অঞ্জলি ! অঞ্জলি !

অঞ্জলির প্রবেশ

দেখুন তো ঘোষমশাই ! এই মেয়েটিকে আপনার পছন্দ হয় কি  
না ? ইনি বাল-বিধবা...

গজেন্দ্র। আপনি কি বলছেন সেক্রেটারীবাবু, পরজীকে আমি মাতৃ-  
সমা মনে করি—

প্রণাম করিল—লজ্জিতভাবে অঞ্জলির প্রস্থান

সৌমেন। তা’হলে আর—আমি কি করবো—ঘোষমশাই ! আপনি  
এখন আসুন—নমস্কার...

গজেন্দ্র। দেখুন একটু বলে-কয়ে ওই মালতীকেই যদি....

সৌমেন। ( হঠাৎ রাগিয়া ) Nonsense ! get out. আমি বহুক্ষণ তোমাকে সহ্য করেছি কিন্তু আর পারছিনে। গোবর্দ্ধন ! একটা গলাধাক্কা দিয়ে বের ক'রে দেতো এই লোকটাকে....

গজেন্দ্র। কি বলছেন আপনি ? আমার ধর্মপত্নীকে এখানে আটকে রেখে—আমাকে দেবেন—গলাধাক্কা ?

সৌমেন। (ভেঙ্কাইয়া) ধর্মপত্নী ! What a brute you are ! বারো বছর যে ভদ্রমহিলার খোঁজ রাখ না, আমি এই সেবিকাসঙ্গে আশ্রয় না দিলে, সে কোথায় গিয়ে দাঁড়াতো ? ধর্মপত্নী Veritable Rogue !, তুমি বেরিয়ে যাও বলছি—নইলে আমি তোমাকে নিশ্চয়ই অপমান করবো....

গজেন্দ্র। আচ্ছা, যাচ্ছি—আমার নাম গজেন ঘোষ ! আজই আমি তোমার নামে কেস্ করবো। আমার ধর্মমতে বিবাহিত স্ত্রীকে এখানে এনে আটকে রেখেছ—ব্যবসা চালাচ্ছ—দেখে নেবো—তুমি কতবড় বিলেত-ফেরৎ !

সৌমেন। আচ্ছা, দেখে নিও। ধর্ম, ধর্ম, ধর্ম ! ধর্ম কি তোমার দেশে আছে ঘোষ মশাই ?

গজেন্দ্র। আছে কি না আছে, তা দেখিয়ে দেবো—আমার নাম বাগবাজারের গজেন ঘোষ !

প্রস্থান

অঞ্জলির প্রবেশ

অঞ্জলি। সত্যি সৌমেন দা, এদেশে ধর্ম নেই, তা যদি থাকতো—তা'হলে তুমি আমাকে এভাবে পরিহাস করতে পারতে না।



সৌমেন। পরিচাস করেছি ?

অঞ্জলি। নিশ্চয়ই। তুমি কি মনে করো, আমি বিয়ের জন্তে পাগল হ'য়ে উঠেছি—কেন তুমি একটা অপরিচিত ভদ্রলোকে স্বামী হ'য়ে ডেকে এনে—লজ্জা দিলে আমাকে ? ( কাঁদিল )

সৌমেন। লজ্জা কি তোমার আছে ?

অঞ্জলি। তোমার কাছে নেই—কারণ, তুমিই আমার স্বামী—তোমাকেই ভালবেসেছি ! ( কাঁদিল )

সৌমেন। Nonsense—শোন অঞ্জলি ! আমাকে এভাবে আর বিরক্ত না করে—তুমি আজই দেশে যাও ।

অঞ্জলি। বলেছি তো যাবো না। মৃত্যুর পূর্বক্ষণ পর্যন্ত, আমি তোমার জন্তেই অপেক্ষা করবো....

সৌমেন। বেশ, করো। ( ফোন ধরিল ) South 19264. Hallo কে ? সনৎ ?...কেমন আছিস ভাই ? শ্রামলী বোধ হয় খুব সেবা-যত্ন করছে ? শেষে কি নতিয়ে একটা সংসার পাতিয়ে বস্লি ? কিন্তু ভাই—একটা কথা বলে রাখছি—Beware of that girl—She is a very dangerous type !...তাই নাকি ? হা হা হা হা—শ্রামলীকে একটু ডেকে দেনা, কথা বলবো....আচ্ছা....

ফোন ধরিয়া রাখিল

শোন অঞ্জলি ! বিয়ের প্রয়োজনটা তোমার, আমার নয়। তোমার প্রয়োজনে কেন তুমি আমাকে বিপন্ন করবে ?

অঞ্জলি। বোধ হয়—শ্যামলীকে বিয়ে করতে পারলে, তুমি বিপন্ন হ'তে না। কি বলো?

সৌমেন। আমি যে কি চাই—তা' তুমি জানোনা অঞ্জলি! সে চেতনা তোমার ভেতর নেই। আমি চাই—এই ভারতে নারী-জাগরণ—নারী-প্রগতি! আমি চাই—উপেক্ষিতা নারীজাতির মূল্য-নির্ধারণ করতে। তাকে তার স্বাধিকারে প্রতিষ্ঠিত করতে। শ্যামলী বা তুমি কেউ আমার অধীনতা স্বীকার করো—তা' আমি চাই না। আমি বলি, ভালবাসা একটা দুর্বলতা ছাড়া আর কিছুই নয়। (ফোনে) হ্যালো, কে? শ্যামলী! ভাল আছে?...একবার এসো না এদিকে?...ও সময় নেই? তা'তো বটেই—ন'লক্ষ পঁচাত্তর হাজারের মালিক তুমি! কিন্তু তোমাকে একটা কথা বলে রাখছি—Beware of that Swamiji—he is a very dangerous type! ...কেন? বলবো? দয়া করে একবার—এসো না এদিকে? আস্ছে? Very well good-bye....

ফোন রাখিল

হাসছ কেন অঞ্জলি?

অঞ্জলি। ভালবাসার দুর্বলতা বোধ হয় তোমার নেই—কি বলো সৌমেন না?

সৌমেন। নিশ্চয়ই নেই....

অঞ্জলি। শ্যামলীর কাছে তো দূরের কথা, ওই ফোনটার কাছেও তো সে দুর্বলতাটুকু লুকোতে পারলে না!

সোমেন। শোনো অঞ্জলী। গ্রামলী আজ নয়লক্ষ পঁচাত্তর হাজারের মালিক! শুধু সেই কারণেই তাকে আমার প্রয়োজন আছে। নইলে, আমার কাছে তুমিও যা, গ্রামলীও তাই।

অঞ্জলি। কি আশ্চর্য্য মানুষ তুমি সোমেনদা! তোমাকে যতই দেখছি ততই মুগ্ধ হচ্ছি। কত চেষ্টা করছি, তবুও তো পারছি নে—তোমাকে ভুলতে! তোমার স্বমুখ থেকে সরে যেতে? কেন আমার এ অবস্থা হ'লো বলতে পার?

সোমেন। Nonsense—

একটি রথ বৃক্ষের প্রবেশ

অঞ্জলির প্রস্থান

কে আপনি? কাকে চান?

দ্বিজবর। আজ্ঞে আমার নাম শ্রীদ্বিজবর ভট্টাচার্য্য—নিবাস পূর্ববঙ্গে  
—শ্রীপাট মল্লিকপুর—

সোমেন। এখানে আপনার কি প্রয়োজন?

দ্বিজবর। গত চুড়ামণি-যোগে—আমার পরিবারটি যুথলুপ্ত হয়েছিলেন।  
তদবধি আর তাঁর কোন সন্ধান পাই না। উপস্থিত লোকপরম্পরায়  
শ্রুত হলাম....

সোমেন। তিনি এইখানেই অবস্থান করছেন। নামট! কি বলুন তো?

দ্বিজবর। আজ্ঞে, শ্রীমতী মাধবীলতা দেবী।

সোমেন। বলেন কি—সেই একরত্তি মেয়ে মাধবী আপনার পরিবার?

দ্বিজবর। আজ্ঞে—চতুর্থ পক্ষ।

সোমেন। ( গোবর্দ্ধনের প্রতি ) মাধবীকে ডেকে দে...

দ্বিজবর। এখানে তাম্রকূট সেবনের কোন ব্যবস্থা আছে ?

সৌমেন। আজ্ঞে না। এই নিন্...

১

একটি সিগারেট দিল

দ্বিজবর। ( হাতে লইয়া ) আপনারা একরূপ বিগুহ্ণ দ্রব্য সেবন করেন

কেন ? এতে যে স্বাস্থ্যের অত্যন্ত অপকুব ঘটে !

সৌমেন। ধামুন্ মশাই—স্বাস্থ্যসম্বন্ধীয় উপদেশগুলি—গোলদিঘিতে গিয়ে দেবেন।

সিগারেটটা—ফিরাইয়া লইয়া নিজেই ধরাইল

এই যে মাধবী এসেছ....

মাধবী আসিয়া দ্বিজবরকে প্রণাম করিল

দ্বিজবর। থাক্ থাক্ আমাকে আর স্পর্শ করো না। তুমি পতিতা।

কি আর করবো—পূর্বজন্মের কর্মফল ! শ্রীভগবানের কাছে প্রার্থনা করো—পরজন্মে যেন আবার আমার সহধর্মিণীত্ব লাভে সমর্থ হও।

সৌমেন। ও, এ জন্মে আর মাধবীকে ঘরে নেবেন না তা' হলে—

দ্বিজবর। আজ্ঞে, তা কি করে সম্ভব হ'তে পারে ? উনি যে আজ সমাজে পরিত্যক্ত।

মাধবী তাহার হাণ্ডব্যাগ হইতে একখানা পাঁচ টাকার নোট

বাহির করিয়া টেবিলের উপর রাখিল।

মাধবী। এই পাঁচটা টাকা নিয়ে যান—আপনার ছেলেমেদের জন্তে কিছু মিষ্টি।

দ্বিজবর। পাঁচ টাকা !

মাধবী। আজ্ঞে হ্যাঁ, মাসে এখন আমি প্রায় ত্রিশ টাকা পাই...

দ্বিজবর। তাই নাকি ? বেশ, বেশ,—তাহ'লে আমি মাঝে মাঝে

আসুবো, তোমাদের সঙ্গে দেখা সাক্ষাৎ করবো....

সৌমেন। ( বিস্মিত ভাবে ) বটে ! মাধবীকে ঘরে নিতে পারবেন

না—অথচ তার টাকা ঘরে নেবেন ? বাঃ ! বেশ মজার কথা তো ?

দ্বিজবর। ( টাকা ট্যাঁকে গুঁজিয়া ) আজ্ঞে, অর্থেন সর্কে বশাঃ !

পক্ষান্তরে—অর্থন্ত লালটিংকঃ ।

সৌমেন। থাক্, থাক্ আর সংস্কৃত বলবেন না—এখন আপনি আসুন

নমস্কার....

দ্বিজবর। নারায়ণ, মধুসূদন, তুমিই ভরসা....

প্রস্থান

সৌমেন। শোন মাধবী, আমার ইচ্ছে হচ্ছিল—হাত মুচড়ে

নোটখানা কেড়ে নি। যাক্গে—ও বে-আক্কেলে বুড়োটাকে তুমি

আর একটি পয়সাও দিতে পারবেনা কিন্তু ! কেন ? সে তোমার

কে ?

মাধবী। আমার স্বামী....( কাঁদিল )

সৌমেন। ( বিস্মিত ভাবে ) স্বামী !

অঞ্জলির প্রবেশ

অঞ্জলি। হ্যাঁ স্বামী ! হিঁদুর মেয়ে মাধবী তার স্বামীকে চেনে—

আমিই বা কেন চিন্বে না সৌমেনদা ? স্বামীর পদাঘাত মাথা পেতে

নেব, এই তো আমাদের শিক্ষা ? কি বলিস্—মাধবী ? হা হা হা হা—

সোমেন। তোমার কি মাথা-থারাপ হলে' অঞ্জলি?

অঞ্জলি। মাথা থারাপ? হা হা হা হা—

সোমেন। ( ধমক দিয়া ) অঞ্জলি!

অঞ্জলি। আমার এই প্রাণ যাকে চায়—এই চোখদুটো যাকে দেখলে  
আনন্দ পায়—যাঁর পা' দুখানা স্পর্শ করলে আমার সর্বাস্ব  
পুলকিত হয়ে উঠে, তিনি যদি আমার স্বামী না হন—তবে আর  
কে আমার স্বামী?

প্রণাম করিল

সোমেন। ওই মাধবীর মত তোমারও একটা স্বামী ছিল—সে কথাটা  
ভুলে যেয়ো না।

অঞ্জলি। নিশ্চয়ই ভুলবো না। বারো বৎসর বয়সে আমার বিয়ে  
হয়েছিল—বিয়ের রাত্রেই বিধবা হয়েছিলাম। মুখের উপর ছিল  
একটা ঘোমটা! স্বামীর মুখখানাও একবার দেখিনি। আমার  
সে ঘোমটা আজ সরিয়ে দিয়েছে শ্রামলী। আর স্বামীকে চিনিয়ে  
দিয়েছ তুমি! কী সুন্দর! কী মধুর! কী নির্ধম! কী কঠিন!

সোমেন। ( ধমক দিয়া ) অঞ্জলি!

অঞ্জলি। ( চমকিয়া ) ওভাবে ধমক দিও না—ওভাবে চোখ রাঙিও  
না। আমার বড্ড ভয় করে। মনে হয়—আমি যেন তোমার  
কাছে কত অপরাধী! আমাকে একটু বিষ এনে দাওনা—আমি  
খাই।

কাঁদিল

সোমেন। Nonsense!

শ্রামলীর প্রবেশ

শ্রামলী। ( অঞ্জলির চোখ মুছাইয়া ) কেন তুমি বিষ খাবে অঞ্জলি ?

না, না, কেন্দ না। কি হয়েছে সোমেনবাবু ?—বকেছেন বুঝি ?

সোমেন। হ্যাঁ বসো—

শ্রামলী। আচ্ছা সোমেনবাবু ? আপনার কথা ও বুঝতে পারে না,

এই তো ওর অপরাধ ? কিন্তু আপনি যে ওর মনটাকে বুঝতে

পারেন না, আপনার সে অপরাধটাও তো খুব কম নয় ?

অঞ্জলির প্রস্থান

বেচারী ! এখন একটা শুভদিন দেখে বিয়ে করুন ওকে—

সোমেন। শোনো শ্রামলী ! তিন মাসের বাড়ি ভাড়া বাকি—Notice দিয়েছে।

শ্রামলী। কত টাকা চাই, বলুন না—

সোমেন। তুমি দেবে ?

শ্রামলী। কেন দেব না ? নিশ্চয়ই দেব। স্বামীজীকে স্থগী করবার জন্তে আমাকে তো বহু সং কাজে দান করতে হবে ? আপনার এটাও যে অসং কাজ নয়, তা আমি জানি ! শুধু আপনি যদি একটু—

সোমেন। ‘সং হতেন’। এই তো বলতে চাও ? আমি ঠিক বুঝতে পারি না শ্রামলী ! কেন আমাকে লোকে অসং ভাবে ?  
‘Nothing is good or bad, only thinking makes it so !’

গ্রামলী। যাক্ সে কথা। এখন আপনার কত টাকা চাই বলুন তো ?  
নোমেন। পাঁচশো।

১ হাওবাগ হইতে চেক বই বাহির করিয়া

( চেক লিখিতে লিখিতে ) স্বামীজীর বিরুদ্ধে আপনার কি বলবার  
আছে—বলুন। আমি শীগ্গিরই ফিরবো...

নোমেন। কেন ?

গ্রামলী। ( লিখিতে লিখিতে ) কাল শ্রাদ্ধ, চারিদিকে বিশৃঙ্খলা ! সবই  
তো আমাকে দেখতে হবে ?

নোমেন। কেন স্বামীজী ?

গ্রামলী। ( চেক দিয়া ) আশ্চর্য-মানুষ ! নিজের বিষয়ে কোনো হুঁস  
নেই। কেবল কারো কোন কষ্ট না হয়—শুধু সেই দিকেই নজর !

নোমেন। তা'হলে তোমার দুঃখ বুঝবার মতো একজন সঙ্গী তুমি  
পেয়েছ ?

গ্রামলী। তার মানে ?

নোমেন। তার মানে—Love at first sight and Cupid's activity.

গ্রামলী। কি বলছেন আপনি ?

নোমেন। সনৎকে তুমি ভালবাসতে শুরু করেছ ! যে ভালবাসাকে  
আমি বলি—Weakness—that makes one surrender to  
other's will !

গ্রামলী। স্বামীজীর বিরুদ্ধে আপনার কি বলবার আছে তাই বলুন  
—আমি আর দেরি করতে পারবো না।



সোমেন। 'সে বিবাহিত।

শ্যামলী। মিথ্যাকথা!

সোমেন। আমেরিকায় থাকবার সময় একটা Sweeper girlকে বিয়ে করে এসেছে...

শ্যামলী। আমি আপনার কথা বিশ্বাস করি না।

সোমেন। প্রমাণ চাও?

শ্যামলী। না। কোন প্রমাণ চাই না—সোমেনবাবু! আমি জানি—এ জগতে এমন কিছু নেই যা আপনি প্রমাণ করিতে না পারেন! উঠি তা'হলে....

সোমেন। ( হাত চাপিয়া ধরিয়া ) শ্যামলী!

শ্যামলী। আঃ হাত ছাড়ুন...

সোমেন। শ্যামলী! এই সেবिकासঙ্ঘ-প্রতিষ্ঠার দিনে আমাদের সংকল্প ছিল কি? 'ভালবাসার দুর্বলতাকে কখনো আমরা প্রশ্রয় দেব না—বা—বিবাহিত হবো না!' এ সংকল্প তুমিও গ্রহণ করেছিলে কিনা বলো....

শ্যামলী। হ্যাঁ, করেছিলাম।

সোমেন। তবে?

শ্যামলী। তখন আপনি যা' বুঝিয়েছিলেন—তাই বুঝেছিলাম। কিন্তু এখন বুঝতে পারছি—সে সবলতার অভিনয়ে পুরুষের জয়-পতাকা উড়তে পারবে—কিন্তু নারীর লাজনার সীমা থাকবে না!

সোমেন। তার মানে?

শ্যামলী। তার মানে হচ্ছে—অঞ্জলিকে আপনি অবিলম্বে বিয়ে করুন!

নোমেন। বিয়ে যদি কাউকে করতেই হয় শ্যামলী! তাহলে তোমাকেই করবো—আমার উপযুক্ত জীবনসঙ্গিনী হ'তে পার তুমি! অঞ্জলি নয়।

শ্যামলী। দেরি হ'য়ে যাচ্ছে নোমেনবাবু, আমি এখন আসি...

নোমেন। বলো শ্যামলী! তুমি আমার হবে? আমি তোমাকেই চাই....

শ্যামলী। শুনুন নোমেনবাবু! উপস্থিত আমি রায়বাহাদুরের ট্রাষ্টী! তাঁর নন্দানী ছেলেকে সংসারী করবার ভারটা তিনি আমার উপরেই দিয়ে গেছেন। মৃত আত্মার সে আকাজ্জটা পূর্ণ হলেই, আমি আবার ফিরে আসবো—সেবিকানজের কাছে যোগদান করবো—সঙ্কল্পও ঠিক রাখবো। অঞ্জলির মত—আমার প্রজ্ঞাপতি এখনো গুয়োপোকার খোলস ছেড়ে বেরিয়ে আসেন নি—ক্ষমা করবেন।

হাসিতে হাসিতে অঞ্জলি এককাপ চা লইয়া আসিল

শ্যামলীর প্রস্থান

নোমেন। হাস্ছ কেন?

অঞ্জলি। তোমার অবস্থা দেখে....

চায়ের কাপ ফেলিয়া দিয়া নোমেন চীৎকার করিয়া উঠিল

নোমেন। Get out! বেরিয়ে যাও—বেরিয়ে যাও—

অঞ্জলি। না—আমি যাবো না....

নোমেন। কচু পোড়া খাও—

প্রস্থান

## চতুর্থ দৃশ্য

স্থান—রায়বাহাদুরের বাড়ী

কাল—অপরাহ্ন

দৃশ্য—খামলীর কক্ষ। পরিশ্রান্ত খামলী একটা সোফার উপর এলাইয়া পড়িয়াছিল। একজন দাসী তাহার পদসেবা করিতেছিল। মাথার কাছে একটা টেবিল-ক্যান্ডেল ঘুরিতেছিল।

বিরূপাক্ষের প্রবেশ

বিরূপাক্ষ। দিদিমণি, কাঙালীদের খাওয়া-দাওয়া তো হয়ে গেছে...

শ্যামলী। সেই প্যাণ্ডালের ভেতরেই তারা এখনো আছে তো?

বিরূপাক্ষ। হ্যাঁ।

শ্যামলী। তাহলে প্রত্যেক কাঙালীকে এখন একটা টাকা আর একখানা কাপড় দিয়ে বিদায় করো।

বিরূপাক্ষ। আচ্ছা। কিন্তু দিদিমণি, তুমি এখন মুখে একটু জল দাও—  
চোখ-মুখ যে একেবারেই শুকিয়ে গেছে! সারাটা দিন উপবাসী  
রয়েছ, আর কেন?

শ্যামলী। আমি এখন স্নান করবো—তার পর....

সনতের প্রবেশ

সনৎ। এই সন্ধ্যাবেলায় তুমি স্নান করবে? কি আশ্চর্য্য! নিউমোনিয়া  
হবে যে...

শ্যামলী। খেঁদির মা, আমার মাথাটা একটু টিপে দেতো।

সনৎ। মাথা ধরেছে? তার উপর আবার স্নান? তুমি একটা বিপদ না! ঘটিয়েই ছাড়বে না শ্যামলী! যাই আমি—ডাক্তারকে খবর দি'।

শ্যামলী। না, আপনি বসুন এখানে।

সনৎ। শুন্লাম তুমি নাকি এখনো জলস্পর্শ করনি?

শ্যামলী। ( হাসিয়া ) আজ্ঞে হ্যাঁ।

সনৎ। কেন?

শ্যামলী। এই তো সব কাঙালীদের খাওয়া হ'লো।

সনৎ। তাদের খাওয়ার সঙ্গে তোমার সম্বন্ধ কি?

শ্যামলী। কি যে বলেন আপনি! তাদের খাওয়া না-হ'লে কি আমি খেতে পারি? আমি যে তাদের চেয়েও বেশী কাঙালী।

সনৎ। ছি ছি ছি, এভাবে জীবাত্মাকে কষ্ট দিলে কোনো ধর্ম হয় না শ্যামলী! তুমি এখন যাও—আর দেরি কর না।

শ্যামলী। একগ্লাস জল নি' আয় তো খেঁদির মা? বড্ড তেষ্ঠা পেয়েছে....

খেঁদির মার প্রস্থান

স্বামীজি কি আজই আশ্রমে ফিরে যাবেন?

সনৎ। হ্যাঁ, তাইতো ভাবছি...

শ্যামলী। কিন্তু একটা কাজ বড্ড অগ্নায় হয়ে গেছে...

সনৎ। কি?

শ্যামলী। আপনার সেই গেরুয়া জামা-কাপড়গুলো সব ডাইং-ক্রিনিং কাচতে দিয়েছিলাম।

সনৎ । তারপর ?

শ্যামলী । তারা সেগুলোকে একেবারে ধবধবে সাদা করে দিয়েছে ।

অবিশ্যি, দোষটা তাদের নয় । আপনার গেরুয়া-রংটাই ছিল  
অত্যন্ত কাঁচা ।

সনৎ । তা' হতে পারে ! তা'তে আর দোষ কি হয়েছে ? আবার  
ছুপিয়ে নিলেই তো চলবে ।

খেদির মা একগ্লাস জল আনিল

শ্যামলী । দয়া করে এদিকে একবার আস্থন না স্বামীজী....

সনৎ । কেন ?

শ্যামলী । ( জলগ্লাস হাতে লইয়া ) এই গ্লাসের ভেতর আপনার  
পায়ের বুড়ো আঙুলটা একবার ছোঁয়াবেন ।

সনৎ । ( বিস্মিতভাবে ) সেকি ? কি বলছ তুমি ? আজ সারাদিন  
আমি খালি পায়ে ঘুরছি, হাঁটু অবধি ধুলো-বলি—তুমি কি পাগল ?

শ্যামলী । দেরি করবেন না, আমার বড্ড তেষ্টা পেয়েছে ।

সনৎ । কি ভয়ানক কথা । খালি পায়ে কাঙালীদের ভেতর ছুটো-  
ছুটি করেছি—কত লেপার, আর টিউবারকুলার লোকের সংস্পর্শে  
এসেছি—আমার এই পায়ের ধুলোতে আছে—কত যে ব্যাসিলি,  
তার ঠিক নেই ! তুমি কি বলছ শ্যামলী ! না, না, তা' হতে  
পারে না ।

শ্যামলী । বেশ, তা'হলে এ জলগ্লাস রেখে আয় খেদির মা ।

সনৎ । তাই তো, তুমি যে আমাকে ভয়ানক বিপন্ন করলে ! তেষ্টা  
পেয়েছে । লক্ষ্মীটি আমার ছেলেমানুষী ক'রো না—জল খাও....

শ্যামলী। না, আমার তেষ্ঠা পায়নি।

সনৎ। নিশ্চয়ই পেয়েছে। আর কেনই বা পাবে না? সারাদিন  
উপবাসী থেকে ছুটোছুটি করেছ, একবার ওপর একবার নীচে—  
না, না, অবাধ্যপণা কর না। জলগ্লাস খেয়ে নাও। ওকি হাস্ছ  
কেন?

শ্যামলী। সত্যিই আমার তেষ্ঠা পায়নি—আমি মিছে কথা  
বলেছিলাম।

সনৎ। হতেই পারে না। ওরে কে আছিস্?

জনৈক চাকরের প্রবেশ

চাকর। হুজুর!

সনৎ। শীগ্গীর বাথরুমে একথানা সাবান আর আমার খড়ম জোড়া  
নিয়ে আয়তো....

বাস্তবাবে প্রস্থান, পিছনে চাকর

শ্যামলী খুব হাসিতেছিল

খেঁদির মা। ওকি—অতে! হাস্ছ কেন দিদিমণি?

শ্যামলী। এই মানুষ নাকি সন্ন্যাসী থাকবে—সংসার ধন্য করবে না।

তোঁর কি মনে হয় খেঁদির মা?

খেঁদির মা। তোমার ওই চল্‌চলে মুগখানি দেখলে—মুণ্ডু ঘুরে দাবে  
না, এমন সন্ন্যাসী কোথায় আছে, দিদিমণি?

শ্যামলী। কী চৎকার মানুষ! আচ্ছা, বলতো—ওকে আমি ভাল-  
বাস্‌বো না ভক্তি করবো? ওর হাত ধরে হাওয়া খেয়ে বেড়াবো,  
না ফুলজল দিয়ে ওর পা ছুঁখানা পূজা করবো? কি করলে  
আমি স্মৃথী হতে পারবো? বলতে পারিস্?

খেঁদির মা। হুঁ ! তুমি মরেছ ?

শ্যামলী। সত্যি খেঁদির মা, আমি মরেছি। একদণ্ডও ভুঁকে চোখের  
আড়াল করতে ইচ্ছা হচ্ছে না। আস্থন সৌমেনবাবু ! 'একি,  
সেন সাহেবও ইঠাং কি মনে করে ?

সৌমেন ও সেন সাহেবের প্রবেশ

সেন সাহেব। তোমার এই শিবহীন যজ্ঞ দেখতে এলাম শ্যামলী !  
দেশের যত ভূত প্রেতকে নেমন্তন্ন ক'রে খাওয়ালে—অথচ এই  
ভূতনাথকে স্মরণ করলে না ?

শ্যামলী। ভূতের রাজাকে তো নেমন্তন্ন করতে হয় না—তাঁর  
অগ্নুচরদের ডাক্লেই তিনি আসেন।

সেন সাহেব। তাই নাকি—হা হা হা হা—তাহলে দাও দশটা টাকা !  
আজ সারাদিন গলাটা শুকিয়ে আছে ! আমি চাই—শুধু Eat,  
drink and be merry—কি বলো সৌমেনবাবু, হা হা হা...

সৌমেন। এককাপ চা খাওয়াতে পার শ্যামলী ? বড্ড পরিশ্রান্ত  
হয়ে এসেছি।

শ্যামলী। বহন আপনারা—আমি আসছি...

ইঙ্গিতে খেঁদির মাকে সঙ্গে লইয়া প্রস্থান

সৌমেন। বুঝেছ সেন সাহেব ? Now, she is completely lost....

সেন সাহেব। To lose or to gain—is a question of business !

Dont get nervous ! I say—cheer up ! cheer up !  
my boss ! এই যে স্বামীজী ! আস্থন—আস্থন...

সনতের প্রবেশ

সনৎ । তুমি এখানে এসেছ কেন—সেন সাহেব ?

সেন সাহেব । অন্ডায় করেছি ?

সনৎ । নিশ্চয়ই । তোমার জগ্গেই তো একদিন আমি বাবার সঙ্গে  
বগড়া করেছিলাম । বাড়ী ছেড়ে চলে গিয়েছিলাম—আমার কাছ  
থেকে টাকা নিয়ে—তুমি যে মদ্ খেতে, তা'তো আমি  
জান্তাম না ?

সেন সাহেব । কিন্তু স্বামীজী ! মেয়েমানুষ আর মদ্—Choose either  
—and don't be trembling on the balance ! কি বলেন  
সোমেনবাবু ? To choose both, is a crime—is it not ?  
ছটোর ভেতর একটা ধক্‌ন্—হুদিকেই হুলবেন না । মনের  
ভার-কেজ্জটাকে বুঝতে চেষ্টা করুন । তার পর 'হুর্গা' বলে বুলে  
পড়ুন একদিকে । ছটোকেই পছন্দ করা মানে হচ্ছে—  
কোনোটোতেই সিদ্ধিলাভ না করা । হা হা হা হা—

শ্যামলীর প্রবেশ

শ্যামলী । এই নিন্ সেন সাহেব !

দশ টাকা দিল '

সনৎ । ওই মাতালটাকে টাকা দিলে ?

শ্যামলী । আজ এই শ্রাদ্ধের দিনে আমি কি কোনো প্রার্থীকে  
বিমুখ করতে পারি স্বামীজী ?

সেন সাহেব । স্বামীজীর প্রার্থনাটাও অপূর্ণ রেখনা শ্যামলী—His



demand is greater than that of mine! Good night,  
ladies and gentlemen, good night....

প্রস্থান

বিরূপাক্ষের প্রবেশ

বিরূপাক্ষ। দিদিমণি! তুমি এখনো এখানে বসে আছ? কী  
আশ্চর্য্য!

সনৎ। হ্যাঁ, আর দেরি করো না—শ্যামলী, তুমি এখন যাও....

শ্যামলী। এক কাপ্ চা খেয়েই যাচ্ছি....

বেয়ারা চা দিয়া গেল, তিনজন তিন কাপ্ গ্রহণ

করিলেন। বিরূপাক্ষের প্রস্থান

সোমেন। স্বামীজী তো চা ছাড়নি দেখছি....

সনৎ। না ভাই, এটা আরো বেশী করেই ধরেছি। দিনে রাত্রে প্রায়  
পঁচিশ কাপ্...

সোমেন। গেকুয়া যখন ছেড়েছ—তখন আর নাইবা ধরলে?

সনৎ। তা' কি হয় সোমেন? আশ্রমে তো ফিরতেই হবে। বাবার  
চোখের জল আমাকে বেঁধে রাখতে পারেনি....

সোমেন। শ্যামলীর চোখের জল বোধহয় পারবে।

সনৎ। তার মানে? শ্যামলীও বুঝি কাঁদবে আমার জন্তে? হা হা হা

—কি যে বলিস্ তুই!

সোমেন। ওই দেখো না, এখুনি কাঁদতে শুরু করেছে....

শ্যামলী। আপনারা বহ্নন, আমি আসছি।

চোপ মুছিতে মুছিতে প্রস্থান

সনৎ। সত্যিই তো শ্যামলী কাঁদছিল? এর মানে কি সৌমেন? Is it love?

সৌমেন। Yes, it is.

সনৎ। না, না, না—তা’হলে আমাকে আজই যেতে হবে। কী অত্যাচার কথা—বলো তো? আমি একজন সম্মানসী, আমার ‘পাদোদক’ ধাওয়ার অর্থ যে কি, তা’ এখন বুঝে পারছি।

সৌমেন। পাদোদক খেয়েছে নাকি?

সনৎ। হ্যাঁ।

সৌমেন। তাহ’লে মানুষকে ভেড়া বানিয়ে নেবার সেকলে পদ্ধতিগুলোও জানা আছে দেখছি...

সনৎ। হ্যাঁ, তাইতো মনে হচ্ছে—আর, আমার মনটাও যেন কেমন-একটু দুর্বল হ’য়ে পড়েছে—সৌমেন!

সৌমেন। শোনো সনৎ! She is a moral wreck—a completely rotten stuff.

ক্লান্তভাবে শ্যামলীর প্রবেশ

শ্যামলী। আমি ওই দরজার পাশেই দাঁড়িয়েছিলাম সৌমেনবাবু! আপনি বেরিয়ে যান এখান থেকে....

সৌমেন। যা’ সত্যি—তা’ তোমার মুখের উপর বলবার সাহসও আমার আছে। Are you not—what I said Shyamali?

শ্যামলী। ( চীৎকার করিয়া কাঁদিয়া উঠিল ) আমি আপনাকে চিন্তে

পেরেছি সৌমেনবাবু ! আপনি একটা শয়তান—বেরিয়ে যান,  
বেরিয় যান !

সনৎ । দেখো গ্রামলী সৌমেন আমার বন্ধু !

গ্রামলী । হোক আপনার বন্ধু ! তবু—তবু—এ বাড়ীর মালিক এখন  
আমি । সৌমেনবাবু !

রাগে থর থর করিয়া কাঁপিতেছিল

সৌমেন । ধন্বাদ বাড়ীওয়ালো । আমি এখন আসি । তবে, যাবার  
আগে তোমার মুখের উপর আবার বলে যাই—You are a  
rotten stuff—a completely rotten stuff.

প্রস্থান

সনৎ । আমার জামা-কাপড় দাও....

গ্রামলী । দেবনা ।

সনৎ । বেশ, না-দাও না-দেবে । আমিও আসি তা'হলে...

গ্রামলী । ( হাত চাপিয়া ধরিয়া ) না । আজ আপনি কিছুতেই  
যেতে পারবেন না স্বামীজী ! কালই আমি, আপনার এই  
পৈত্রিক বাড়ী আর ব্যাঙ্কের টাকা—আপনার নামে ট্রান্সফার  
করবো । তারপর যাবেন ।

সনৎ । আমি সম্ম্যাসী । আমার তো এ সবেব কোনো প্রয়োজন নেই ।

গ্রামলী । আপনার না-ধাক্কে পারে—আপনার ওই শয়তান  
বন্ধুটির আছে । তাঁকেই দিয়ে যাবেন ।

বিরূপাক্ষের প্রবেশ

বিরূপাক্ষ । একি, তুমি এখনো যাওনি ? ছি ছি ছি, সনৎ তোমরা

কি, আমার এই লক্ষ্মী দিদিমণিকে মেরে ফেলবে ? সারাটা দিন

কঠোর পরিশ্রম ! মুখে এক গুঁষ জল পড়লো না—কী আশ্চর্য্য !

সনৎ । যাও শ্রামলী, আর দেরি করো না...

শ্রামলী ।—আপনি যাবেন না বলুন—নইলে আমি স্বানাহার কিছুই  
করবো না :

বিরূপাক্ষ । কে যাবে ? সনৎ ? কোথায় যাবে ?

শ্রামলী । আশ্রমে ।

বিরূপাক্ষ । ইস্ ! সদর দরজায় আমি আছি—তোমার কোনে ভয়  
নেই...

প্রস্থান

শ্রামলী । স্বামীজী ! ( কাঁদিল ) নোমেনবাবু মিছে কথা বলেছে ।

বিশ্বাস করুন—আমি নিষ্পাপ, নিষ্কলঙ্ক ! নতুবা, আপনার ওই  
পবিত্র পা' দুখানা স্পর্শ করবার দুঃসাহস আমার হতো না ।

পায়ে পড়িয়া কাঁদিতে লাগিল

## পঞ্চম দৃশ্য

স্থান—সেবिकासঙ্ঘের নিকটবর্তী পার্ক

কাল—সন্ধ্যা

দৃশ্য—পার্কের একটা বেঞ্চে—গজেন্দ্র ঘোষ ও মালতী বসিয়াছিল। অদূরে একটা  
ভিথারী গাহিতেছিল—

গান

নয়ন জলে পথ দেখিনা—দীন-ভিথারী অনাহারী !  
মরণ হলে ষাই বেঁচে ষাই, সহিতে তো আর নাহি পারি ।  
হায় বিধাতা ! দেখি না আর তোমার মত অবিচারী—  
কেউ বা হাঁটে খোঁড়া পায়ে—কেউ বা চড়ে জুড়িগাড়ি ।  
আমরা শেয়াল-কুকুর যেন—

পথে পথে কাঁদছি কেন ?

আস্তাকুঁড়ের একমুঠো ভাত নিয়ে করি কাড়াকাড়ি ।

সেন সাহেব তাহার নিকটে আসিয়া—গানের শেষাংশ শুনিল—তারপর হঠাৎ

একটা চড় মারিয়া ভিথারীটাকে মাটিতে ফেলিয়া দিল

ভিথারী। ( উঠিয়া ) আমাকে মারলে কেন বাবা ?

সেন সাহেব। মারবো না ? ওসব কাঁদুনে গান গেয়ে মানুষের মন—

ভেজাবার চেষ্টা করিস্ কেন ?

ভিথারী। কি করবো বাবা ?

সেন সাহেব। পকেট মারবি—রাস্তায় বেসামাল মানুষ দেখলেই তার পকেট মারবি।

ভিখারী। তাতে পাপ হবে না?

সেন সাহেব। পাপ? ওই যে লোকটা আসছে—দেখ হিস? ও কি করছে বলতো?

ভিখারী। কি?

সেন সাহেব। ওই—সেবিকাসজ্জের জান্নায় একটি মেয়ে বসে আছে, বদ্মাইসটা তাকেই নজর দিচ্ছে! এখন আমি যদি ওর পকেট থেকে ফাউন্টেনপেনটা তুলে নি—ওকি টের পাবে? কথখনো না—এই দেখ্....

একটি পক্ষি—সেবিকাসজ্জের মাথবীর দিকে নজর রাখিয়া অন্তরমনকভাবে

পাখ চলিতেছিল—সেন সাহেব তাহার নিকট গেল—বুকপকেট

হইতে ফাউন্টেনপেনটা তুলিয়া লইল

দেখলি?—এই ফাউন্টেন-পেনের দাম—অস্তুত; দশটি টাকা। সারাদিন ভিক্ষে করেও তো তুই দশটা পয়সা জোগাড় করতে পারবিনে?

ভিখারী। কিন্তু বাবা! চুরি করা যে পাপ...

সেন সাহেব। আবার পাপ? ও লোকটা কি করছিলরে? চুরি করে পরের মেয়ের দিকে কুনজর দেওয়া যত পাপ—একটা ফাউন্টেন পেন চুরি করা কি তত পাপ? নিয়ে যা...

ভিখারী। এক লম নিয়ে আমি কি করবো? আমি তো লেখাপড়া জানিনে...

সেন সাহেব। লেখাপড়া যারা জানে, তারাও—আমাদের চেয়ে কম চোর নয়, বুঝলি? দশটাকার জিনিস পাঁচটাকায় পেলে এতখিনি কিনে নেবে—এই দেখ্...৷

গল্প করিতে করিতে দুটি ভদ্রলোক যাইতেছিলেন—সেন

সাহেব তাহাদের নিকট গিয়া

মশাই! চোরাই মাল—দশটাকা দাম—সাতটা টাকা যদি দেন... ভদ্রলোক। (কলমটা হাতে লইয়া পরীক্ষা করিয়া) পাঁচ টাকায় দিবি? সেন সাহেব। দিন্—কি আর করবো—হঠাৎ অভাবে পড়েছি—বিদেশী লোক! এই মাস্তুর একটা পকেটমার আমার সর্বনাশ করে গেছে!

ভদ্রলোকদ্বয় চলিয়া গেল—সেন সাহেব টাকা লইয়া আবার ভিখারীর কাছে আসিল

এই নে পাঁচ টাকা! দেখলি? কেমন সুবিধার ব্যবসা! পুঁজি লাগলো না—শুধু একটু হাতছাপাই! কেন মিছিমিছি ভিক্ষে করছিস্?

ভিখারী। কিন্তু, চুরি-করা যে পাপ!

সেন সাহেব। ও, বুঝিছি—তোর কপালে অনেক দুঃখ আছে....

একটি ভদ্রবেশী পানওয়ালা তাহাদের কাছে আসিল

পানওয়ালা। Help me sir, very poor sir.. সপরিবারে না খেয়ে মরছি Sir....

সেন সাহেব। কতদিন?

পানওয়ালা। কি?

প্রথম অঙ্ক

পি-ডাব্লিউ-ডি

পঞ্চম দৃশ্য

সেন সাহেব। ডান হাতে মুখের উপর পান ছুটো, ধরে—বাঁ হাতটা

পকেটের ভেতর চালিয়ে দেওয়া—ব্যবসা ?

পানওয়ালা। কি বলছেন Sir ?

সেন সাহেব। চূপ্—আমি সেন সাহেব !

পানওয়ালা। ওঃ—মাপ করবেন Sir—আমি আপনাকে চিন্তে  
পারিনি...

পদধূলি লইয়া প্রস্থান

( ভিখারীর প্রতি ) দেখলি ? কেমন ছ' হাতের ব্যবসা কেঁদে

নিয়েছে—ডান হাতে পান-বিক্রি ! বাঁ হাতে পকেট-মারা !

ভিখারী। কিন্তু চুরি করা যে পাপ !

সেন সাহেব পকেট হইতে একটা বোতল বাহির করিয়া মজ্জপান করিলেন

সেন সাহেব। পাপ-পুণ্য—সবাই আমার এই বোতলের ভেতর !

একটু খাবি ?

ভিখারী। দাওনা বাবা ! বহুদিন খাইনি—ওই মদ খেয়েই তো

পৈতৃক ষা-কিছু সব উড়িয়ে দিইছি—এখন ভিক্ষে ছাড়া আর

উপায় নেই...

সেন সাহেব। হা হা হা হা—তাই বল্—আয় ছ'জনে বসি এখানে—

মজ্জপান করিতে লাগিল

মালতী। চলো, আমরা এখন বাড়ী যাই, সেন সাহেব এসেছেন,

সৌমেনবাবুও আসতে পারেন....

গজেন্দ্র। আসুক না। ভয় কি ? আমরা তো চোর নই, স্বামী-স্ত্রী !



শালা বলে কিনা গলা-ধাক্কা দেবে। এমন শিক্ষা ওকে দেব যে, এই গজেন ঘোষ লোকটাকে জীবনে ভুলবে না।

মালতী। সত্যিই কি ওর জেল হবে?

গজেন্দ্র। নিশ্চয়ই। তুমি যদি সাক্ষীর কাটগড়ায় দাঁড়িয়ে কেঁদে কেঁদে

বলতে পার, তোমার ইচ্ছার বিরুদ্ধে...

সেন সাহেব। ( নিকটে আসিয়া ) কিন্তু এই দরখাস্তখানা?

ভিত্তারীর প্রস্থান

গজেন্দ্র। কি দরখাস্ত?

সেন সাহেব। মালতী দেবী লিখছেন—To the Secretary  
সেবिकासঙ্ঘ! “অভাব অভিযোগের তাড়না সহ করতে না-  
পেরে—স্বৈচ্ছায় ও স্বচ্ছন্দ মনে যোগদান করিলাম।” ইতি—  
মালতী দেবী।

গজেন্দ্র। তাই নাকি? ওখানা দিন না আমাকে? আমার বড্ড  
উপকার হবে।

সেন সাহেব। দশ টাকা দিন—

গজেন্দ্র দশ টাকা দিয়া কাগজখানা লইল

মালতী। আপনি ওটা কোথায় পেলেন সেন সাহেব?

সেন সাহেব। তোমরা মামলা করছ—তোমাদের প্রয়োজন হতে পারে  
মনে করেই অপীস্ থেকে নিয়ে এসেছি।

গজেন্দ্র। আপনাকে ধন্যবাদ....

সেন সাহেব। ধন্যবাদটা আমার পাওনা নয় ঘোষমশাই! আমার  
পাওনা দশ টাকা, আমি পেয়েছি—Good night!

প্রস্থান

গজেন্দ্র। আশ্চর্য্য লোক!

সনৎ ও সৌমেনের প্রবেশ

সৌমেন। এই যে মালতী! আজ দুদিন তোমার খোঁজই নেই? বাঃ  
—সে সেবিকাসঙ্গে আর যাবে না বুঝি?

গজেন্দ্র। আজ্ঞে না।

সৌমেন। ও—তাহলে এই ঘোষমশায়ের সঙ্গে তোমার সদ্ভাব হ'য়ে  
গেছে? তাই বলো....

গজেন্দ্র। কেন হবে না সেক্রেটারীবাবু? ধর্ম্মমতে বিবাহিতা পত্নী তো?  
এখন—কে কাকে গলা-ধাক্কা দেয়—তা' আদালতেই দেখা যাবে।

সৌমেন। সত্যিই আপনি 'কেস' করবেন নাকি?

গজেন্দ্র। 'করবেন' নয় 'করেছেন'। কালই আপনাকে আদালতে  
গিয়ে জমিন দিতে হবে।

সৌমেন। মালতী?

মালতী। কি আর করবো বলুন—স্বামীর অনুরোধটা তো উপেক্ষা  
করতে পারছিলেন!

গজেন্দ্র। চলো মালতী—ছ'টা পনেরো....

সৌমেন। সপরিবারে নিনেমার যাবেন বুঝি?

গজেন্দ্র। আজ্ঞে ই্যা! আপনাদের মত পরের পরিবার নিয়ে কোথাও যাওয়া তো অভ্যাস নেই...

সৌমেন। শুনুন গজেনবাবু! আদালতে গিয়ে মিছিমিছি কতগুলো অর্থ-ব্যয় করবেন না। আমার কাছে—সাবালিকা মালতী দেবীর স্বাক্ষরিত দরখাস্ত আছে।

গজেন্দ্র। বেশ তো, সে দরখাস্তখানা দাখিল করবেন আপনি—  
আপত্তি কি?

উভয়ের প্রস্থান

সৌমেন। হা হা হা হা—

সনৎ। উনিই বুঝি সেই মালতী দেবী?

সৌমেন। ই্যা। কী অপদার্থ এই মেয়েগুলো—আত্মসম্মান-বোধ যাদের নেই—তারা কি মানুষ?

সনৎ। দেখো সৌমেন! একটা বিষয়ে তোমার সঙ্গে আমার মতের কোনো মিল নেই। তুমি বলো—End যদি সং হয়—Means অসং হলেও দোষ নেই। তা কি সত্যি?

সৌমেন। ওসব গবেষণা এখন থাক। তুমি কি করছ, তাই বলো।

সনৎ। শ্রামলীকে আরো কিছুদিন study করবো। তাকে আমার এত ভাল লাগছে যে, তোমার ওসব কথা বিশ্বাস করতেই হচ্ছে হচ্ছে না।

সৌমেন। তাই নাকি? (হাসিল)

সনৎ। কিন্তু—বাবা মেয়েটিকে এত বিশ্বাস করেছিলেন কেন? তাঁর বৈষয়িক বুদ্ধি তো তোমার-আমার চেয়ে কম ছিল না?

সৌমেন। সে অনেক কথা। এখন তুমি একটা কাজ করো না ?

সনৎ। কি ?

সৌমেন। শ্রামলীকে বলো—ব্যাকের টাকাগুলো সব তোমার নামেই  
ট্রান্সফার করে দিতে...

সনৎ। সে তো প্রস্তুত।

সৌমেন। তুমিই বা অপ্রস্তুত কেন ?

সনৎ। টাকা তো আমার নয়, বাবার। বাবার ওই টাকার সঙ্গেই  
আমি ঋগড়া করেছিলাম—বাবার সঙ্গে নয়। তুমি কি তা'  
জানো না ?

সৌমেন। জানি।

সনৎ। সে টাকা আমার বাবা যাকে দিয়ে গেছেন—সেই ভোগ করবে  
—আমি কে ? আমার কি প্রয়োজন ?

সৌমেন। What a fool you are ! অতগুলো টাকা হাতে পড়লে  
—যে কোন মানুষের মাথা-খারাপ হ'য়ে যায়। আর শ্রামলীর  
মত একটা most ordinary flirt girl—সে কি ক'রে  
ঠিক থাকবে ?

সনৎ। আচ্ছা সৌমেন ! শ্রামলীর বিরুদ্ধে তুমি যা-কিছু বলো, তা'  
প্রমাণ করিতে পার ?

সৌমেন। নিশ্চয়ই পারি। চাও ? প্রমাণ চাও ? Very well কাল  
বিকেলে পাঁচটায় আমার ওখানে নেমস্তন্ন রইলো তোমাদের,  
চা-খাবার। শ্রামলীকে সঙ্গে নিয়ে যেও...

সনৎ। আচ্ছা...

সৌমেন। শ্রামলী কি আসবে ?

সনৎ। কেন আসবে না ? আমি বললেই আসবে।

সৌমেন। হ্যাঁ, তা' আসতে পারে। আমার কাছে তোমাকে একলা ছেড়ে দিতে—তার সাহস হয় না...

পিছনে মোটরের হর্প

ওই যে শ্রামলী এসেছে।

শ্রামলীর প্রবেশ

শ্রামলী। এত রাত্তির পর্য্যন্ত—এখানে এসে ঠাণ্ডা লাগাচ্ছেন কেন স্বামীজী ? চলুন—গাড়ী নিয়ে এসেছি।

সনৎ। হ্যাঁ চলো। আমার শরীরটা তত ভাল নেই, সৌমেন, আজ তা'হলে আসি....

উভয়ে চলিয়া গেল—সৌমেন একদৃষ্টে চাহিয়া রহিল—

দীর্ঘশ্বাস ফেলিয়া বলিল—

“আচ্ছা!”

অঞ্জলি একটু দূরে দাঁড়াইয়া ছিল—কাছে আসিল

সৌমেন। এমো অঞ্জলি, তোমার কথাই ভাবছিলাম।

অঞ্জলি। ( হাসিয়া ) তাই নাকি ? কি সৌভাগ্য আমার....

সৌমেন। হ্যাঁ, সৌভাগ্যই বটে। শোনো ! তোমাকেই আমি বিয়ে করবো, তবে তুমি তো জানো শ্রামলীকে আমি অত্যন্ত ভালবাসি ?

অঞ্জলি। হ্যাঁ জানি।

সৌমেন। শ্রামলী যতদিন বেঁচে থাকবে, ততদিন তোমাকে ভালবাসতে পারা আমার পক্ষে সম্ভব নয়।

অঞ্জলি। তাও জানি।

সৌমেন। শ্রামলী আর সনৎ কাল আমার এখানে চা খেতে অসবে। তুমি তাদের চা-পরিবেশন করবে। একটা কাপে একটা ওষুধ মিশিয়ে এনে দেবে আমার হাতে—আমি দেব শ্রামলীকে। সে খাবে। আমাদের মিলনের পথ পরিষ্কার হয়ে যাবে।

অঞ্জলি। কি বলছ তুমি?

সৌমেন। যা বলছি, তা করতে পারবে কিনা বলো। পাপের ভয় করছ? সে ভয় তো তোমার নয়—আমার। আমিই হাতে করে দেব, তুমি করবে একটু সাহায্য।

অঞ্জলি। আমার মাথা ঘুরছে।

সৌমেন। বসো এখানে। আমার কোলের উপর মাথাটা রাখো। ভাবো—নিজের স্ত্রের পথ নিজেই তৈরী করে না-নিলে, কেউ কখনো স্ত্রী হতে পারে না। শ্রামলীকে সরিয়ে দিতেই হবে— পারবে না? বলো, পারবে না? অঞ্জলি! একি—ঘুমিয়ে পড়েছ?

অঞ্জলি। (চমকিয়া) হ্যাঁ বড্ড ঘুম পেয়েছিল। তোমার কোলে মাথা রেখেছি—এ যে আমার কি শান্তি—তা' তুমি বুঝবে না। ওগো! তুমি আমাকে পাগল করেছ—পাগল করেছ...

প্রথম অঙ্ক

পি-ডাব্লিউ-ডি

ষষ্ঠ দৃশ্য

সৌমেন। Nonsense ! যা' জিজ্ঞেস করছি, তার উত্তর দাও....  
অঞ্জলি। চোখ রাঙাও না। আমার বড্ড ভয় করে। তেমনি মিষ্টি  
করে কথা বলে। তুমি যা বলবে—আমি তাই করবো। আমি কি  
পারি তোমার অবাধ্য হতে ?

সৌমেন। হ্যাঁ, ঠিক থাকে যেন...

অঞ্জলি। বড্ড মাথা ঘুরছে—তোমার যদি কষ্ট না হয়—আবার  
আমাকে একটু....

সৌমেন। কিসের কষ্ট ? তোমাকে আজ আমার খুব ভালো লাগছে—  
ঘুমোও। আমি তোমার কপালে হাত বুলিয়ে দিচ্ছি....

কপালে হাত বুলাইল, কিন্তু মুখে অত্যন্ত বিরক্তির ভাব।

## ষষ্ঠ দৃশ্য

স্থান—সেবিকাসভ্যের আপীস্

কাল—অপরাহ্ন

দৃশ্য—মাথবী একাকী গান গাহিতেছিল

গান

কেন হৃদয় ধারে বারে বারে

আঘাত দিয়ে যাও ?

ঘুমিয়ে যেজন আছে, তারে—

কেন গো জাগাও

চাই যা-কিছু—স্বপন মাঝে—

রয়েছে মোর বুকের কাছে !

জাগরণে আর কি আছে—

আমায় দিতে চাও ?

স্বপন কেন হুখের এতে!—

বুঝি না তো তাও !

নয়ন বারি জাগরণে

৪ রবে আমার ছ'নয়নে—

কাঁদিয়ে মোরে অকারণে

বলো, কি হুখ পাও ?

দ্বিজবরের প্রবেশ

দ্বিজবর । সঙ্গীতালাপ করছ ? বেশ, বেশ....

মাধবী । আপনি আবার এসেছেন এখানে ? শীগ্গীর চলে যান....

দ্বিজবর । হেতু ?

মাধবী । সেক্রেটারীবাবুর সঙ্গে দেখা হ'লে তিনি আপনাকে নিশ্চয়ই  
অপমান করবেন ।

দ্বিজবর । কে বললে ? অসম্ভব ।

মাধবী । আপনি আমাকে নিতে পারবেন না, অথচ আমার টাকা  
নিতে পারবেন—এটা তিনি পছন্দ করেন না ।

দ্বিজবর । তা'হলে তিনি নিতান্তই বালক ?

মাধবী । না, না, আপনি যান—তাঁর আসবার সময় হয়েছে ।

দ্বিজবর । আমি যে অন্ত রজনী এখানেই অবস্থান করবো মনে করেছি ।



মাধবী। কী সর্বনাশ, আপনি কি বলছেন ?

দ্বিজবর। বিশ্বয়ের বিষয়টা কি হলো ? তুমি যখন আমার শাস্ত্রমতে  
বিবাহিতা ধর্মপত্নী তখন সে-বিষয়ে কোনো আপত্তি উত্থাপন করা  
তো বিজ্ঞানোচিত কার্য বলে—মনে হচ্ছে না।

বাস্তবাবে গোবর্দ্ধনের প্রবেশ

গোবর্দ্ধন। শীগগীর বেরিয়ে যান ঠাকুর মশাই : সাহেব আসছেন....

দ্বিজবর। কেন হে ? আমি কি তস্কর ?

সৌমেন ও সেন সাহেবের প্রবেশ

সৌমেন। এই যে ঠাকুরমশাই, প্রণাম !

দ্বিজবর। কল্যাণমস্ত !

সৌমেন। আবার এখানে কি মনে করে ?

দ্বিজবর। আগামী কল্যাই দেশে প্রত্যাবর্তন করছি ! তাই মনস্থ  
করেছি—অল্প রজনী এখানে অবস্থান করবো। আমার সহধর্মিণী  
যখন....

সৌমেন। এখানে অবস্থান করছেন। তা'হলে মাধবী ! তোমার পরম  
গুরুকে ঘরে নিয়ে যাও—পরকালের কাজটা করে।

দ্বিজবর। নিশ্চয়ই। 'পতিরেকো গুরুস্বীণাম্'। বুদ্ধিহীন মাধবী  
বল্ছিল—আপনি নাকি আমাকে অপমান করবেন। হা হা হা হা  
—আপনি একজন উচ্চ শিক্ষিত ভদ্রসন্তান—ইতিকর্তব্য সৰ্ব্বদে  
আপনার কি কোনো ক্রটি হওয়া সম্ভব ?

সৌমেন। আজ্ঞে, নিশ্চয়ই নয়! একটা ক্রটির জন্ত, পরম শ্রদ্ধাঙ্গদ

গজেন্দ্র ঘোষ মহাশয় মামুলা রুজু করেছেন—আবার?

সেন সাহেব। আপনাকে ঘেন কোথায় দেখেছি?

সেন সাহেব তাঁহার মুখের কাছে মুখ লইয়া গিয়াছিল—দ্বিজবর নাকে

কাপড় দিয়া সরিয়া দাঁড়াইলেন

দ্বিজবর। লোকটিকে যেন মত্তপ বলে মনে হচ্ছে?

সেন সাহেব। আজ্ঞে হ্যাঁ আমি একটু মত্তপান করি—কিন্তু আপনি?

দেখি হাতখানা (দেখিয়া) ও তাই ঝুলুন—আসুন তা'হলে—

উপস্থিত সঙ্গে নেই—কি আর করি বলুন—? ভদ্রতা রক্ষা

হ'লোনা—

মাধবীর সঙ্গে দ্বিজবরের প্রস্থান

দেখুন সৌমেনবাবু! আপনার এই 'সেবিকাসঙ্ঘের' নামটা পাল্টে  
দিন। লিখে রাখুন—"Universal Father in Jaw's House".

সৌমেন। (হাসিয়া) ব্যাপারটা সেই রকমই দাঁড়িয়েছে....

সেন সাহেব। গলাধাক্কা দিয়ে তাড়িয়ে দিলেন না কেন?

সৌমেন। মাধবী তা'হলে কেঁদে ভাসাতো! তুমি কি মনে করো

সেন সাহেব! এদেশের মেয়েগুলো রক্তমাংসের মানুষ? এই

মাধবীর মনে কি এমন কোন চেতনা আছে, যাতে সে তার

মনুষ্যত্বের দাবীকে বুঝতে পারে? পরকালের কথা ভাবতে ভাবতে

মাধবী আজ ওর পদসেবা করবে! এমন একটা মেয়ে আজ পর্যন্ত

আমার চোখে পড়লো না—যে তার স্বাধিকার বা স্বাভাবিক স্বাধিকার

প্রবৃত্তি নিয়ে বেঁচে থাকতে চায়।

অঞ্জলির প্রবেশ

অঞ্জলি। সত্যি সোমেনদা! এদেশের মেয়েরা তা' চায় না। নারীর মূল্য স্বামীর সাহচর্যে—স্বাতন্ত্র্যে নয়। তাই তারা সতীত্ব ও পতিব্রতের আদর্শকে অনেক বড় ব'লে জানে।

সেন সাহেব। তাই নাকি? হাহাহাহা....

অঞ্জলি। হাসছেন কেন সেন সাহেব?

সেন সাহেব। মাতালের হাসি কিনা, তাই একটু বে-ঘাটে পড়ে গেছে—ক্ষমা করবেন সাবিজ্জী-ঠাক্কণ!

অঞ্জলি। আমি বিধবা ব'লে—আমাকে পরিহাস করছেন?

সেন সাহেব। শোনো অঞ্জলি! অনধিকারচর্চা আমি কথনো করিনা। নারীত্ব সম্বন্ধে আমার কোনো ব্যক্তিগত অভিজ্ঞতা নেই—I am a poor vagabond, who lives upon the dregs of wine and browns of bread! এক কথায় যাকে বলে—A gingermerchant অর্থাৎ আদার-ব্যাপারী—তবে, তোমার মুখে ও সতীত্ব ও পতিব্রতের অহংকারটা ভাল লাগলো না....

অঞ্জলি। কেন বলুন তো?

সেন সাহেব। তর্ক করবো না। Excuse me! ততক্ষণ এক গ্লাস মত্তদান করলে, পরকালের কাজ হবে—Bloody swine takes wine!

সোমেন। তুমি এখন, এখান থেকে যাও অঞ্জলি—আমাদের কাজ আছে।

বিষমভাবে অঞ্জলির প্রস্থান

সোমেন দরজাটা বন্ধ করিয়া আসিল

তারপর তোমাকে যে কথা বলছিলাম সেন সাহেব !

সেন সাহেব ' ই্যা বলুন—Now I am perfectly in mood—

সত্যিই কি শ্রামলী শেষে একটা সন্ন্যাসীর 'লাভে' পড়লো ?

সোমেন। Yes, she is over head and ears ! অতগুলো টাকা

হাতে পেয়েও—সে আজ নিজেকে নৈবেদ্যের মতই সাজিয়ে দিতে

চায় সেই সন্ন্যাসীর পায়ে। স্বাধিকারের ধারণা বা স্বাভাব্য রক্ষার

প্রবৃত্তি আজ আর তার ভেতর একটুও নেই। যেটুকু গড়ে তুলে-

ছিলাম—তাও শেষ হয়ে গেছে।

সেন সাহেব। তা'হলে এসব ঝগড়াটে আর প্রয়োজন কি ? তুলে দিন্

এ সেবিকানজ্য—কাল থেকে খুলে দিন্ এখানে একটা 'বিশ্বভারতী

প্রজাপতি-আপীস'। পল্লী অঞ্চল থেকে কুড়িয়ে আনুন হাজার

হাজার রং বেরংয়ের 'প্রজাপতি'—তার পর তাদের উড়িয়ে দিন্

এই সহরের আকাশে, বাতাসে, অলিভে, গলিতে, আর সঙ্গে সঙ্গে

ট্রামে-বাসে চলিতে চলিতে 'লাভে' পড়ুক—যত অকালপক্ক বালক-

বালিকারা ! Ambulanceএর activity বেড়ে যাক—দেশের

প্রকৃত কল্যাণ হোক...

সোমেন। বকামো ক'রো না, শোনো। একটা clear conviction

নিয়ে যে কাজ শুরু করেছি, তার হাল ছেড়ে সরে দাঁড়াবার মত কাপুরুষতা আমার নেই। হয় ভাস্‌বো, আর না হয় ডুব্‌বো,—  
তার বেশী আর কি হবে ?

সেন সাহেব। কিন্তু আপনার এ Establishment চলবে কি করে ?

সৌমেন। শুধু কি এই একটা ? বাংলার প্রতি জেলায় গড়ে তুলবো  
আমার এই সেবিকাসঙ্ঘ ! যেখানে দাঁড়িয়ে বাংলার প্রত্যেক  
নির্যাতিতা মেয়ে বলতে শিখবে—I must have my economic  
salvation !

সেন সাহেব। মদ খান্‌ না বটে—কিন্তু মাতলামিতে আপনি আমার  
গুরুদেব !

সৌমেন। শোনো সেন সাহেব—আজই একটু Potasium Cyanide  
এনে দিতে হবে আমাকে...

সেন সাহেব। কী সর্বনাশ ! কেন বলুন তো ?

সৌমেন। আমি সনৎকে remove করবো, তা'হলেই পাবো শ্যামলীকে  
আর তার সঙ্গে—ন'লক্ষ পঁচাত্তর হাজার টাকা !

সেন সাহেব। কিন্তু পুলিশ-হাঙ্গামায় পড়বেন যে—সাম্‌লাবেন কি  
করে ?

সৌমেন। খুব চমৎকার একটা মতলব বাত্‌লেছি....

সেন সাহেব। কি ?

সৌমেন। তুমি জানো অঞ্জলি is very jealous of Shyamali !  
অঞ্জলি রাজী হয়েছে—শ্যামলীকে বিব দিতে। আমি সেটা কৌশলে  
দেব সনৎকে। সনতের মৃত্যু আর অঞ্জলির ফাঁসি ! এক টিলেই

হুই পাখী মরবে। I am really very tired of that unreasonable bitch !

সেন সাহেব। But innocent Swamiji !

সৌমেন। বলতে পার মিঃ সেন—সনতের বেঁচে থাকার প্রয়োজন কি ? সন্ন্যাসের কি কোনো মানে হয় ? রক্তমাংসের উত্তেজনা যার নেই শুধু নিরন্তর ছাড়া, প্রবৃত্তির প্রেরণাকে যে অস্বীকার করে—সে তো dead ! তাকে remove করলে যদি কোন পাপ হয়, তা’হলে dead bodyগুলো পুড়িয়ে ফেলাও পাপ !

সেন সাহেব। হাহাহাহা—very nice argument !

সৌমেন। Certainly, Is he not a dog in the manger ?

এই পৃথিবীর স্থখভোগ যে চায় না, সে কেন ন’লাখ পঁচাত্তর হাজার টাকা অধিকার করে ব’সে থাকে ? আমার উদ্দেশ্য যখন সং তখন আমি কেন ভয় করবো ? No risk, no gain !

সেন সাহেব। তা’তো বটেই—আচ্ছা—Potasiumটা কখন চাই বলুন তো ?

সৌমেন। এখুনি। ( ঘড়ি দেখিয়া ) এখন সাড়ে চার—পাঁচটার ভেতর তারা আসবে।

সেন সাহেব। দিন্ দশ টাকা....

সৌমেন। সকালে তো দশ টাকা দিয়েছিলাম ?

সেন সাহেব। দেখুন ঠাণ্ডা একটু মজ্ঞপান করেন, তাঁদের টাকা-পয়সার হিসেব থাকে, কোম্পানীর ঘরে।

সৌমেন। এত বেশী মদ খেয়ো না, মিঃ সেন।

সেন সাহেব । আচ্ছা, আমাকে কখনো মাতলামো করতে দেখেছেন ?  
বোতলের পর বোতল চালিয়ে দেখেছি—আমার পা টলে না, বা  
মুখে কোনো বেকাঁস কথা বেরোয় না । যত টানবো ততই *Sobre*  
*and sound—gentle and judicious !*

সৌমেন । এই নাও—শীগ্গীর এসো কিন্তু...

টাকা দিল

সেন সাহেব । *Yes, ten-minutes !*

প্রস্থান

সৌমেন কলিংবেল টিপিল—গোবর্দ্ধনের প্রবেশ

সৌমেন । অঞ্জলিকে ডেকে দে—

গোবর্দ্ধনের প্রস্থান

( ফোন ধরিল ) *South 19264, Hallo, কে, শ্রামলী ?* তুমি  
কি আমার সঙ্গে কথা বলবে ? আমি সৌমেন—না, না, কেটে দিও  
না, সনৎকে একবার ডেকে দাও...দেবে না !...কেন ? সে তোমার  
কে ?...*Nonsense !* দেখো শ্রামলী, *you are going too*  
*far—just beware of the fall !* ..ঝগড়া করতে চাই না ।  
সনৎকে নিয়ে আস্ছ কিনা বলো ?.. হ্যাঁ, হ্যাঁ, কিন্তুই প্রমাণ  
করবো !...সত্যি বলো তো শ্রামলী ! তুমি একদিন আমাকে  
ভাল বাসতে কি না ?...*Are you not faithless to me ?*...  
বেশ, এসো—*Good bye—*

ফোন রাখিল

এসো অঞ্জলি ! আজ তোমাকে আমার বড় ভাল লাগছে—*you are an angel, beautiful and devine !*

অঞ্জলি । অতো বেশী বলো না—আমার বুকের ভেতর কেঁপে ওঠে ! হাতখানা ধরে কোথায় নিয়ে যাচ্ছ—জানি না, স্বর্গে কি নরকে বুঝতে পারছি না ! তবু যাচ্ছি । তোমার সঙ্গে যাওয়ার আনন্দই আজ আমার কাছে বড় হ'য়ে উঠেছে । পা চলছে না, তবু আমি চলছি—

সৌমেন । *Don't be nervous my darling ! No risk—no gain !* শ্রামলীকে সরিয়ে দেওয়ার পরেই হবে—তোমার আর আমার পূর্ণ-মিলন !

অঞ্জলি । শ্রামলীই আমার পথের কাঁটা তা' জানি—কিন্তু—  
সৌমেন । কিন্তু কি ?

অঞ্জলি । না না, পারবো নিশ্চয়ই পারবো । তোমার আদেশ—  
তোমার পায়ের ধুলো....

প্রণাম করিল

সেন সাহেবের প্রবেশ

সেন সাহেব । এই নিন ! *kindly* আর দশটা টাকা !

সৌমেন । আবার ?

সেন সাহেব । পথে যাচ্ছিলাম—দেখি একটা লোক দু'দিন অনাহারে পড়ে আছে—হঠাৎ বুকের ভেতর টিপ্, টিপ্ করতে লাগলো, জীবাত্মা চঞ্চল হ'য়ে উঠলো—টাকা-দশটা তাকেই দিয়ে দিলাম ।



সৌমেন। Nonsense !

সেন সাহেব। শুনুন সৌমেনবাবু? আমার বাবা জীবন ভরে ডার্কির  
টিকিট কিনেছেন—কোনদিন কোন প্রাইজ পাননি। শুধু  
টিকিটের মূল্যটা ব্যাঙ্কে রাখলে—একটা প্রাইজের চেয়ে ঢের বেশী  
হতো! কিন্তু আপনার ন' লক্ষ পঁচাত্তর হাজার is as sure as  
this empty bottle !

সৌমেন। তুমি বড্ড বাড়াবাড়ী করছ মিঃ সেন!

সেন সাহেব। দেখুন—An empty bottle sounds much !

ছটাকীরাই বেশী বক্বক্ব করে—পূর্ণ করুন—শব্দ হবে না।

সৌমেন। আচ্ছা সেন সাহেব! আমার ফাইল থেকে....মালতীর  
agreementখানা কে নিয়েছে বলতে পার?

সেন সাহেব। হ্যাঁ, আপনার অঞ্জলি নিয়েছেন এবং মাবতীকে  
দিয়েছেন—তা' আমি জানি....

কুন্ডলাবে অঞ্জলির প্রবেশ

অঞ্জলি। আমি নিয়েছি?

সেন সাহেব। তা'ছাড়া আর কে নেবে? "অঞ্জলি—মালতী—খেক্তি  
মাধবী—শ্রামলীসুখা! পঞ্চকন্থা স্মরেন্নিত্যং সেবিকাসঙ্ঘ-বাসিন্যাঃ।"  
এখানে আর কে আছে? আর কে নিতে পারে?

সৌমেন। আচ্ছা, এই নাও টাকা—এসো এখন...

টাকা দিল

প্রথম অঙ্ক

পি-ডাব্লিউ-ডি

ষষ্ঠ দৃশ্য

সেন সাহেব। I wish you success my most revered boss !

Good night !

প্রস্থান

সোমেন। শোনো অঞ্জলি ! একটা খেত পাথরের কাপ এনে রেখেছি  
—দেখেছ ?

অঞ্জলি। ই্যা।

সোমেন। তার ভেতর এই গুঁড়োটা মিশিয়ে এনে, আমার হাতে  
দেবে। অল্প কোনো কাপে দিও না কিন্তু...

অঞ্জলি। আচ্ছা—

বিষ লইল

সোমেন। যাও এখন সব ready করে রাখো—এখুনি এসে পৌঁছবে  
তার।

অঞ্জলির প্রস্থান

মাধবীর প্রবেশ

মাধবী। দয়া ক'রে আমাকে পাঁচটা টাকা দিন...

সোমেন। কেন ?

মাধবী। আমার স্বামীকে দেবো...

সোমেন। এই যে পরশু পাঁচ-টাকা দিলে ?

মাধবী। তা' নাকি গুণ্ডারা কেড়ে নিয়ে গেছে।

সোমেন। মিছে কথা, তোমার স্বামী একটা জোচ্চোর !...বাঃ  
কৈদে ফেললে ?

মাধবী। পূর্বজন্মের কোন্ কৰ্মফলে—এ শাস্তি হয়েছে জানি না  
আবার এ জন্মে যদি...

সৌমেন। Nonsense! Hang your পূর্বজন্ম আর পরজন্ম।  
নিজের দুঃখের বোঝাটা নিজেই তৈরি করে নিচ্ছ, আবার নিজেই  
তার তলে মাথাটা রেখে হাপুস নয়নে কাঁদছ? আশ্চর্য্য! কিন্তু  
মাধবী! কোনো সভ্য দেশের মেয়েরা এ ভাবে কাঁদে না।

সনৎ ও গ্রামলীর প্রবেশ

এই যে সনৎ! এসো, এসো—আচ্ছা এ সম্বন্ধে তোমার মত কি?  
সনৎ। কোন সম্বন্ধে?

সৌমেন। বসো বলছি। অঞ্জলি! এঁরা এসেছেন, চা তৈরী কর....  
শোন সনৎ, এই মাধবী মেয়েটি একটি বাহাত্মুরে বুড়োর বৌ! এ  
জন্মে ইনি সেই বুড়োর পদসেবা ক'রে ধন্য হ'তে চান—কারণ  
পরজন্মে আবার তাঁরই দাসী হবার সৌভাগ্য লাভ করবেন।  
সতীধর্ম্মের জয়ধ্বজা উড়বে!

মাধবীর প্রস্থান

সনৎ। কারো ধর্ম্মবিশ্বাসকে ওভাবে পরিহাস ক'রো না সৌমেন!  
জগতে এখনো বহু রকম isms-এর লড়াই চলেছে—সত্যি যে কি  
তা ঠিক সাব্যস্ত হয়নি।

সৌমেন। তোমাদের জন্মান্তরবাদ যে একটা Colossal hoax সে  
বিষয়ে কোনো সন্দেহ সেই।

সনৎ ! তোমার কাছে । কারণ, তোমরা জড়বাদী—Marxist.

সৌমেন । তোমাকে একটা সোজা কথা জিজ্ঞাসা করতে চাই সনৎ—

মেয়েরা কি মানুষ নয় ?

সনৎ । ( হাসিয়া ) কে অস্বীকার করছে ?

সৌমেন । এই জন্মান্তরবাদের ধাপ্পা দিয়ে, মাধবীর মহুগুত্বকেই

অস্বীকার করছে—তোমার সমাজ ! কী নীচ স্বার্থবুদ্ধি !

সনৎ । মাধবীর জন্তে তোমার এত দরদ কেন সৌমেন ?

সৌমেন । মানুষের অধিকার মানুষকে দিতেই হবে ।

সনৎ । তা'হলে তোমার ওই মানবপ্রীতির মধ্যেও রয়েছে স্বার্থবুদ্ধি !

তুমি একটা পিজ্‌রেপোলের সেক্রেটারী না হ'য়ে, হয়েছে এই

সেবिकासজ্জের ! কেন ? এও কি তোমার স্বার্থবুদ্ধি নয় ?

শ্রামলী ভিতরে বাইতেছিল

সৌমেন । কোথায় যাচ্ছ শ্রামলী ?

শ্রামলী । অঞ্জলিকে একটা কথা বলে আসি....

সৌমেন । ( একটু চিন্তা করিয়া ) আচ্ছা, যাও । শোনো সনৎ ! সে

স্বার্থবুদ্ধি আমার আছে । আমি চাই—এই ভারতে এমন একটা

জাতীয়তার উদ্বোধন—যার ফলে, ভারতবাসীদেরও আসন নির্দিষ্ট

হবে বিশ্বের দরবারে । আমাদের লজ্জা, আমাদের সঙ্কোচ,

আমাদের ভয়—পদে পদে আমাদের বিধি ও নিষেধের নিগড় !

কেন ? কেন আজ আমরা অপাংক্তেয় হয়ে রয়েছি, মানুষ

নামেরও অযোগ্য হয়ে পড়েছি ? জাতীয়-শক্তির উৎস-মুখ নারীকে

রেখেছি—অবরুদ্ধ করে। পুরুষের ভোগবিলাসের উপকরণ করে।  
নারী যেখানে পুরুষের দাসী—দাসত্বের শৃঙ্খল সেখানে স্থায়ী  
বন্ধনের কারণ হয়ে থাকে।

সনৎ। সত্যি সৌমেন, তোর এই দেশ-প্রেমকে আমি চিরদিনই  
শ্রদ্ধা করি। তাই তোর সব কাজেই আমার সহানুভূতি আছে।  
কিন্তু ভাই আমার একটা অহুরোধ রাখিস—ভগবানকে কখনো  
অস্বীকার করিস না। তাঁর অনুগ্রহ ছাড়া কোনো সাধনাতেই  
সিদ্ধি হ'তে পারে না।

সৌমেন। Hang your ভগবান্! ভগবান এলেই, তার সঙ্গে আসে—  
ধর্মের ভণ্ডামি আর সংস্কারের হীনতা। মার্কস বা লেলিন্  
তোমাদের মত গেকরয়া পরতেন না।

শ্রামলীর প্রবেশ

শ্রামলী। বাইরের পোষাক দিয়ে মানুষকে বিচার করা যায় না  
সৌমেনবাবু! সে কথাটা খুব সত্যি...

সৌমেন। নিশ্চয়ই। বিচারকের একটু বুদ্ধি থাকা চাই বৈকি!

সনৎ। থাক্, থাক্, তোমাদের তর্কটা বড় ব্যক্তিগত হয়ে উঠছে। ঐ  
যে—চা এসেছে....

অঞ্জলি তিন কাপ চা লইয়া আসিল

আমি তো তোমাদের ও চিনেমাটির কাপে চা খাব না সৌমেন!

ও বিষয়ে আমার একটু গৌড়ামি আছে।

সৌমেন। তা' আমি জানি। তাইতো তোমার জন্তে এনেছি এই  
খেতপাথরের....

খেতপাথরের কাপটা তাহার হাতে দিতে গেল—অঞ্জলি হাত চাপিয়া ধরিল

আঃ! হাত ছেড়ে দাও অঞ্জলি...

অঞ্জলি। না, না, ও কাপটা স্বামীজীর নয়, শ্রামলীর।

সনৎ। না, ওটা আমাকেই দিন—শ্রামলী তো সৌমেনের মতই  
সংস্কার-মুক্ত! যে-কোনো কাপেই চলবে ওর—কি বলো শ্রামলী?

অঞ্জলি অস্থির হইল। তাহা দেখিয়া শ্রামলী সনতের নিকট হইতে

কাপটা আনিয়া নিজের কাছে রাখিল

সনৎ। ওকি শ্রামলী?

শ্রামলী। এ কাপের চা আপনি খেতে পাবেন না স্বামীজি!

সনৎ। কেন?

সৌমেন। তুমি কি কিছু সন্দেহ করছ? না, না, কিছু নেই ও কাপে—

সনৎকে দাও...

শ্রামলী। তাহ'লে আপনিই খেয়ে প্রমাণ করুন যে, কিছু নেই।  
করবেন?

সৌমেন। হা হা হা হা! সত্যি সনৎ—শ্রামলী তোকে অত্যন্ত ভালো  
বেসে ফেলেছে দেখছি—তোমাদের এ ভালবাসা অক্ষয় হোক—  
দাও শ্রামলী, কাপটা আমাকেই দাও।

সনৎ। ও কাপে কি আছে শ্রামলী?

শ্রামলী। বিষ আছে....

সনৎ ও সৌমেন। বিষ !

শ্রামলী। হ্যাঁ বিষ, নতুবা অঞ্জলির চোখে-মুখে এত যন্ত্রণার রেখা  
ফুটে উঠতো না....

সৌমেন। সত্যিই যদি এ কাপে বিষ থাকে তাহলে তা' তুমিই দিয়েছ  
শ্রামলী, আমাকে খুন করতে। এই বিষ দেবার জন্মেই বুঝি  
ভিতরে গিয়েছিলে ?

অঞ্জলি। এ চা আমি ফেলে দিয়ে আসি...

অঞ্জলি চা লইয়া চলিয়া গেল

সৌমেন। না, তার আগে আমি জানতে চাই—কে দিয়েছে ওই বিষ ?  
আমি ত ভিতরে যাইনি ? শ্রামলী গিয়েছিল। বলো অঞ্জলি—  
কে দিয়েছ ?—শ্রামলী ? বলো বলো....

অঞ্জলি। হ্যাঁ—আমি এ চা ফেলে দিয়ে আসি—

সনৎ। ছি ছি শ্রামলী, সৌমেনকে তুমি বিষ খাইয়ে মারতে চাও ?

শ্রামলী। না, না, আমি কিছুই জানি না।

সৌমেন। নিশ্চয়ই জানো—আমি যে তোমার স্বথের পথের কণ্টক !  
তুমি যে কে—তাতো আমি ছাড়া আর কেউ জানে না ! তাই  
আমাকে সরিয়ে দিয়ে সনৎকে নিয়ে স্বথের বাসর সাজাতে চাও ?  
শ্রামলী। সৌমেনবাবু ! অঞ্জলিকে ডাকুন আমি তার কাছেই  
গুনবো ও বিষ কে দিয়েছে....

গোবর্দ্ধন—( অন্তরালে ) বাবু, বাবু, শীগ্গীর আসুন !

সৌমেন ভিতরে গেল

সনৎ । শ্রামলী তুমি এত নীচ ?

শ্রামলী । না না স্বামীজী ! আপনি বিশ্বাস করুন আমি বিষ দিইনি...

সোমেনের প্রবেশ

সোমেন । Anjali is no more—

শ্রামলী । অ্যা, মরে গেছে ?

সোমেন । It is a deadly poison !

সনৎ । এ বীভৎস হত্যাকাণ্ডের মধ্যে আমি আর থাকবো না সোমেন !

শ্রামলী যে এত হীন, এত নীচ, তা' আমি এতদিন বুঝতে পারি নি—

সোমেন । আজ বুঝেছ ?

সনৎ । হ্যাঁ বুঝেছি—আমি এখন আসি...

প্রস্থান

শ্রামলী । স্বামীজী ! স্বামীজী !

সোমেন । ( হাত টানিয়া ধরিল ) কোথা যাও ?

শ্রামলী । স্বামীজী যে চলে গেলেন ...

সোমেন । যাবেই তো ...

শ্রামলী । অঞ্জলি কি সত্যিই আর বাঁচবে না ?

সোমেন । বলছি দাঁড়াও...

দরজাটা বন্ধ করিয়া আসিল

শ্রামলী । বলুন সোমেনবাবু ! অঞ্জলি কি সত্যিই মরে গেছে ?

সোমেন । Yes my darling ! It is Potasium Cyanide.



শ্রামলী। তা'হলে এ কাজ আপনার ?

সোমেন। Certainly.

শ্রামলী। কী ভয়ানক লোক আপনি ?

সোমেন। তা কি আজ বুঝলে ? দেখো আমার Calculation কতো ঠিক। আমি ঠিকই বুঝেছিলাম—সনৎ বা অঞ্জলি একজন আজ মরবে, আর একজন পালাবে। অঞ্জলি মরেছে—সনৎ পালিয়েছে। তোমার আর আমার মাঝখানে আজ আর কেউ নেই....

শ্রামলী। সামান্য ন'লাথ টাকা জন্মে....

সোমেন। ন'লাথ টাকা সামান্য ? হা হা হা ন'লাথ টাকা হাতে পেলে এই বাংলা দেশে নারীজাগরণের ব্যবস্থা সম্পূর্ণ করবো আমি মাত্র ন'মাসে।

শ্রামলী। এই পৈশাচিক নারীহত্যার নাম নারী-জাগরণ ?

সোমেন। ধর্মের নামে, নীতি ও শৃঙ্খলার নামে—নারীসমাজের উপর যে নির্যাতন চলছে—তার প্রতীকারের জন্মে—যদি প্রয়োজন হয়—আরো দু'একটা করবো....

শ্রামলী। এখুনি আমি পুলিশে খবর দেব—

সোমেন। Here it is—“আমি স্বেচ্ছায় আত্মহত্যা করিয়াছি। আমার মৃত্যুর জন্মে কেহই দায়ী নহেন।” অঞ্জলি লিখেছে। আর সত্যিই যদি কাউকে দায়ী হতে হয়—তাহলে তো তুমিই হবে শ্রামলী ? অঞ্জলি dying declaration দিয়ে গেছে—সাক্ষী গোবর্দ্ধন।

শ্রামলী। অঞ্জলিকে হত্যা ক'রে—আমাকে বিপন্ন ক'রে, আপনি বুঝি মনে ভেবেছেন—টাকাগুলো হবে আপনার ?

সোমেন কলিং বেল টিপিল—দরজা খুলিল—গোবর্দ্ধনের প্রবেশ

সাইন বোর্ডটা নি' আয়।

শ্রামলী। কি সাইন-বোর্ড?

সোমেন। কাল থেকে যা টাঙান হবে—সুদর দরজায়।

গোবর্দ্ধন একটা সাইন বোর্ড লইয়া আদিল—তাহাতে লেখা ছিল

### “শ্রামলী সেবিকাসঙ্গ্রহ”

শ্রামলী! এর অর্থ কি?

সোমেন। শোন শ্রামলী! আমি তোমাকে ভালবাসি। অত্যন্ত—  
ভালবাসি। তোমার শিক্ষা, তোমার বুদ্ধি, তোমার সাহস,  
আমাকে মুগ্ধ করেছে। এ কথা আজ আর আমি অস্বীকার করবো  
না—You are a type—a very rare type of modern  
Bengal! কিন্তু—আমি বিন্মিত হ'য়ে যাই—যখনি ভাবি, সনতের  
মত একটা অপদার্থকে তুমি ভালোবাসো। সে কি তোমার  
মূল্য বোঝে?

শ্রামলী। সোমেনবাবু! আমি—আমি—

সোমেন (বাধা দিয়া) শোন—শ্রামলী! সত্যিই আমি তোমাকে  
ভালবাসি। তুমি যেদিন—তোমার দাদার সহস্র বাধা অগ্রাহ্য  
ক'রে—আমার সঙ্গে চলে এসেছিলে, সেদিন তোমার Courage  
of Conviction and firmness of resolution দেখে আমি  
বিন্মিত হয়েছিলাম। সত্যিই তুমি অত্যন্ত uncommon! তোমাকে

partner of life করতে পারলে—আমি স্ত্রী হবো—মনও হবে না।

শ্রামলী। কিন্তু আপনার প্রতি আমার শেষ প্রকটুকু যা'ছিল—তাও আপনি আজ নিঃশেষে নিঙড়ে ফেলেছেন—সোমেনবাবু! শুধু ঘণা ছাড়া আর কিছুই নেই আপনার জন্তে।

সোমেন। শ্রামলী!

হাত ধরিল—শ্রামলী হাত ছাড়াইয়া সরিয়া দাঁড়াইল

মনে পড়ে শ্রামলী! এই সেবিকাসজ্জের আপীসে বসে—একদিন দুইজনেই প্রতিজ্ঞা করেছিলাম—“জীবনে কখনো বিবাহ করবো না, বা ভালবাসার দুর্বলতাকে স্বীকার করবো না।” আজ যদি তুমি সে প্রতিজ্ঞা ভঙ্গ করো—তা'হলে—আমিই তোমাকে চাই—  
শ্রামলী!

শ্রামলী পিছাইয়া দাঁড়াইল

শ্রামলী। Dont be unreasonable সোমেনবাবু! ওই স্বামীজীই আমার স্বামী। আমি তাঁর সন্তানের মা!

সোমেন। সন্তানের মা?

শ্রামলী। আজ্ঞে ইয়া। আপনি আমাকে ক্ষমা করুন।

সোমেন। হা হা হা হা—স্বামীজী—নাথু, সন্ন্যাসী, মহাপুরুষ! আর আমি একটা murderer—তুমি তাকে ভালবাসো, আর আমাকে করো ঘণা? হা হা হা হা—

সেন সাহেবের প্রবেশ

তুনেছ মিঃ সেন ! এই জামলী নাকি সন্তানের মা ! সনৎ চরিত্রবান  
—আর আমি লম্পট ! হা হা হা হা—

সেন সাহেব । Kindly আর দশটা টাকা ?

সৌমেন । Nonsense ! get out....

সেন সাহেব । Get....out....হা হা হা হা...Kindly take a glass  
wine ! and get me in !

## দ্বিতীয় অঙ্ক

### প্রথম দৃশ্য

স্থান—শ্রামলীর কক্ষ

কাল—সন্ধ্যা

দৃশ্য—শ্রামলী একাকী বসিয়া গাহিতেছিল।

গান

এ পথে গেছ তুমি, রাখি যে পদধূলি—  
যতনে চুমি তারে, এ শিরে লব তুলি।

সরমে যে কথাটি কহিতে গেছে বেধে—  
আজি এ নিরঞ্জে গাহিব কেঁদে কেঁদে !

আঁধারে জাগি রাত্তি, নিবারে রাখি বাতি  
তোমারে ভাবি মনে, আমারে যাবো তুলি।

শায়রে ছায়াপথে, চলিব মনোরথে—  
হাসিবে দেখি মোরে নীরবে তারাজলি।

তবুও তব তরে আমার এ দুটি আঁখি  
ঝরিবে ঝর ঝর, ডাকিবে বন পাখী !

বিরহ ব্যাধা মন—বাজিবে শেল সম—  
চাঁদনী মেঘসনে করিবে কোলাকুলি।

শ্রামলীর দাদা স্বধাংগুর প্রবেশ

শ্রামলী । এসো দাদা, চাকরী-বাকরীর কোনো সন্ধান পেলে ?

স্বধাংগু । নাঃ ।

শ্রামলী । তা'হলে কি করবে ?

স্বধাংগু । তুই যদি খেতে না দিস্ উপবাস করবো....

শ্রামলী । না, না, তা' বলছি না !

স্বধাংগু । তবে আর কি বলছিস্ ? যার বোনের ব্যাঙ্কে রয়েছে ন'লাখ

টাকা—সে কেন পড়ে থাকবে সেই বাপ্পা-মুলুকে ?

শ্রামলী । আমার কথাটা তুমি ঠিক বুঝতে পারছ না !

স্বধাংগু । খুব বুঝতে পারছি ? কিন্তু শ্রামলী ! আমি তো এখনো

বে'থা করিনি ? একা আমাকে ছুটো খেতে পরতে দিলে কি তো'র

টাকাগুলো সব ফুরিয়ে যাবে ?

শ্রামলী । সে টাকা তো আমার নয় দাদা ?

বিরূপাক্ষের প্রবেশ

স্বধাংগু । তবে কার ?

শ্রামলী । স্বামীজীর ।

স্বধাংগু । দলিলটা আমি দেখেছি—It is an unconditional gift.

শ্রামলী । ই্যা, তা সত্যি, কিন্তু....

স্বধাংগু । কিন্তু আবার কি ?

শ্রামলী । রায়বাহাদুরকে আমি কথা দিয়েছিলাম, সবই তার ছেলেকে

ফিরিয়ে দেব ।

বিরূপাক্ষ । তুমি ভুল করছ দিদিমণি, সনৎ আর আসবে না এখানে ।  
 গ্রামলী । তা' কি করে জানলে? তুমি কি একবার দেখা করেছ  
 তার সঙ্গে ?

বিরূপাক্ষ । একবার নয়—পাঁচবার । হাতে ধরেছি, পায়ে ধরেছি,  
 কিছুতেই সে আর আসবে না । কাল তোমার দাদাকেও সঙ্গে  
 নিয়ে গিয়েছিলাম একবার ।

গ্রামলী । তাই নাকি ? কি বললেন তিনি ?

বিরূপাক্ষ । শোনো তোমার দাদার কাছে....

গ্রামলী স্খাংগুর দিকে চাহিল

স্খাংগু । বললেন—তুমি অতি হীন, অতি নীচ, একটা খুনে মেয়ে ।  
 তোমার ছায়া মাড়ালেও পাপ হয় । তবে হ্যাঁ, তিনি আর একটা  
 কথাও বলেছেন !

গ্রামলী । কি ?

স্খাংগু । দাবীদাওয়া সব ত্যাগ করে, তুমি যদি এ বাড়ী ছেড়ে চলে  
 যাও—তা'হলে বোধ হয় আসতেও পারেন এখানে । হয়তো একটা  
 বিয়ে করে—সংসারী হতেও আপত্তি নেই তাঁর ।

গ্রামলী ! তাই নাকি ? তাহলে তুমি যাও বিরূপাক্ষদা, আজই তাকে  
 এখানে নিয়ে এসো ।

স্খাংগু । তুই কোথায় যাবি ?

গ্রামলী । তোমার সঙ্গে আবার সেই বার্মায় ফিরে যাবো ।

স্খাংগু । তা'তো বটেই । তা'হলে কেন সেই সৌমেনের সঙ্গে চলে

এসেছিলি—তোর জন্তে আমি, আমার বন্ধুবান্ধবদের কাছে মুখ  
দেখাতে পারি না !

শ্রামলী । কেন ? আমি কি করেছি ? নিজের পায়ে দাঁড়িয়ে, নিজের  
আত্মসম্মানের দাবী নিয়ে—যতদিন পারি বেঁচে থাকবো ! তারপর  
মৃত্যু দিয়েও কি সে কলঙ্কের কালি মুছতে পারবো না ?

কাদিল

সুধাংশু । কাদিস্নে । আমার একটা অনুরোধ রাখ্ । এই বাড়ী  
আর—ন'লক্ষ টাকার দাবীটা আজ আর তুই ত্যাগ করিস্ না !  
পথে গিয়ে বসিস্ না । ফুটপাথে যারা দাঁড়িয়ে থাকে—তারাই  
তো সহ করে মানুষের নির্দয় সমালোচনা আর বিক্রপের হাসি ।  
মোটর হাঁকিয়ে চলাফেরা করতে পারলে আর কেউ কিছু  
বলবে না ।

শ্রামলী । চুপ করো দাদা, প্রয়োজন হ'লে ফুটপাথে দাঁড়িয়েই আমি  
সব সহ করবো—তবু পরের মোটরে চড়বো না । তুমি যাও  
বিরূপাক্ষদা ! স্বামীজীকে নিয়ে এসো । আজই আমি তাঁর  
যথাসর্বস্ব তাঁকে ফিরিয়ে দেব ।

বিরূপাক্ষ । তুমি কি বলছ দিদিমণি ? সে এসেই তো তার টাকা  
পয়সা সব পাঁচজনকে বিলিয়ে দেবে—আর এই বাড়ীটা লিখে  
দেবে সৌমেনকে ।

শ্রামলী । তাঁর জিনিষ তিনি যাকে ইচ্ছে দিতে পারেন । আমি কেন  
বাধা দেব—কি প্রয়োজন আমার ?

বিরূপাক্ষ । কিন্তু আমার বাবুর উদ্দেশ্য তো তা' ছিল না দিদিমণি,



দানপত্ৰ তিনি সনতের নামে করেননি। আমাকে খুব স্পষ্টভাবেই বলে গেছেন—সনৎ যদি বিয়ে না করে না ক'রবে—তবু তুমিই থাকবে এ বাড়ীতে। তাইতো আজ কদিন ধরে আমি পাত্ৰ দেখছি।

শ্রামলী। (হাসিয়া) তাই নাকি—পাত্ৰ দেখছ?

বিরূপাক্ষ। দেখবো না? বাঃ ওই—সনতের চেয়েও ভাল পাত্ৰ দেখবো। আমার বাবু কি বলে গেছেন জান?

শ্রামলী। কি?

বিরূপাক্ষ। তোমার কোলেই আবার ফিরে আসবেন তিনি—তোমাকেই মা বলে ডাকবেন। তুমিই যে ছিলে তার জন্মজন্মান্তরের মা!

শ্রামলী অস্থিরতা প্রকাশ করিল

ওকি তুমি অমন করছ কেন?

শ্রামলী। না, না, কিছু-না বিরূপাক্ষদা—তঁার সে আকাজ্জক যদি পূর্ণ করতে হয়—তা'হলে যে ভাবে হোক স্বামীজীকে ফিরিয়ে আনো—নইলে মৃত্যু ছাড়া আমার আর কোনো উপায় নেই....

প্রস্থান

বিরূপাক্ষ। শুন্লেন সুধাংশুবাবু—আপনার বোনের কথা? এই অবস্থা বুকেই আমি আপনাকে 'তার' করেছিলাম, এখন আপনি যা হয় ব্যবস্থা করুন। যত শীগ্গীর পারেন বিয়ে দিয়ে ফেলুন...

সুধাংশু। ছোটবেলা থেকেই ও ভায়ানক একরোকা—যা বলবে তা করবেই। চোখ বুজে কারো গলায় মালা পরিয়ে দেবার মত মেয়ে তো ও নয়?

বিক্রপাক্ষ । আমার মতলব শুনুন—ওকে নিয়ে রোজ লেকে বেড়াতে যান—থিয়েটার বায়স্কোপ দেখান—মাঝে মাঝে টিপার্টি ক’রে আপনার বন্ধু-বান্ধবের ডেকে আনুন—বয়সের মেয়ে তো ? ক’দিন সামলে চলবে ?

সুধাংশু । আজই তো আমার কয়েকজন বন্ধুবান্ধব আসবে এখানে আমার সঙ্গে দেখাসাক্ষাৎ করতে....

বিক্রপাক্ষ । বেশ তো আসুক না । আমি চক্কিশ ঘণ্টাই চা-সিগারেটের ব্যবস্থা রাখবো । আমার ভয় হয় সুধাংশুবাবু ! সেই পাজি সৌমেনের সঙ্গেই হয় তো কবে ওর বিয়ে হয়ে যাবে...

সুধাংশু । না তা’ হবে না ।

বিক্রপাক্ষ । বলা যায় না । আমি শুনিছি—সে নাকি ‘বন্দী করণ মন্ত্র জানে—মার্কিন মূলুক থেকে শিখে এসেছে ।

সুধাংশু । শ্রামলী সনৎকেই ভালবাসে ।

বিক্রপাক্ষ । রেখে দিন আপনাদের ওদব ভালবাসা, মন্দবাসার কথা । আপনার মত বয়স যখন আমার ছিল—তখন আমি মেয়েমানুষ দেখলেই ভালবেসে ফেলতাম—বিয়ে করবার জন্তে পাগল হয়ে উঠতাম । সেই ঘেণ্নায় জীবনে আর বিয়েই করলাম না ।

সৌমেনের প্রবেশ

তুমি আবার এখানে কেন এসেছ সৌমেনবাবু ?

সৌমেন । দরকার আছে । তোমার দিদিমণি কেথায় ?

বিক্রপাক্ষ । না, না, আমার দিদিমণির কাছে তোমার কোন দরকার নেই—তুমি—তুমি এখন যাও এখান থেকে ।

সুধাংশু । সোমেন !

সোমেন । কে ? সুধাংশু ? বার্মা থেকে কবে এলি ? ভাল  
আছিস্ ?

সুধাংশু । Scoundrel ! আমাকে মুখ দেখাতে লজ্জা করে না তোঁর ?

সোমেন । কেন মিছেমিছি আমার উপর চট্‌ছিচ্ছ ভাই ? তোঁর সঙ্গে  
ঝগড়া হয়েছিল—তোঁর বনের । তাই সে চলে এসেছিল আমার  
সঙ্গে । আমার অপরাধ কি ?

সুধাংশু । Rascal—বেরিয়ে যা এখান থেকে....

সোমেন । মাথা গরম করিসনে সুধাংশু, ভেবে দেখ—শ্রামণীর তোঁ  
কোন ক্ষতি করিনি আমি ? আমার সঙ্গে এসেছিল বলেই—আজ  
সে ন’লাখ টাকার মালিক ! বাঙালী ছেলে-মেয়েদের জীবনে  
কোনো adventure নেই—romance নেই ! আছে শুধু একটা  
বিয়ে হাওয়া আর একপাল ছেলেপিলের মা-বাপ হওয়া । তারপর  
অনাহার ও মৃত্যু ! বাস finish ! কেউ যদি সেই—গতানুগতিকের  
বাইরে এসে দাঁড়ায়—নিজের জীবনটাকে বৈচিত্র্যময় করে তোলে  
—ক্ষতি কি ?

বিরূপাক্ষ । দোহাই সোমেনবাবু তোমাদের ও সাহেবী ঢং নিয়ে এ  
বাড়ীতে আর—এসো না । আমাদের দিদিমণির কপালে আর  
আগুন জ্বল না

সোমেন । তা’তো বটেই । কিন্তু—বিরূপাক্ষ ! তোমার ও দিদি-  
মণিটিকে কোথায় পেয়েছ ? কে এনে দিয়েছে—এখানে ?

সুধাংশু । সোমেন ! তুমি এখনি বেরিয়ে যাও বলছি !

সৌমেন । শ্রামলীর কাছে আমার দরকার আছে।

সুধাংশু । Brute ! আমি তোকে গলাধাক্কা দিয়ে বের করবো—

আক্রমণ করিতে উদ্ভূত হইল

সৌমেন । ( পকেট হইতে একটা রিভলভার বাহির করিয়া ) সাবধান

সুধাংশু—Don't proceed further....

শ্রামলীর প্রবেশ

এই যে শ্রামলী ! শীগগীর দু'হাজার টাকা দাও তো ?

শ্রামলী নির্বাকভাবে একখানা চেক লিখিয়া সৌমেনের হাতে দিল

Good night—সুধাংশু....

প্রস্থান

সুধাংশু । কি আশ্চর্য্য ! ওই ভাবে রিভলভারের ভয় দেখিয়ে টাকা নিয়ে গেল ?

শ্রামলী । আমি তো ভয় পেয়ে—টাকা দিই নি ? ওটা যে Toy revolver তা' আমি জানি ।

সুধাংশু । Toy-revolver ?

শ্রামলী । হ্যাঁ । সত্যি রিভলভার—একটা আমার কাছেই আছে—  
এই দেখো ....

দেখাইল

সুধাংশু । তবে তুই কেন টাকা দিলি ?

শ্রামলী । স্বামীজীর বন্ধু যে....

বিরূপাক্ষ । না, না দিদিমণি ! তুমি ওই বদমাইস্টাকে আর প্রশ্রয় দিও না ।

শ্রামলী । তাহলে সেই সাধুমহাপুরুষের আশ্রয়টুকু যাতে পাই—তার ব্যবস্থা করো...

প্রস্থান

বিরূপাক্ষ । শুনলেন ? দেখুন যে কি ভয়ানক বিপদ ! দোহাই স্খাংগুবাবু ! যে উপায়ে হোক, আপনার বোনকে একটা বিয়ে দিন—নইলে আমার বাবু স্বর্গে বসে কাঁদবেন আপনার বোনই যে তাঁর জন্ম-জন্মান্তরের মা !

স্খাংগুর তিন বন্ধু বিহারী, বিপিন ও বিলাসের প্রবেশ

বিহারী । Hallo স্খাংগু ! তুই তো বার্মা থেকে বেশ bloody হয়ে এসেছিস্ ?

স্খাংগু । ব'স্—ব'স্....

বিরূপাক্ষ । হ্যাঁ, হ্যাঁ, বসুন আপনারা । আমি চায়ের ব্যবস্থা ক'রছি—সিগারেট আন্ছি—

প্রস্থান

বিপিন । সত্যি বিহারী, এই শ্রামলী দেবী যে আমাদের স্খাংগুর বোন—তা, আমি জানতাম না ।

বিলাস । What a magnetic personality ! রায়বাহাদুর তাকে যথাসর্বস্ব দান করেছেন । Really she deserves the gift.

বিহারী । শ্রামলীকে তুই চিনিন্ নাকি ?

বিলাস। Certainly. She is most upto-date and cultured !

রোজ বিকেলে রায়বাহাদুরের সঙ্গে—হাওয়া খেতে বেরুতেন—

আর আমরা দূরে দাঁড়িয়ে অপলক দৃষ্টিতে চেয়ে....

গ্রামলীর প্রবেশ

গ্রামলী। দাদা, তুমি তোমার বন্ধুদের নিয়ে পাশের ঘরে যাও।

সেখানে চা দেওয়া হয়েছে—এখানে আমার একটু কাজ আছে।

স্বধাংগু। ওরা যে এসেছে, তোর সঙ্গেই আলাপ পরিচয় করতে—

গ্রামলী। আমাকে ওঁরা সবাই—চেনেন।

বিহারী। হ্যাঁ, হ্যাঁ, তা' চিনি বৈকি...

গ্রামলী। উপস্থিত আমার জরুরী কাজটা সেরে নিই—তারপর আসবেন।

বিলাস। স্বত্ত্ববাদ। চল স্বধাংগু আমরা পাশের ঘরে যাই—চায়ের তেষ্ঠায় আমার গলাটা শুকিয়ে উঠেছে।

সকলের প্রস্থান

গ্রামলী। ( ফোন ধরিল ) P. K. 23690 yes, Hallo ! কে ?

সেন সাহেব ? কই—আপনি তো আর এলেন না ? আসছেন ?

কখন ? এখনি ?—all right, thank you very much ....

ফোন রাখিল

বিরূপাক্ষের প্রবেশ

বিরূপাক্ষ। দিদিমণি, ও ঘরে একবারটি যাও—ওঁরা রয়েছেন...

মাথা চুলকাইয়া

শ্রামলী। ( বিরক্তভাবে ) দেখো—বিরূপাক্ষদা ! আমি তো ওদের তিন জনকেই একসঙ্গে বিয়ে করবো না ? interview এর নিয়ম হচ্ছে—one at a time—এক-এক-জন করে ।

বিরূপাক্ষ। ( লজ্জিতভাবে ) না, না, আমি ঠিক তা বলছি না....

শ্রামলী। হ্যাঁ, হ্যাঁ, তুমি ঠিক তাই বলছো । যাও এখন—যাকে হয়, একজনকে পাঠিয়ে দাও । দেরি করো না, আমার অগ্ন্য কাজ আছে ।

কমালে মুখ মুহিতে মুহিতে বিহারীর প্রবেশ ও তৎপূর্বে—বিরূপাক্ষের প্রস্থান

আম্বন বিহারীবাবু বস্ফন—দেখুন—আপনার সঙ্গে আমার বিয়েটা হতে পারে, বাধা নেই—তবে একটা কথা আছে ।

বিহারী। ( বিস্মিতভাবে ) তুমি কি বলছ শ্রামলী ?

শ্রামলী। আপনি যে জগ্ন্য এসেছেন সোজামুজি তাই বলছি । হঠাৎ কতকগুলো টাকার মালিক হ'য়ে পড়েছি বলেই, আপনারা আমার প্রতি অত্যন্ত কৃপাবিষ্ট হয়ে উঠেছেন । তাই নয় কি বিহারীবাবু ?

বিহারী। না, না, তা ঠিক নয়—তা' ঠিক নয়....

শ্রামলী। কেন মিছে কথা বলছেন ? আমি যতদিন সেবিকাসঙ্ঘে ছিলাম, কই, আপনারা কেউই তো জান্নি—সেখানে—আমার সঙ্গে একটু আলাপ-পরিচয় করতে ? পথে ঘাটে দেখে একটু হাসি-ঠাট্টা করেছেন মাত্তর । তাই নয় কি ?

বিহারী। না, না, না, আমাকে তুমি সেরূপ লোক মনে ক'রো না ।

শ্রামলী। যাক্ সে কথা, উপস্থিত—আমার বিয়েটা যে খুব জীর্ণগীর

হওয়া দরকার তা আমি বেশ বুঝতে পারছি—নতুবা আমার চা-  
সিগারেটের খরচ—অত্যন্ত বেড়ে যাবে।

বিহারী। সত্যি শ্রামলী, ছোটবেলা থেকেই আমি তোমাকে অত্যন্ত  
ভালবাসি।

শ্রমবী। মাপ্ কররেন বিহারীবাবু! I am awfully tired of that  
sacred instinct—called love! কাজের কথা বলি শুনুন—  
I am a beggar girl! এই বাড়ী বা টাকা—কিছুই আমার  
নয়।

বিহারী। কিন্তু রায়বাহাদুরের giftটা তো শুনছি—unconditional?  
শ্রামলী। ই্যা, কিন্তু মৃত্যুকালে আমি প্রতিশ্রুতি দিয়েছিলাম—সবই  
তার ছেলেকে ফিরিয়ে দেব।

বিহারী। That is verbal—কোন document নেই তো তার?

শ্রামলী। (হসিয়া) আচ্ছা বিহারীবাবু! আপনি তো এই মাওর-  
বল্লেন—“ছোটবেলা থেকেই আমাকে অত্যন্ত ভালবাসেন!” কি  
document আছে তার?

বিহারী। Love জিনিষটা ঠিক—money-transaction নয় শ্রামলী?

শ্রামলী। Yes, something more than that! Life-  
transaction. আপনাকে ধন্যবাদ। আস্থন আপনি...

বিহারী। শ্রামলী!

শ্রামলী। Don't be unreasonable বিহারীবাবু! এখনো আমার  
দুটো—interview বাকি—আস্থন—নমস্কার!

বিহারীর প্রস্থান



সেন সাহেবের প্রবেশ

আমুন মিঃ সেন, চা খাবেন ?

সেন সাহেব । না, আমি চা খাই না । যা খাই, তা আমার সঙ্গেই  
আছে । bloody swine, takes wine !

অশ্রুদিক হইতে বিলাসের প্রবেশ

শ্রামলী । Sorry বিলাসবাবু ! I am already engaged—come  
to morrow—নমস্কার !

বিলাসের প্রস্থান

তারপর সেন সাহেব ! আপনার কত টাকা চাই বলুন তো ?

মদ দিল

সেন সাহেব । দশ টাকা !

শ্রামলী । মাত্র দশ টাকা ? আমি আপনাকে হাজার টাকা দেব ।

সেন সাহেব । তুমি লাখটাকাও দিতে পার, তা' আমি জানি । কিন্তু  
আমি তো অতো টাকা একসঙ্গে manage করতে পারি না ?  
আমার সাধারণ খরচ—ten rupees a day. তবে যদি বিশেষ  
প্রয়োজন হয়, পৃথক কথা !

সুধাংশুর প্রবেশ

শ্রামলী । কি চাও দাদা ?

সুধাংশু । কিছু না ।

শ্রামলী। তাহলে দাঁড়িয়ে থেকে না, পাশের ঘরে যাও....

সুধাংশু। উনি কে?

শ্রামলী। সৌমেনেবাবুর বন্ধু—মিঃ সেন।

সুধাংশু। উনি মদ খাচ্ছেন?

শ্রামলী। হ্যাঁ, উনি মদ খেয়ে থাকেন...

সুধাংশু। তাতো বুঝলাম, কিন্তু...

শ্রামলী। কিন্তু আবার কি? তোমার বন্ধুরা চাও খান মদও খান।

সুধাংশু। উনি শুধু মদ ছাড়া আর কিছুই খান না। এখন, যাও এখন থেকে।

সুধাংশু প্রস্থান

সেন সাহেব। তোমার দাদা?

শ্রামলী। হ্যাঁ।

সেন সাহেব। তারপর, হঠাৎ এ ভূতনাথকে স্মরণ করেছে কেন।

শ্রামলী। Potassium cyanide এর প্রমাণটা আপনাকে দিতেই হবে

সেন সাহেব। কোথায়? আদালতে!

শ্রামলী। না, স্বামীজীর কাছে।

সেন সাহেব। সে পরম সাধু কি আমার কথা বিশ্বাস করবেন? তা'

করবেন না। তার চেয়ে আমার পরামর্শ শোনো...

শ্রামলী। কি—বলুন?

সেন সাহেব। রাখো, আর একটু খেয়েনি (মস্তপান) হ্যাঁ স্বামীজীর

সঙ্গে most privately—এমন একটা arrangement করো, যাতে

তিনি আড়ালে লুকিয়ে থেকে আমাদের discussion শুনতে পান।

শ্রামলী । আমাদের মানে ?

সেন সাহেব । এই ধরো—এখানে বসেই যদি—আমি, তুমি আর সোমেনবাবু অঞ্জলির মৃত্যু সম্বন্ধে আলোচনা শুরু করি—স্বামীজীর উপস্থিতির কথা যদি সোমেনবাবু বিন্দুমাত্রও জানতে না পারেন—তাহলেই তো বিষয়টা পরিষ্কার হয়ে যাবে ? আমাদের আলোচনার ভেতর থেকেই তিনি জানতে পাবেন—Potasium টা কে দিয়েছিল বা কে নিয়েছিল ।

শ্রামলী । বেশ, বেশ, তা'হলে আপনি একবার যান স্বামীজীর কাছে সেন সাহেব । আমি যাবো ! পাগল ! তা'হলে তো এ প্লান একেবারেই মাটি হয়ে যাবে ।

শ্রামলী । তবে কে যাবে ?

সেন সাহেব । তুমি নিজেই যাবে—তোমার innocence prove করবার আগ্রহ নিয়ে । তুমি যদি তার কাছে আত্মসমর্পণ করো, তা'হলে সে নিশ্চয়ই আসবে । সেও কি আজ তোমার চেয়ে কম বিপন্ন ?

শ্রামলী । কেন, তাঁর আবার বিপদ কি ?

সেন সাহেব । বটে বিপদ কি ? তুমি যদি তার ছেলেটিকে কোলে নিয়ে আদালতে গিয়ে দাঁড়াও—তখন ?

শ্রামলী লজ্জিত হইল

সেন সাহেব । লজ্জার কথা নয় শ্রামলী ! এই ভণ্ডসাধুগুলোকে ধরে চাবুক লাগানো উচিত । একমুখে চূণ আর এক মুখে কালি মাখিয়ে—লোকের সামনে চোদ্দপোয়া দেওয়া উচিত ।

শ্রামলী । মেয়েদের সম্বন্ধে আপনার সহৃদয়তার কথা আমি জানি সেন

সাহেব, কিন্তু এক্ষেত্রে আপনি ভুল করেছেন ! তাঁর কোন অপরাধ নেই। মৃত্যু-কালে রায়বাহাদুরের সেই কাতরতা আমার সব সময় মনে পড়তো ! সন্ন্যাসীকে সংসারী করবার একটা আগ্রহ আমার বুকে এমন ভাবে চেপে বসেছিল যে, আমি আত্মবিস্মৃত হয়ে পড়েছিলাম। মেয়েদের স্বাতন্ত্র্য-রক্ষার দাবী যে কত বড় ভুল, তা' আমি আজ বেশ বুঝতে পারছি—পুরুষের সাহচর্য ছাড়া তারা বাঁচতেই পারে না।

সেন সাহেব। তোমার ওসব গবেষণা আমার মোটেই ভাল লাগে না—যা' বললাম তাই করো। আমি এখন আমি শ্রামলী। একটু বসুন...

প্রস্থান

সেন সাহেব। উঃ ! অঞ্জলি—মেয়েটাকে মেরে ফেলবে জানলে কি আমি potassium এনে দিতাম ? বদ্‌মাইস !

মত্তপান করিল

স্বধাংস্তুর প্রবেশ

সেন সাহেব। শ্রামলীর দাদা আপনি ?

স্বধাংস্তুর আজ্ঞে হ্যাঁ।

সেন সাহেব। আপনি কি মত্তপান করেন ?

স্বধাংস্তুর না।

সেন সাহেব। Oh, then you are a goodboy.

স্বধাংস্তুর। এ ভাবে একটু ভদ্র মহিলার ঘরে ব'সে মত্তপান করা কি শিষ্টাচার ?

সেন সাহেব। হুঁ, আপনি চটেছেন দেখছি ?

সুধাংশু। আপনার পরিচয়টা আমি জানতে চাই...

সেন সাহেব। What do you mean by my পরিচয় ? দেখাতেই তো পাচ্ছেন—আমি ‘মণ্ডপায়ী’। এই কদভ্যাসের জন্তে, আমার দৈনিক দশটি টাকা চাইই। তা’ যে উপায়েই হোক....

সুধাংশু। ‘সে উপায়েই হোক’ মানে ?

সেন সাহেব। এই ধরুন—আমি নাম জাল করিতে পারি পকেট মারতে পারি, নানা রকম গুণ্ডপত্তর আছে আমার কাছে। Criminal Procedure Actএ আমি অতি সুপণ্ডিত !

সুধাংশু। আপনি কি ডাক্তার প্লীডার ?

সেন সাহেব। A very peculiar combination of the two !  
এক কথায় আমি—একজন—P. W. D. অর্থাৎ Public Works Department !

সুধাংশু। আপনি অতি ভয়নাক লোক।

সেন সাহেব। তুল বুঝবেন না। পরোপকারই আমার জীবনের একমাত্র ব্রত।

সুধাংশু। আমার বোনর কি উপকার করতে এসেছেন এখানে ?

সেন সাহেব। উপস্থিত তাকে legal advice দিতে এসেছি—প্রয়োজন হ’লে ভবিষ্যতে medical helpও করবো। মাতাল ভেবে আপনি আমাকে ঘৃণা করেছেন। কিন্তু একটা Certificate আমার আছে....

সুধাংশু। কি ?

সেন সাহেব। জীজাতিকে আমি মা বোন ছাড়া অণু কিছু ভাবি না।

শ্রামলীর প্রবেশ

শ্রামলী। কি বলছেন?

সেন সাহেব। তোমার দাদার সঙ্গে একটু আলাপ-পরিচয় করছি....

শ্রামলী। চলুন আমার গাড়ীতে। আপনাকে পৌঁছে দেব....

বিরূপাক্ষ। না দিদিমণি—এতরাত্রে ওই মাতালের সঙ্গে তুমি কোথায়ও যেতে পাবে না।

সেন সাহেব। দেখো বিরূপাক্ষ! বুড়ো রায়বাহাহর—তার ন'লক্ষ পঁচাত্তর হাজার, যার কাঁধে চাপিয়ে গেছেন, তার দায়িত্ব-বোধ তোমাদের কারো চেয়েই কম নয়।

সুধাংশু। কিন্তু আপনি সোমেনের বন্ধু! শুধু মাতাল নন....

সেন সাহেব। আজ্ঞে না। আমার বন্ধুত্ব টাকার সঙ্গে। যেহেতু মদের জন্তে টাকার দরকার।

বিরূপাক্ষ। আইবুড়ো মেয়ে তুমি! একটা মিথ্যে কলঙ্কের ভয় ও তো তোমার করা উচিত?

শ্রামলী। কেন বাজে বকছ বিরূপাক্ষদা! মনে করো, বিয়েটা আমার হ'য়ে গেছে! সিন্দুর পরার অধিকার পাই, বেঁচে থাকবো—নইলে মরবো। তোমাদের লজ্জা বা গ্লানির কোনো কারণ হবো না। চলুন....

উভয়ের প্রস্থান

বিরূপাক্ষ। উপায় কি সুধাংশুবাবু?

সুধাংশু। জানি না। এখন ওর মৃত্যু হলেই আমি সুখী হই....

প্রস্থান

## দ্বিতীয় দৃশ্য

স্থান—স্বামীজীর আশ্রম

কাল—রাত্রি

দৃশ্য—গেরুয়া পরিহিত সনৎ একটা কবল বিছানো খাটগার উপর বসিয়াছিল।  
মেঝের উপর একটা আসনে—বিহারী, বিপিন ও বিলান।

সনৎ—শুভ্রন বিহারীবাবু, আমার ধারণা—যে-সভ্যতার ভিত্তি  
নাস্তিকতার উপর, ভোগবিলাসই যার চরম লক্ষ্য—তার ধ্বংস  
অনিবার্য।

বিহারী। আচ্ছা, আপনার তো কোনো অভাব নেই : সার, আপনি  
কেন সন্ন্যাস গ্রহণ করেছেন ?

সনৎ। সন্ন্যাস গ্রহণ করেছি বলেই, আজ আর আমার কোনো অভাব  
নেই। অভাব যার যত বেশী, সে তত বেশী সংসারী।

সৌমেনের প্রবেশ

আমার বন্ধু এই সৌমেনকে বোধ হয় আপনারা চেনেন ? এর মত  
অভাবগ্রস্ত লোক এই বাংলাদেশে খুব কমই আছে।

সৌমেন। তাতো বটেই। কুস্তকর্ণের কোনো অভাব ছিল না। কারণ  
সে দিনরাত কেবল ঘুমিয়েই কাটাতে। অভাবগ্রস্ত ছিল রাবণ।  
যেহেতু সে থাকতো চব্বিশ ঘণ্টাই জেগে, মাথা ছিল তার দশটা—  
হাত ছিল কুড়িখানা। ইন্দ্র চন্দ্র বায়ু বরুণ—সবাইকে কান ধরে

টেনে এনে, নিজের কাজে লাগাবার মত শক্তিও ছিল তাঁর হাতে ।  
স্বয়ং ভগবানের পরিবারটিকে কেড়ে এনে, যে উচ্চাকাঙ্ক্ষার  
পরিচয় দিয়েছিল সে—তা' তোমাদের মত ক্লাবের দল কলনাও  
করতে পারে না ।

সনৎ । ( হাসিয়া ) ফলে তো হয়েছিল—সবংশে নির্বংশ ?

সৌমেন । সবাই তো নির্বংশ হয়েছে—সনৎ ! সে রামও নেই  
অযোধ্যাও নেই, রাবণও নেই, লক্ষ্মাও নেই । আছে, তোমাদের  
'রামায়ণ'—যেহেতু 'রাবণায়ণ' লিখে কেউ সে সং সাহসের পরিচয়  
দেয়নি ।

বিহারী । আপনি কি বলতে চান—রাবণের এমন কোনো গুণ  
ছিল, যা কীর্ত্তন করা—এই সভ্য জগতে সম্ভব ?

সৌমেন । সভ্যজগৎ ? What do you mean by সভ্যজগৎ ? ইটালী  
আজ হেইলে সেলাসীকে তাড়িয়ে দিয়ে আবিসিনিয়া অধিকার  
করেছে—জাপান চীনকে ধ্বংস করেছে—জার্মানী জেকোলোভেকিয়ার  
বুকে হাঁটু দিয়েছে—অষ্ট্রিয়ার টুঁটি কামড়ে ধরেছে—পোলাণ্ডকে গ্রাস  
ক'রে ফেলেছে । রাবণ আক্রমণ করেছিল সর্বশক্তিমান ভগবানকে  
আর এরা আক্রমণ করছে—অতি দুর্বল প্রতিবেশীকে । এর নাম  
বুঝি সভ্যতা ?

সনৎ । তাইতো বলছি সৌমেন—ভগবানের শরণাগত হও....

সৌমেন । অর্থাৎ কুস্তকর্ণের মত নিজা যাও, বা বিভীষণের মত ঘর  
ভাঙাও । কখনই নিজের পৌরুষ—প্রচার করো না, এই তো  
তোমার বক্তব্য ?



সনৎ । যে দেহাত্ম-বুদ্ধির ফলে—পাশ্চাত্য সভ্যতা আজ ধ্বংস হতে চলেছে, তাকে অস্বীকার করো, ভগবানকে বিশ্বাস করো, তাহলেই শান্তির সন্ধান পাবে ?

সৌমেন । থাক্ থাক্—আর ভণ্ডামির প্রয়োজন নেই । বইরে চলো, তোমার সঙ্গে গোটা কতো কথা আছে ।

বিহারী । আমরা তা'হলে এখন আসি ?

সনৎ । আচ্ছা আসুন...

সকলের প্রস্থান

সৌমেন । শ্রামলী কি এসেছিল—এখানে ?

সনৎ । না ।

সৌমেন । দেখা করবে একবার ?

সনৎ । না ।

সৌমেন । বাম্বা থেকে তার দাদা এসেছে । সেই বদ্মাইস সেন সাহেবও যাতায়াত শুরু করেছে । বাড়ীটা হ'য়ে উঠেছে একটা আড্ডাখানা !

সনৎ । তাতে আমার কি ?

সৌমেন । কী আশ্চর্য্য ! অতোগুলো টাকা দেশের বা দেশের কোনো কাজে লাগবে না ? বেশ ফুর্টি করেই জীবন কাটাতে একটা উচ্ছৃঙ্খল মেয়ে ?

সনৎ । শোনো সৌমেন—ও সব filthy affairsএর ভেতর আমাকে আর টেনো না । I have washed off my hands clean !

সৌমেন। ( হাসিয়া ) কিন্তু শ্রামলী যে সন্তানের মা।

সনৎ। ( চমকিয়া ) Is it ?

সৌমেন। Yes it is. সেন সাহেবের পরামর্শে—She is likely to  
accuse you in a Court of Justice—

সনৎ। বাবার শ্রাদ্ধের পর সে আমাকে কিছুতেই আশ্রমে ফিরতে  
দেয়নি। সেবা করতো, যত্ন করতো, নির্জন কক্ষে, আমার  
ঘুমন্ত বুকের উপর মাথাটা রেখে ঘুমিয়ে থাকতো। কত প্রতিবাদ  
করেছি কিছুতেই শুনতো না। কিন্তু আমি সন্ন্যাসী—আমার  
অপরাধকে তো অস্বীকার করতে পারছি না সৌমেন।

সৌমেন। সন্ন্যাসী হলেও, তুমি মানুষ! যে কুমারী মেয়ে তার  
আত্মসম্মানের দাবী বিন্ধিত হতে পারে—নিজের অভীষ্ট সিদ্ধির  
জন্তে চায়ের কাপে বিষ মেশাতে পারে—তাকে আজ শুধু ঘৃণাই  
করতে পারো, ভালবাসতেও পারো না বা বিয়ে করতেও পারো  
না। কিন্তু সে পারে তোমাকে বিয়ের জন্তে বাধ্য করতে—সে  
কথাটাও ভুলে যেয়ো না।

সনৎ। তা'হলে আমাকে এখন কি করতে বলো ?

সৌমেন। সে আজ তোমার চেয়েও বেশী বিপন্ন। বিয়ের প্রলোভন  
দিয়ে—ব্যাকের টাকা আর বাড়ীটা নিজের নামে লিখে নাও।

সনৎ। কণ্ঠনো না। এ পাপের প্রায়শ্চিত্ত, আমাকে করতেই হবে  
সৌমেন—

সৌমেন। কি প্রায়শ্চিত্ত করবে ?

সনৎ। ভেবে দেখি। তুমি এখন যাও। আমার ভালো লাগছে না।

সৌমেন। একটা কথা বলে যাই সনৎ। Don't fall in her trap again, she is a very dangerous girl....ওই যে সে এসেছে আমি যাই...

প্রস্থান

সনৎ। সত্যম্—শিবম্ সুন্দরম্!

অস্থির ভাবে পদচারণা করিতে লাগিল

দীর্ঘে ধীরে অপরাধীর মত শ্রামলীর প্রবেশ

সনৎ। ( দেখিয়া ক্রুদ্ধভাবে ) কেন এসেছ এখানে ?

শ্রামলী। আমি এখন কোথায় যাবো, কি করবো, তাই জানতে এসেছি...

সনৎ। মরতে পার ?

শ্রামলী। ই্যা পারি। কিন্তু, আপনার বাবা, সেই বুড়ো রায়বাহাদুরের উপায় কি ? আপনি তাঁকে তিলে তিলে মেরে ফেলেছিলেন। আজ তিনি আবার আমারই বুকের রক্তে বেঁচে উঠেছেন। আমি নিজে মরতে পারি—কিন্তু তাঁকে তো মারতে পারি না।

সনৎ। তুমি চরিত্রহীন। তোমার সন্তানের পিতা যে কে, তা কেউ বলতে পারে না। তোমার মুখ দেখলেও পাপ হয়।

শ্রামলী। এই রিভলভারটাই নিন্ তা'হলে। এতে গুলি ভরা আছে। আমাকে হত্যা করুন। তারপর আমার বুকেটা চিরে দেখুন—সে ছবি—কার ? কার চোখ-মুখের ছাপ আছে, তার চোখে ও মুখে।

সনৎ । আমাকে যথেষ্ট বিপন্ন করেছ শ্রামলী, আর কেন? মুক্তি দাও । তোমার কাছে করজোড়ে ক্ষমা প্রার্থনা করছি—আমাকে মুক্তি দাও...

শ্রামলী । বেশ, তা'হলে এই কাগজখানা রেখে দিন—আপনার বাড়ী আর ব্যাক্সের টাকা....

প্রণাম করিল

সনৎ কাগজখানা হাতে লইয়া টুকরা করিয়া ছিঁড়িল

ছিঁড়ে ফেললেন ?

সনৎ । ইঁ্যা, আমার সন্ন্যাসকে কলঙ্কিত করেছ তুমি । তোমার শাস্তি মৃত্যু—কিন্তু আমার প্রায়শ্চিত্ত—তুষানল ! স্নেহশ্রবণ নয় ।

প্রস্থান

শ্রামলী কিছুক্ষণ চুপ করিয়া রহিল । তারপর ধীরে ধীরে চলিয়া বাইতেছিল—

বাধা দিয়া সেন সাহেবের প্রবেশ

সেন সাহেব । যেয়োনা দাঁড়াও...

খাটরার একপার্শ্বে বসিয়া বীণী বাজাইতে লাগিলেন

সনতের প্রবেশ—তাহাকে দেখিয়াই—সেন সাহেব উঠিয়া দাঁড়াইলেন

এই যে মহাপুরুষ ! প্রণাম ।

সনৎ । তুমি আবার, কেন এসেছ এখানে ?

সেন সাহেব । মহাপুরুষ-দর্শনের পুণ্য-সঞ্চয় করতে ।

সনৎ । আমি তোমার বিজয়ের পাত্র নই—বেরিয়ে যাও এখান থেকে....

সেন সাহেব । তাহলে শ্রামলী থাকবে এখানে ?

সনৎ । না, তোমরা দু'জনই বেরিয়ে যাও ।

সেন সাহেব । তা কি হয় স্বামীজী ? হয়—আপনি এই শ্রামলীর সঙ্গে গাঁটছড়া বাঁধুন আর না হয় আমার সঙ্গে ব'সে একটু মত্তপান করুন—Choose either,

সনৎ । তুমি এখান থেকে যাবে কিনা, বলো ?

সেন সাহেব । আজ্ঞে না । আমি সন্ন্যাস-গ্রহণ করবো । গেরুয়া পরে যদি কুমারী মেয়ের সর্কনাশ-করা চলে, তাহলে মত্তপান-করাও চলবে । কি বলেন ? চলবে না ?

সনৎ । কুমারী-মেয়ে, তার নিজের সর্কনাশ নিজেই করেছে, আমি করিনি ।

সেন সাহেব । তাতো বটেই—যেহেতু আপনি একজন সাধু মহাপুরুষ—আপনার বেলায় ওটা হচ্ছে লীলামাহাত্ম্য ! শুধুন স্বামীজী, আপনাকে একটা ঘটনা নিবেদন করি । এই শ্রামলী মেয়েটিকে ভালবাস্তাম আমরা দু'জন—আমি আর সৌমেনবাবু । আমি একটা ছন্নছাড়া—কুৎসিত মাতাল ! সুতরাং শ্রামলীর মত মেয়েকে বিয়ে করবার ছরাকাজ্জা আমার মনে কখ'খনো জাগেনি । শ্রামলীর উপযুক্ত পাত্রের সৌমেনবাবু—তাঁর সঙ্গে ওর বিয়ে হলেই আমি খুব খুসী হ'তাম । হঠাৎ একদিন দেখি—শ্রামলী ভালবাসে আপনাকে । আপনি যে কত বড় অপদার্থ তা' আমার জানা ছিল । তাই উৎকর্ষা বেড়ে গেল—কি করি ?

সনৎ । কেন তুমি আমাকে অপদার্থ মনে করো ?

সেন সাহেব ।- মাত্র দশটাকার জন্তে বগড়াঝাটি ক'রে—যে তার দশ লাখ টাকার বাবাকে ত্যাগ করে—তাকে কি বলবো ?  
পদার্থ ?

সনৎ । হুঁ, তারপর ?

সেন সাহেব । তারপর ঠিক হলো আপনাকে খুন করা, শ্রামলীকে উদ্ধার করা । সৌমেনকে এনে দিলাম Potasium Cyanide ! কিন্তু দৈব—প্রতিকূল—মরলো অঞ্জলি....

সনৎ । তুমি প্রমাণ করতে পারো যে সৌমেন আমকেই খুন করতে চেয়েছিল ।

সেন সাহেব । নিশ্চয়ই পারি, যদি আপনার মাথার ভেতর কিছু বস্তু থাকে । আচ্ছা—জিজ্ঞাসা করি—আপনি যে চীনে মাটির কাপে চা খান না—একথাটা সৌমেন ছাড়া আর কে জানতো ? শ্বেত-পাথরের কাপটা নিশ্চয়ই আনা হয়েছিল—আপনার জন্তে । একথাগুলো কি ভেবে দেখেছেন একবার ?

সনৎ । সেদিন সেই ষড়যন্ত্রের ভেতর তুমিও তো ছিলে ?

সেন সাহেব । ইয়া, ছিলাম বৈকি ? শ্রামলী যে সন্তানের মা তাতো জানতাম না । সেদিন আপনাকে মারতে চেয়েছিলাম—আজ আপনাকে বাঁচাতে চাই—এতেও কি বুঝতে পারছেন না—স্বামীজী, এই শ্রামলীকে আমি কত ভালবাসি ?

সনৎ । তোমার কোনো কথাই আমি বিশ্বাস করি না ।

সেন সাহেব । দয়া ক'রে তাহলে সৌমেনবাবুকেও বিশ্বাস করবেন না ।

We were sailing in the same boat—হঠাৎ আমি ডাঙায়

উঠে দাঁড়িয়েছি। তিনি এখনো ভেসে বেড়াচ্ছেন—ন'লাথ টাকার মোহে! মেয়েটাকে না-ডুবিয়েই ছাড়বেন না...  
সনৎ। না, না, আমি তোমাদের কাউকেই বিশ্বাস করবো না। তোমরা যাও, আমাকে রক্ষা করো—

প্রস্থান

সেন সাহেব। শ্রামলীকে বিশ্বাস করুন—স্বামীজী। আপনার মঙ্গল হবে—হা-হা-হা-হা—এইবার একটু থাই...

মস্তপান

শ্রামলী। সত্যিই কি আপনি আমাকে এত ভালবাসেন সেন সাহেব?

সেন সাহেব। মিছে কথা! বানিয়ে বানিয়ে বললাম একটা গল্প—যদি লেগে যায়। আমি এখন আসি—তুমি কিছুতেই চলে যেও না। ওঁকে একবার তোমার বাড়ীতে নিতেই হবে—সৌমেনবাবু স্বরূপটা ওঁর কাছে প্রকাশ করতেই হবে—নতুবা স্ত্রীবিধে হবে না। ই্যা ভাল কথা! দশটা টাকা দাও তো—আছে সঙ্গে?

শ্রামলী। ই্যা আছে।

হাণ্ডব্যাগ হইতে দশটা টাকা দিল

সেন সাহেব। যা বললাম—মনে থাকে যেন...

প্রস্থান

শ্রামলী আঁচল পাতিয়া মেঝের উপর শয়ন করিল

ধীরে ধীরে সনতের প্রবেশ

সনৎ । শ্রামলী !

শ্রামলী উঠিয়া বসিল

এখানে শুয়ে আছ কেন ?

শ্রামলী । আমার মাথা ঘুরুছে—চোখে অন্ধকার দেখছি...

সনৎ । তবু তুমি এখানে থাকতে পারবে না শ্রামলী ! তোমাকে যেতেই হবে ।

শ্রামলী । আপনি তো এতো নির্ধর্ম ছিলেন না, স্বামীজী ?

সনৎ । হ্যাঁ ছিলাম না, হয়েছি । তুমি এখুনি এ আশ্রম ছেড়ে চ'লে যাও—নইলে আমাকেই যেতে হবে ।

শ্রামলী । না, না, আমিই যাচ্ছি । তবে, আমার একটা অনুরোধ রাখুন....

সনৎ । কি ?

শ্রামলী । কালই যাবেন একবার দয়া করে—আপনার বাড়ীতে । সৌমেনবাবুকে আমিই চা-খেতে ডাকবো, সেন সাহেবও উপস্থিত থাকবেন সেখানে । আপনি শুধু লুকিয়ে থেকে শুনবেন—আমাদের আলোচনা ।

সনৎ । সত্যিই কি তুমি প্রমাণ করতে পারবে যে সৌমেন আমাকে খুন করতে চেয়েছিল ?

শ্রামলী । হয় পারবো, আর না-হয় মরবো । তা' ছাড়া আমার আর কি উপায় আছে ? বলুন ?



সনৎ । আচ্ছা, অঞ্জলি কেন তোমার নামটা বলেছিল ?

শ্রামলী । সৌমেনবাবুকে সে অত্যন্ত ভালবাসতো । তাই সে তাঁকে  
বিপন্ন করিতে চায়নি ।

সনৎ । তা'কি সম্ভব ? মৃত্যুকালেও কি মানুষের মিথ্যা বলবার  
প্রবৃত্তি থাকে ?

শ্রামলী । মেয়ে-মানুষের থাকে । সে যাকে ভালবাসে, মৃত্যুর পরেও  
ভালবাসে ।

সনৎ । বিশ্বাস হয় না ।

শ্রামলী । আপনি একে পুরুষ—তা'তে আবার সন্ধ্যাসী । মেয়েদের  
ভালবাসা-সম্বন্ধে আপনার কোনো ধারণাই নেই । আচ্ছা স্বামীজী !  
আপনি কি 'জন্মান্তর' বিশ্বাস করেন ?

সনৎ । কেন করবো না ? আত্মা অবিনশ্বর । কামনা—বাসনার ফলেই  
তো এই বিশ্বসৃষ্টি !

শ্রামলী । আপনার বাবা আবার কিরে আসতে পারেন ?

সনৎ । হ্যাঁ, বাবার বিষয়াসক্তি, যদি তাঁকে ফিরিয়ে আনে, আনতে  
পারে । যাক্ সে-সব কথা । তোমার গাড়ী বোধ হয় বাইরে  
দাঁড়িয়ে আছে ?

শ্রামলী । আজ্ঞে হ্যাঁ—

সনৎ । তা'হলে তুমি এখন এস—আর দেরি করো না ।

শ্রামলী । কাল আপনি যাবেন বলুন—

সনৎ । না ।

শ্রামলী । কেন ?

সনৎ। আমি তো তোমাকে বিবাহ ক'রে সংসারী হ'তে পারবো না  
শ্রামলী! যে কুমারী মেয়ে নিঃসঙ্কোচে আত্মসমর্পণ করেছে আমার  
কাছে—আমি কি তাকে ঘৃণা না ক'রে পারি?

শ্রামলী। আপনি বোধ হয় জানেন না—আমি আপনার 'বাক্‌দত্তা'?  
সনৎ। তার মানে?

শ্রামলী। আমার বাবা ইচ্ছে করেছিলেন আপনার হাতেই আমাকে  
সম্প্রদান করবেন। আর আপনার বাবাও তা'তে—সম্মতি  
দিয়েছিলেন। আজ তাঁরা দু'জনেই স্বর্গে গেছেন। আমি যদি তাঁদের  
সেই ইচ্ছাটুকু পূর্ণ করে থাকি—আমার অপরাধ কি? কেন  
আপনি আমাকে ঘৃণা করবেন? শুনুন স্বামীজী! এজগতে ধর্ম বলে  
যদি কিছু থাকে—তাহলে আমার এ আত্মনিবেদন কখনই ব্যর্থ হবে  
না। আমার কুমারীজীবন কলঙ্কিত হয়নি।

কাঁদিল

সনৎ। কে ওখানে?

বিরূপাক্ষের প্রবেশ

বিরূপাক্ষ। আমি। চলো দিদিমণি, কেন তুমি এই—জানোয়ারটার  
পায়ে মাথা খুঁড়ে মরছো? অমন দেবতার মতো বাবাকে যে কাঁদিয়ে  
কাঁদিয়ে—মেরে ফেলতে পারে, তার কি কোনো ধর্মজ্ঞান আছে?  
চলো, চলো—রাস্তির অনেক হ'য়ে গেছে। সাধুর নিকুচি করেছে.....

উভয়ে চলিয়া গেল সনৎ চিন্তিতভাবে দাঁড়াইয়া রহিল

## তৃতীয় দৃশ্য

স্থান—সেবিকাসজ্জ

কাল—অপরাহ্ন

দৃশ্য—একটা টেবিলের উপর গালে হাত দিয়া সোমেন অতি চিন্তিতভাবে বসিয়াছিল।  
ধীরে ধীরে সেন সাহেব প্রবেশ করিলেন। তাহার হাতে একটা খালি মদের বোতল।

সোমেন। মিঃ সেন! তোমাকে আমি পাঁচশোবার নিষেধ করেছি—  
কখনো একটা মদের বোতল হাতে ক’রে—এই সেবিকাসজ্জের  
আপীষে ঢুকো না।

সেন সাহেব। ( বোতলটা নাড়িয়া টেবিলের উপর রাখিল ) Almost  
empty !

সোমেন কলিংবেল টিপিল

গোবর্দ্ধনের প্রবেশ

বোতলটা বাইরে ফেলে দিয়ে আয়তো।

সেন সাহেব। বাইরে ফেলে দিয়ে আসবে ?

সোমেন। হ্যাঁ, তুমি শ্রামলীর ঘরে ব’সে মদ খাও তা’ আমি জানি।

কিন্তু তাই বলে কি মনে ভেবেছ—এই—সেবিকাসজ্জ ব’সেও  
মদ খাবে ?

সেন সাহেব। যেখানে Potassium Cyanide চলে—সেখানে মদ  
চলবে না কেন ?

সৌমেন । বোতলটা নিয়ে যা গোবর্দ্ধন !

সেন সাহেব । না । (বোতলটা তুলিয়া লইয়া উঠিয়া দাঁড়াইল) *I can't tolerate such an insult to a bottle !—Good bye !*

যাইতেছিল

সৌমেন । যেও না মিঃ সেন—শোনো ।

সেন সাহেব । বলুন ।

সৌমেন । শ্রামলীকে তুমি কি পরামর্শ দিয়েছ ?

সেন সাহেব । দশটা টাকা দিন্ ।

সৌমেন । শ্রামলী তোমাকে টাকা দিচ্ছে ?

সেন সাহেব । নিশ্চই ! আপনি তো জানেন—*I never advise gratis !*

সৌমেন । শ্রামলীর ওখানে তুমি আর কথখনো যেতে পাবে না ।

সেন সাহেব । তাইতো বলছি—টাকা দিন্—যাবো না ।

সৌমেন । মিঃ সেন—শ্রামলী জাহান্নামে যাক্—কিন্তু—তার সেই ন'লাখ টাকা আমি চাই—যে উপায়ে হোক—চাই....

সেন সাহেব । *Then you require my help ? Thank you my boss !* তা'হলে একটু বসি—বোতলটা টেবিলের উপরেই রাখি—কি বলেন ?

কান্দিতে কান্দিতে মালতীর প্রবেশ

সৌমেন । কে ? মালতী ? তুমি আবার এখানে কেন ?

মালতী । ঘোষমশাই আমাকে মেরেছেন ।

সোমেন। সে কি? কেন বলোতো? এত আদর, এত যত্ন, সে সব  
কি হলো?

মালতী। সব মিছে কথা। তার সে বোটা মরেনি। ছুদিনের জন্তে  
বাপের বাড়ীতে গিয়েছিলো—আবার এসেছে।

সোমেন। (হাসিয়া) তাই নাকি? কিন্তু তোমাদের সে মামলার  
তারিখটা যে (ক্যালেন্ডারের দিকে চাহিয়া) 26th! তাই  
নয়কি?

মালতী। আজ্ঞে হ্যাঁ।

সোমেন। তুমি সাক্ষী দেবে না?

মালতী। না।

সোমেন। তাই বুঝি মেরেছেন তোমাকে?

মালতী। হ্যাঁ।

সোমেন। পরম গুরুর আদেশ অমান্য করবে?

মালতী। আমাকে আর লজ্জা দেবেন না।

সেন সাহেব। লজ্জা? Good God! তাহ'লে আর দেরি ক'রো না।

মালতী—ঘোমটা টেনে লজ্জাকে আড়াল ক'রে—ভিতরে চলে  
যাও।

সোমেন। না। তার আগে জান্তে চাই তোমার সে agreement  
কোথায়?

সেন সাহেব। তার আর প্রয়োজন কি সোমেনবাবু—নতুন—ক'রে  
একখানা লিখিয়ে নিলেই তো চলবে—? যাও, যাও, ভিতরে—

মালতীর প্রস্থান

তারপর কি বলছিলেন আপনি ? শ্যামলী জাহান্নমে যাবে ? কিন্তু—  
কেন ? তার চেয়ে একটা কাজ করুন না...

সৌমেন । কি ?

সেন সাহেব । Shyamali . Plus nine lacs, and minus the  
child she bears, is equal to—what you want. Is it  
not ?

সৌমেন । No, no, no, Mr. Sen, she is a rotten stuff !

I want the money only.

সেন সাহেব । Very well, then do the needfull..

গজেন্দ্র ঘোষের প্রবেশ

গজেন্দ্র । আমার স্ত্রী এখানে এসেছেন ?

সৌমেন । আজ্ঞে হ্যাঁ, এসেছেন ।

গজেন্দ্র । আপনি তাকে আবার আশ্রয় দেবেন ?

সৌমেন । কেন দেব না ঘোষমশাই ? বিপন্ন স্ত্রীলোককে আশ্রয় দেবার  
জগ্রেই তো আমাদের এই সেবিকাসম্মত !

যাইতেছিল

সেন সাহেব । ও মশাই শুনুন—শুনুন....

গজেন্দ্র । কি, বলুন ?

সেন সাহেব । আপনিই কি বাগুবাজারের স্বনামধন্য গজেন্দ্র ঘোষ ?

গজেন্দ্র । আজ্ঞে হ্যাঁ ।

সেন সাহেব । আপনার বয়স কত ?

গজেন্দ্র । Forty one !—না, না, fifty....

সেন সাহেব । একটু সাবধানে থাকবেন ।

গজেন্দ্র । কেন বলুন তো ?

সেন সাহেব । ই্যা, এখন একটা Seacoast এ গিয়ে থাকাই ভালো....

গজেন্দ্র । তার মানে ?

সেন সাহেব । Galloping কি না, তাই হঠাৎ মারা যেতেও পারেন ।

গজেন্দ্র । কি বলছেন আপনি ?

সেন সাহেব । যা দেখছি—তাই বলছি—খুলুন তো আপনার জামাটা ।

মাস্তর বোতামগুলো খুললেই চলবে...

সেন সাহেব একটা টেবিলে লাগাইয়া—বুক পরীক্ষা করিতে লাগিলেন—এবং সেই ফাঁকে ইনসাইড-পকেট হইতে একটা মাগিবাগ তুলিয়া লইলেন

যতটা serious ভেবেছিলাম—ঠিক ততটা নয় । তা'হলেও একটু সাবধানে থাকবেন—ওষুধপত্র—খাবেন ।

গজেন্দ্র । আপনি কি একজন ডাক্তার ?

সেন সাহেব । আজ্ঞে ই্যা, T. B. Specialist ! উপাধি—  
P. W. D.

গজেন্দ্র । তার মানে ?

সেন সাহেব । তার মানে—A Doctor of Public Works Department ।

গজেন্দ্র । আপনার ঠিকানাটা ?

সেন সাহেব। লক্ষ্মো। উপস্থিত গঙ্গার ওপারে এসেছি, এক সাধুমহা-

পুরুষকে চিকিৎসা করতে—হু'একদিনের মধ্যেই ফিরে যাবো।

গজেন্দ্র। তা'হলে আমার উপায় ? দয়া করে আমাকেও যদি...

সেন সাহেব। আচ্ছা, আচ্ছা, কালই আপনার গদীতে গিয়ে দেখা

করবো। আপনি তো একজন—মহাশয়-ব্যক্তি ! আপনাকে সবাই

চেনে।

গজেন্দ্র। যে আজ্ঞে, নমস্কার ! আমি তা'হলে এখন আসি....

প্রস্থান

সৌমেন। সত্যিই কি লোকটার Phthisis হয়েছে ?

সেন সাহেব। আজ্ঞে না। আপনার মতই Blood pressureএর রোগী

বলে মনে হলো...

সৌমেন। আমার Blood pressure ?

সেন সাহেব। নিশ্চয়ই। দেখি—আপনার ঘড়িটা টেবিলের উপর

রাখুন তো—

ঘড়ি দেখিয়া Pulse beat count করিলেন—ঘড়িটা নিজের

পকেটে রাখিলেন—সৌমেন হাসিয়া ঘড়িটা চাহিয়া লইল

সৌমেন। শোনো মিঃ সেন, আজ আর আমার হাতে একটিও পয়সা

নেই—ভোরে উঠেই গিয়েছিলাম শ্রামলীর কাছে, সে আর কিছুই

দেবে না বলেছে।

সেন সাহেব। কিছুই দেবে না বলেছে ?

সৌমেন। ই্যা।



সেন সাহেব। না, না, তা, সে বলতেই পারে না। এখনো যে আপনাকে তার প্রয়োজন আছে। যদি বলে থাকে কিছুই দেবে না, She is a fool!

সৌমেন। ( হঠাৎ সেন সাহেবের জামা টানিয়া ধরিল ) তুমি আর কতখানো শ্রামলীর ওখানে যেয়ো না মিঃ সেন! যদি যাও— তা'হলে আমি তোমাকে খুন করবো!

সেন সাহেব। শুনুন সৌমেনবাবু! আপনি আমার গুরুদেব। আমি আপনার হাঁটুর সমান। আপনাকে আমি অত্যন্ত শ্রদ্ধা করি— যেহেতু আপনি মদ বা মেয়েমানুষ কোনোটাই স্পর্শ করেন না। আমি একটা মাতাল! আমার অনুরোধ—শ্রামলীকে আপনি আর বিপন্ন করবেন না।

সৌমেন। কেন বলে তো? হঠাৎ তোমার এতো সহানুভূতি জেগে উঠলো কেন তার উপর?

সেন সাহেব। সে আজ সন্তানের মা। যে মার পেটে একদিন আমিও ছিলাম, আপনিও ছিলেন।

সৌমেন। আমি জানি মিঃ সেন—এরূপ বহু সন্তানের প্রাণ নষ্ট করেছ তুমি।

সেন সাহেব। হ্যাঁ। বহু মেয়ের লজ্জা-নিবারণ করেছি আমি। কিন্তু সৌমেনবাবু! শ্রামলী আজ মেয়ে নয়, মা। তার ভেতর আজ শুধু মাতৃ হৃদয় ছাড়া আর কিছু নেই। সে নিজে মরবে—তবু তার সন্তানের অকল্যাণ করবে না। কেন মিছেমিছি—আপনি তাকে এত বিপন্ন করেছেন? আপনার উদ্দেশ্য কি?

সৌমেন। তুমি কি জানো না মিঃ সেন শ্রামলীকে আমি কত ভালবাসি? সে ছিল আমার জীবনের সব উত্তেজনা ও উদ্দীপনার উৎস! তার সঙ্গে সঙ্গে আমি হারিয়ে ফেলেছি—আমার সব আশা ও আকাঙ্ক্ষা! আজ আর তাকে পাবার উপায় নেই, তা' জানি—তবু আমি চাই—তাকে ধ্বংস করতে। আমার জীবন ব্যর্থ করে দিয়ে সে বুঝি সুখী হবে? তা' আমি সহ্য করবো কি করে?

সেন সাহেব। হা হা হা হা—

সৌমেন। হাস্ছ কেন?

সেন সাহেব। মাহুষ যাকে ভালবাসে—তাকে কি ধ্বংস করতে পারে?

মিছে কথা। হা হা হা হা—

সৌমেন। শোনো, তুমি আর শ্রামলীর ওখানে যেও না। তাকে আর কোনো কুপরামর্শ দিও না। এই নাও—টাকা....

দশটাকার একখানা নোট দিল

সেন সাহেব। রাখুন দেখি, কত পেয়েছি!

গজেন্দ্র ঘোষের মাণিব্যাগ খুলিয়া গুলিল

Seventy—হা হা হা হা—

সৌমেন। কোথায় পেলে?

সেন সাহেব। ও, আপনিও বুঝি দেখেননি—I picked up the pocket of মহামাত্ত গজেন্দ্র ঘোষ? এ থেকেই দশটা টাকা আমি

নিষে য়াচ্ছি—বাকিটা আপনিই রেখে নিন—আপনার আর  
কতটাকা চাই বলুন তো ?

সোমেন। অস্বস্তঃ পাঁচশো—

সেন সাহেব। Very well—দেখি চেষ্টা করে—Good bye...

প্রস্থান

সোমেন চিন্তিতভাবে টেবিলের উপর মাথা রাখিল

## চতুর্থ দৃশ্য

স্থান—শ্রামলীর কক্ষ

কাল—অপরাহ্ন

দৃশ্য—শ্রামলী গেলগাবসন পরিয়া বসিয়াছিল। পার্শ্বে দাঁড়াইয়া বিরূপাক্ষ চোখ  
মুছিতেছিল।

শ্রামলী। তুমি কাদছ কেন বিরূপাক্ষদা ?

বিরূপাক্ষ। সত্যিই কি তুমি সন্ন্যাসিনী হবে দিদিমণি ?

শ্রামলী। তা'তে তোমার ক্ষতি কি ? সন্ন্যাসী যার স্বামী, তাকে  
তো সন্ন্যাসিনী সাজতেই হবে—উপায় নেই। দাদা কোথায় ?

বিরূপাক্ষ। রাগ করে চলে গেছেন—তিনি আর এ বাড়ীতে  
আসবেন না।

শ্রামলী। তাই নাকি ? আচ্ছা, তুমি এখন দেখো তো—বাইরে  
কে বসে আছেন—আমার সঙ্গে দেখা করবেন ব'লে ?

বিরূপাক্ষের প্রস্থান

ফোনে রিং করিল

Hallo—কে ? দাদা ? বর্ষা যাবে ? আজই ? না, না, তোমার  
পায় পড়ি দাদা, ফিরে এসো । তুমি ছাড়া, আপন বলতে আমার তো  
আর কেউ নেই—হয়তো আজই আমার জীবনের শেষ-দিন । মরণ-  
কালে তুমিও কি থাকবে না কাছে ? দাদা ! অবাধ্য ছোট বোন  
টিকে ক্ষমা করো—ফিরে এসো—ফিরে এসো ! আসবে না ? উঃ !

কাঁদিতে লাগিল

বিলাস । আপনি কাঁদছেন কেন—শ্রামলী দেবী ?

শ্রামলী । ( চোখ মুছিয়া ) কই না । এই তো হাসছি...

বিলাস । আপনি গেকুয়া পরেছেন ?

শ্রামলী । আজ্ঞে হ্যাঁ, দেখতেই তো পাচ্ছেন ।

বিলাস । কেন বলুন তো ?

শ্রামলী । যদি এই গেকুয়া দেখে আপনারা আমাকে রেহাই দেন ।

আমার চা-সিগারেটের খরচা অত্যন্ত বেড়ে উঠেছে ।

বিলাস । সে কি কথা শ্রামলী দেবী ? আপনি কি মনে করেন, আমরা

চা-সিগারেট খেতেই আপনার এখানে আসি ?

শ্রামলী । তা'ছাড়া আর কি মনে করবো ?

বিলাস । নিশ্চয়ই আপনি পরিহাস করছেন ।

শ্রামলী । কোন্টা পরিহাস আর কোন্টা গালাগালি তা' বুঝবার  
ক্ষমতা কি আপনাদের আছে ?

বিলাস । সেদিন আপনার দাদা বলছিল...

শ্রামলী। থামুন আপনি। আমার দাদার কথা আমি জানি। মোটের উপর কথা হচ্ছে—আমি এই গেরুয়া পরেছি দেখেই—আপনার ফিরে যাওয়া উচিত ছিল। কিন্তু বসে থেকে যথেষ্ট নির্লজ্জতার পরিচয় দিচ্ছেন।

বিপিনের প্রবেশ

আসুন, আসুন, বিপিনবাবু! এই বিলাসবাবু একটা ফুলের তোড়া এনেছেন, কই আপনি তো কিছু আনেননি?

বিপিন। আপনি যে ফুল ভালবাসেন—তা'তো আমি জানতাম না? আচ্ছা, কালই মিউনিসিপ্যাল মার্কেটে যাবো—দশটাকা দিয়ে একটা তোড়া কিনে আনবো....

শ্রামলী। আপনার বুঝি অনেক টাকা আছে?

বিপিন। আজে না, তবে—তবে....

শ্রামলী। ন'লাখ টাকার একটা লটারীতে আপনি দশটাকার একখানা টিকিট কিন্তে রাজী! আপনি বেশ বুদ্ধিমান লোক তো? দয়া করে আসুন আমার অল্প কাজ আছে।

বিপিন। সত্যিই কি আপনি ফুলের তোড়া....

শ্রামলী। Nonsense! বেরিয়ে যান এখান থেকে—যান....

উভয়ের প্রস্থান

বিরূপাক্ষের প্রবেশ

বিরূপাক্ষ। দিদিমণি! সনৎ এসেছে।

শ্রামলী। এখানেই নিয়ে এসো—হ্যাঁ, আর একটা কথা শোনো

দ্বিতীয় অঙ্ক

পি-ডাব্লিউ-ডি

চতুর্থ দৃশ্য

বিরূপাক্ষদা ! কার্ড না পাঠিয়ে, এখন আর কেউ যেন আসে না  
আমার সঙ্গে দেখা করতে ! দারোয়ানকে বলে দিও ।

বিরূপাক্ষ । আচ্ছা, ...

প্রস্থান

সনতের প্রবেশ

শ্রামলী । আহ্নন স্বামীজী !

সনৎ । তুমি গেরুয়া পরেছ কেন শ্রামলী ?

শ্রামলী । আজ আমার জীবন-মরণের সন্ধি ! মৃত্যুই যদি হয়—  
তা'হলে সবাইকে জানিয়ে যাবো—আমার স্বামী কে ? বাঁচতে  
না-দেওয়ার মালিক আপনি, কিন্তু আমার লজ্জা-নিবারণের উপায়  
এই সন্ন্যাসিনীর বেশ !

সনৎ । আজ সারাদিন, আমি তোমার কথাই ভাবছি—সত্যিই কি  
তুমি পারবে তোমার নির্দোষিতা প্রমাণ করতে ?

শ্রামলী । না পারি, মরবো । বেঁচে থাকার অধিকার তো আর  
আমার নেই ?

বেয়্যারা চা দিয়া গেল

সনৎ । এ কাপে বিষ নেই তো ?

শ্রামলী । আমার এঁটো খেতে যদি কোন আপত্তি না থাকে, তা'হলে  
দিন্ না একটু খেয়েই প্রমাণ করি...

সনৎ । সৌমেন কখন আসবে ?

শ্রামলী । এখুনি আসবেন ।

বেয়ারা কার্ড দিয়া গেল

সেন সাহেব এসেছেন । সেলাম দাও ।

বেয়ারার প্রস্থান

সনৎ । অচ্ছা, ওই মাতালটার সঙ্গে তোমার এত খাতির হ'লো  
কি ক'রে ?

শ্রামলী । মানব-মনের বৈচিত্র্য যে কতো, তা' কেউ জানে না । একটা  
অন্ধকার ভূতের বাড়ীর মতো—এর বারো-আনাই না-দেখা পড়ে  
থাকে—যেটুকু দেখার দাবী আমরা করি, তাও অনেক সময় মিথ্যে  
হয়ে ওঠে ! আশ্চর্য্য মামুষ এই সেন সাহেবকে, আজও আমি  
চিন্তে পারিনি...

সেন সাহেবের প্রবেশ

সেন সাহেব । সেন সাহেব নিজেই পারেনি । কখনো বা হাসি কখনো  
বা কাঁদি । কিন্তু কেন যে সেই হাসি কান্না, তা' জানে শুধু আমার  
মদের বোতল—আর কেউ জানে না । প্রণাম স্বামীজী ! আজ  
বুঝি তোমার এখানে মস্তপান চলবে না শ্রামলী !

সনৎ । অশ্রুদিন চলে নাকি ?

শ্রামলী । না সেন সাহেব ! স্বামীজীর সাম্মনে আজ আর আপনি  
মদ খেতে পাবেন না ।

সেন সাহেব। কেন? যে যা' খায়—তা'কে তা খেতে বঞ্চিত করা কি  
ওঁর উচিত হবে?

সনৎ। কেন আপনি এত মদ খান্ সেন সাহেব?—একজন অসাধারণ  
পণ্ডিত আপনি। মত্ত পানের এ কদভ্যাসটা ত্যাগ করতে  
পারেন না?

সেন সাহেব। পারি। করি না। আমি একটা ছরছাড়া P. W. D.  
কোন মেয়েই 'লাভে' পড়বে না, এ কথাটা নিশ্চয় জানি। তা'তে  
আবার—কুমারী মেয়ের সর্বনাশ করবার মত সংসাহসও নেই  
মনে। তাই একটু মত্তপানপূর্বক অশ্রমসঙ্ক থাকি....

শ্রামলী। আচ্ছা, সে দিন Potasium Cyanideটা আপনি কাকে  
দিয়েছিলেন বলুন তো?

সেন সাহেব। কেন বলবো? স্বামীজীকে শোনার জন্তে? উনি  
কি এই মাতালের কথা বিশ্বাস করবেন? তোমাকে যা বললাম—  
তা ভুলি করতে পারলে না...

শ্রামলী। তাইতো করেছি...

সেন সাহেব। সৌমেনবাবু আজ সকালে এসেছিলেন তোমার কাছে?

শ্রামলী। হ্যাঁ।

সেন সাহেব। টাকা চেয়েছিলেন?

শ্রামলী। হ্যাঁ।

সেন সাহেব। দাওনি?

শ্রামলী। না।

সেন সাহেব। এই বুদ্ধি নিয়ে তুমি সৌমেনবাবুর কাছ থেকে



Confession আদায় করবে? যাক্গে—তোমার সে ভুলটা আমিই সেরে দিয়ে এসেছি....

শ্রামলী। কি ক'রে সারলেন?

সেন সাহেব। এই কিছু-আগে একটা মেড়োর পকেট মেরে পেলাম—  
পাঁচশো টাকা! তাই দিয়ে এলাম সৌমেনবাবুকে—আর বলে  
এলাম শ্রামলী পাঠিয়েছে....

সনৎ। (বিস্মিতভাবে) আপনি পকেট মারেন?

সেন সাহেব। আঞ্জে হ্যাঁ। কিন্তু তা'তে আর আপনার ভয়টা কি?  
সম্যাসী মানুষের পকেটে তো শুধু বকেয়া শেলাই?

বেয়ারা কার্ড দিয়া গেল

শ্রামলী। (দেখিয়া) সৌমেনবাবু এসেছেন। আশুন স্বামীজী, আপনাকে  
লুকিয়ে রাখি....

শ্রামলীর সঙ্গে সনতের প্রস্থান

সেন সাহেব বাঁশী বাজাইতে লাগিলেন—শ্রামলী ফিরিয়া আসিল

যাও—সেলাম দাও।

বেয়ারার প্রস্থান

সেন সাহেব। আলোচনাটা আমিই conduct করবো। তবে, প্রয়োজন  
হলে তুমি কথা বলবে....

শ্রামলী। আচ্ছা।

সোমেনের প্রবেশ

সোমেন। আজ তোমার বাড়ীতে ঢুকবার এত কড়া ব্যবস্থা কেন  
শ্রামলী ?

সেন সাহেব। ভয়ানক কড়া সোমেনবাবু! অগ্ৰদিন একটু মদ খেতে  
পারি—আজ সে অসুস্থতিও নেই—স্বয়ং গৃহকর্ত্রীও সন্ন্যাসিনী সেজে  
বসে আছেন।

সোমেন। কারণ ?

সেন সাহেব। তিতিক্ষা! সংসারধর্ম্মে বীতশ্রদ্ধা। বোধ হয় ব্যাকের  
টাকাগুলো—আমাদের পাঁচজনকে বিলিয়ে দিয়ে—কোনো তীর্থ-  
স্থানে গিয়ে পড়ে থাকবার আকাজ্জা! তাই নয় কি শ্রামলী ?

সোমেন। হঁ, তুমি কতক্ষণ এসেছ এখানে ?

সেন সাহেব। এই তো কেবল আসছি। আমার সঙ্গে সেই পাঁচশো  
টাকা পাঠিয়ে দেবার পর থেকেই নাকি ওর মনের এই পরিবর্তন...

সোমেন। তুমি একটু চুপ করো সেন সাহেব। ওর মনের পরিবর্তনের  
কথাটা আমি ওর মুখেই শুন্বো।

সেন সাহেব। ই্যা, ই্যা, তাই শুন্ন—আমি এখন উঠি তা'হলে—  
এমন এক ফোটা মদ নেই যে—একটু গন্ধ শুক্বে...

শ্রামলী। বস্তু সেন সাহেব! যাবেন না। ই্যা ই্যা, আপনার সামনেই  
আজ আমি সোমেনবাবুকে একটা কথা জিজ্ঞাসা করবো।

সোমেন। কি ?

শ্রামলী। ব্যাকের টাকাগুলো পেলেই কি আপনি আমাকে মুক্তি  
দেবেন ?

সৌমেন। তার মানে ?

সেন সাহেব। আমিই আপনাকে বুঝিয়ে দিচ্ছি—কারণ এই নাটকের মূলে রয়েছে আমি। আমি যদি সেদিন আপনাকে সেই Potassium-টুকু এনে না-দিতাম, তাহলে তো এই নাটকীয় পরিণতিটা ঘটতো না ? শ্রামলীও মিছেমিছি এত বিপন্ন হতো না।

সৌমেন। সনৎকে কোথায় লুকিয়ে রেখেছ শ্রামলী ?

শ্রামলী। আপনি আমাকে মিছেমিছি বিপন্ন করেছেন কিনা বলুন ?

সৌমেন। না।

শ্রামলী। না ? না ?

অস্থির হইল

সৌমেন। দেখো শ্রামলী, সেন সাহেবকে বসিয়ে রেখে, এ আলোচনার উদ্দেশ্য বুঝবার মতো মগজ আমার আছে।

সেন সাহেব। গুরুদেব ! পায়ের ধূলো দিন—এ প্লান ফেল করেছে—আর সুবিধে হবে না শ্রামলী !

সনৎ বাহিরে আসিল

সৌমেন। এই যে সনৎ You are again in the trap ? ছিছিছি, শ্রামলী ! ওই বদমাইন্স মাতালটার সাহায্য নিয়ে—একদিন তুমি আমাকে বিব খাওয়াতে চেষ্টা করেছিলে, আজ আবার বন্ধু বিচ্ছেদ ঘটাতে চেষ্টা করছ ?

সেন সাহেব। এই বদমাইন্স মাতালটার সাহায্য কি আপনি কখনো নেন না ?

সোমেন। চুপ কর মিঃ সেন ! আজই তোমাকে আমি prosecute করাবো।

সেন সাহেব। বেশতো। গুরুশিষ্য দু'জনে গলাগলি ধরে জেলে যাবো—  
—আপত্তি কি ? কিন্তু দোহাই আপনার সোমেনবাবু, শ্রামলীকে মুক্তি দিন !

সোমেন। Nonsense ! আমি এখন উঠি সনৎ !

সনৎ। চলো সোমেন, আমিও এখানে আর অপেক্ষা করবো না ! এরূপ কুৎসিত স্ত্রীলোকের মুখ দেখাও মহাপাপ !

শ্রামলী। ( কাঁদিয়া উঠিল ) পাপ নেই, পুণ্য নেই, ভগবান নেই—

সনৎ। সবই আছে শ্রামলী, কেউ সন্ধান রাখে, কেউ রাখে না।

শ্রামলী। পাপ-পুণ্য যদি থাকতো তা'হলে সোমেনবাবুর মুখ দিয়ে এখুনি ঝলকে ঝলকে রক্ত উঠতো ! এতো মিথ্যার জয় কিছুতেই হতো না।

সেন সাহেব ! Yes, that's a very good suggestion—hands up সোমেনবাবু !

সেন সাহেব সকলের অজ্ঞাতে শ্রামলীর ড়য়ার হইতে

ব্রিসলভার লইয়াছিল

সোমেন। তুমি আমাকে খুন করবে ?

সেন সাহেব। Yes, just two minutes—for your confession.  
বলো সে Potasium আমি কাকে দিয়েছিলাম ?

সৌমেন । রিভলবারের ভয়ে, যে কথা বলবো, তাকি সনৎ বিশ্বাস করবে ?

সেন সাহেব । কে কি বিশ্বাস করবে—তা' জান্‌বার প্রয়োজন আমার নেই । শ্রামলীর এ অবস্থা না হ'লে—আজ আমি ওই স্বামীজীকেই গুলি করতাম । ওর চেয়ে তোমাকে আমি বেশী শ্রদ্ধা করি ভাল-বাসি তবু আজ তুমি মরবে । তার আগে বলো—শ্রামলী নিষ্পাপ কিনা, নিষ্কলঙ্ক কিনা ? বলো, বলো, বলবে না ?—one, two, three

রিভলবার ছুড়িল

সৌমেন । উঃ ! মিঃ সেন—

শ্রামলী । কি করলেন সেন সাহেব ?

সৌমেনকে ধরিল

সৌমেন । বেশ করেছ সেন সাহেব আর একটা গুলি করো এই মাধায়—ভুলিয়ে দাও আমি কে শ্রামলী কে ?

সেন সাহেব । না, না, না—তোমার মাথাটাকে আমি বহুক্ষণ বাঁচিয়ে রাখবো । হাতে মেরেছি—পায়ে মারবো, ছটা গুলি ভরা আছে এই রিভলভারে ! বলো বলো, শ্রামলী—নিষ্পাপ কিনা, নিষ্কলঙ্ক কিনা ?

সৌমেন । বলবো না, কিছুই বলবো না—গুলি করো, যত পারো গুলি করো, আমি সহ্য করবো

সেন সাহেব। সরে যাও শ্রামলী—তোমার গায়ে লাগবে....

শ্রামলী। না, না, আপনি আর গুলি করবেন না!

সৌমেন। কেন? কেন? তুমি কি আমাকে বাঁচিয়ে রাখতে চাও শ্রামলী! (হাসিল) তাহলে আমাকে এখনো ভালবাসো? সনৎ! এদিকে এসো—শোনো—এই শ্রামলীকে আমি ভালবাসি! অতান্ত ভালবাসি—পাঁচ বছর সে ছিল আমার কাছে—কথখনো তার মুখের দিকে কুভাবে তাকাইনি—ছোট বোনটির মতই দেখেছি। তোমার কাছে সে ছিল মাস্তুর পনের দিন। তাতেই আজ তার কুমারী-জীবন কলঙ্কিত হ'য়ে উঠেছে! তুমি সাধু, তুমি সন্ন্যাসী, আর আমি একটা শয়তান! শ্রামলী আজ তোমাকেই ভালবাসে—আর আমাকে করে ঘৃণা! মেয়েদের সম্বন্ধে আমার মনে যে কত-বড়-একটা ভুল ধারণা ছিল, তা' আজ আমি বুঝতে পারছি।

সনৎ। সৌমেন! সে কাপে বিষ মিশিয়ে দিয়েছিলে তুমি?

সৌমেন। ই্যা, ই্যা, আমার উদ্দেশ্য ছিল তোমাকেই হত্যা করা—

উঃ! শ্রামলী আমাকে ক্ষমা করো—আমি জানি তুমি নিষ্পাপ, নিকলক, সচ ফোটা ফুলটির মতই পবিত্র!

সেন সাহেব। তবে? আর কি চাও স্বামীজী! এখন শ্রামলীকে তুমি বিয়ে করবে কিনা বলো? হাতে আমার রিভলভার আছে এখনো! একটাতে যে ফাঁসি ছুটোতেও সেই ফাঁসি—ছুটো খুন আমি করতে পারি—কিন্তু ছুটো গলা তো

আমার নেই? হা হা হা হা—তু'বার তো ফঁসি হবে না?

হা হা হা হা...

শ্রামলী। রিভলভার দিন....

হাত চাপিয়া ধরিল

এই সময়ে একটা ভুল হইয়া গেল। অভিনেতা ও অভিনেত্রীগণ মনে করিলেন নাটক

শেষ হইয়া গিয়াছে—সকলেই নিজের পোষাক পরিচ্ছদ খুলিয়া ফেলিলেন।

কেহ বা গুণগুণ করিয়া গান গাহিতেছেন—কেহ বা অভিনয়ের সমালোচনা

করিতেছেন। একটা বিশৃঙ্খলা আরম্ভ হইল। হঠাৎ

প্রমটার খাতা, বাঁশী ও টর্চ লইয়া ঢুকিলেন

প্রমটার। আপনারা করছেন কি? এখনো তো ডুপ পড়েনি?

সেন সাহেব। অ্যা ডুপ্ পড়েনি? কেন?

প্রমটার। আপনার পার্ট বাকি আছে যে....

সেন সাহেব। তাই নাকি? দশটা টাকা দাও। নেই? হা হা হা

then; my P. W. D. work is over. Good night ladies  
and gentlemen good night!

সকলে একসঙ্গে গাহিল

“মায়া-প্রপঞ্চময় আমাদের এই মঞ্চ-মাঝে—

নটবর শ্রীজলধর যারে বা' সাজান সে তাই সাজে।”

—হুর্গাদাস

অবসানিকা







